

IV. 10. 19.

Joannis MiltonI. 7

A N G L I

PRO SE



DEFENSIO

CONTRA



Alexandrum Morum 19. 23. A

ECCLESIASTEN, 3

Libelli famosi, cui titulus,
*Regii sanguinis clamor ad
cælum adversus Parricidas
Anglicanos, authorem rectè
dictum.*



LONDINI,

Typis Neucomianis. 1655.

Joannis Miltoni

A N G L I

PRO SE

DEFENSIO

CONTRA

Alexandrum Morum, &c.



Nihil equidem aut antea inauditum, aut meâ tum expectatione alienum, cùm Libertatis causam primò accepi defendendam, usu venturum mihi arbitratus sum, si liberatores Patriæ, cives meos, unus præ cæteris publicè laudassem, Tyrannorum jus infinitum atque injurium coarguissem, ut improborum omnium in me propè unum ferrentur odia, atque redundarent. Prævidebam etiam tum bellum vobis, Angli, cum hostibus haud diuturnum; mihi cum perfugis, & eorum mercenariis sempiternum propemodum fore:

B

ut

2 *Joannis Miltoni Angli*

ut quorum vos tela de manibus eripuisse, eorum in me maledicta atque convicia eò acrius conjicerentur. In vos ergo furor hostium atque impetus deferbuit; mihi, ut videtur, soli hujus belli reliquæ supersunt; contemptissimæ quidem illæ, sed ut ferè sunt infimorum impetus animalium, satis infestæ. Non perditorum duntaxat civium, sed exterorum etiam ut quisque alienarum rerum plus nimio curiosus, ut quisque importunissimus, corruptissimusque est, in me involat, officii tantummodo mei satagentem; in me omne virus & aculeos dirigit. Quo fit, ut quod plerique ad commendationem operis, & audientiam sibi faciendam præfari initio solent, se ab exili atque humili rerum materiâ ad res dictu gravissimas atque maximas aspirare, id mihi in præsentia nequaquam concessum sit; ut cui nunc contra vel invito atque nolenti à rebus maximis & gloriosissimis dicendis ad res obscuras, anonymorum latebras, & adversarii

sarii turpissimi persequenda lustra atq;
flagitia necessario sit descendendum.
Quod etsi parū exordienti honorificū
& ad reddendos lectorū animos atten-
tiores minus accommodatū esse vide-
atur, habet tamen quod exemplo haud
absimili, cū viris optimis & præstan-
tissimis idem contigerit, consolari pos-
sit: siquidem & Africanus ipse Scipio,
postquam ea gesserat quibus nihil in
eo laudis genere felicius aut majus po-
tuit, inclinatione rerum suarum per-
petuā & decrescente semper suæ vir-
tutis materiā usus esse videtur: Et
primò Dux quidem summus, atque
Hannibale superior, mox contra ho-
stem Syrum & imbellem Legatus,
Tribunorum deinde impotentiā ve-
xatus, suam tandem cōmunire villam
Liternensem contra fures atque latro-
nes coactus est: in hac tamen rerum
suarum declivitate atque descensu par
ipse sēper sibi & æqualis dicitur fuisse.
Unde ego, atque aliis aliundē monitis,
quicquid fortis aut provinciæ dederit

4 *Joannis Miltoni Angli*

modò Deus, multo licet priore angustius, atque tenuius, id non aspernari erudior. Sed quemadmodum Dux bonus (quidni enim bonos in omni genere liceat imitari?) contra hostem qualemcunque boni Ducis officium explebit; vel si hoc nimis invidiosum est, ut sutor bonus, ita enim vir sapiens olim philosophatus est, ex eo quodcunque est ad manum corio calceamentum quàm potest optimum conficiet, sic ego ex hoc calceamento (argumentum enim cùm instituissem dicere, puduit) trito præsertim jam antea atque diffuto, siquid concinnare quod legentium auribus tantum non fastidio sit potero, experiar. Parsurus utique omninò huic operæ, nisi accusationes mihi nescio quas falsas, & mendacia objecisset adversarius, quam ego maculam aut suspicionem adhærere mihi minimè volo. Quando hoc necessariò tollendum mihi onus est, dabit quisque veniam, uti spero, si populo qui non defui pridem & Reipub.

Pro se Defensio.

Reipublicæ, mihi met nunc non detu-
ero.

Quoniam itaque *tuam fidem*, More,
quam in ipso libelli titulo tu *publicam*
vocas, Ego publicatam jamdudum &
perditam scio, ita ultrò statim nobis
obstringis, ut *siquid eorum in te ag-*
nosceres, quæ de te ego scripserim,
majorem in modum irascere, ex ore
inprimis tuo, quo laqueo solet impro-
bus irretiri semper & capi, judicandum
te omnibus atque damnandum addico.
Cum enim & ex perpetuâ calumniâ,
quâ meum omne dictum aut factum
in deterrimam partem trahis, meque
obruere invidiâ quæris, & ex contu-
meliis, quas semper iniquissimas undi-
que in me arripis jaciendas, ex omni-
bus denique signis atque indicis iræ
facile appareat vehementissimè te,
quamvis id usque neges, & apertissimè
irasci, effugere non potes quin argu-
aris agnoscere in te ea, quæ vel *affin-*
xisse tibi me ais, vel in lucem protu-
lisse.

6 *Joannis Milton I Angli*

Duæ sunt res quarum ego te postulabam : altera injuriarum, altera flagitiorum. Injuriarum, quod libelli in nos clamorissimi Author extitisses ; nam quod populum Anglicanum satis lædere existimares te non posse, nisi me eximiè præter cæteros læsisses, id ego honori mihi potius, quàm contumeliæ duco. Flagitia verò tua commemorare, ut dignum erat, idcirco non gravabar, ut ostenderem, siquidem is est habendus clamoris author, qui edidit, & alius certè præter te nemo hæctenus comparuit, quàm casto ex ore clamor ille prorupisset. Quid tu ad hæc ? negas te authorem illius libelli ; & ita sedulò, ita prolixè negas, cum tamen liber ille nequaquam tibi displiceat, ut magis mihi pertinuisset videre, ne illum librum scripsisse, quàm ne illa in te tot probra admisisse reperiaris ; de quibus sic leviter & timidè, sed simul versutè ac veteratoriè te purgas, ut nemo non subesse ulcus perspiciat. Haud incallido fortasse

tasse consilio ; nam quis unum libellum scripserit, quàm quis multa stupra fecerit difficilior longè est probatio ; libellus sine arbitris confici potuit ; hæc sine sociis, & scelerum consciis non potuerunt : illic vestigia penè nulla necessariò apparent ; hic plurima indicia & præcedunt, & unà adsunt, & subsequuntur. Itaque, si pernegasses ad te librum illum pertinere, arbitraris eadem operâ & fidem meam de reliqua tua vita saltem apud longinquos infirmari, & meâ credulitate atque injuriâ, quâ te scilicet temerè violassem, tuam magnâ ex parte levare infamiam : si ire inficias de libello non posses, restare tibi hoc solum prævidebas, quò nihil difficilius erat aut acerbius, ut de moribus & flagitiis haud perfunctoriè respondendum tibi esset. Verùm ego nisi hoc doceo, nisi planum facio aut te authorem illius libelli famosissimi in nos esse, aut te satis causæ præbuisse cur pro authore meritò haberi debeas, non recuso quin absque

8 *Joannis Miltoni Angli*

viſtus in hac cauſâ cum dedecore atque pudore turpiter diſcedam ; nullam à me culpam neque imprudentiæ, neque temeritatis maledicentiæ deprecor :

Prodiit hoc biennio anonymus & probroſus liber, *Regii ſanguinis clamor ad cælum adverſus Parricidas Anglicanos* inſcriptus ; in quo libro, cum Reſpublica Anglorum tota, tum nominatim *Cromwellus*, eo quidem tempore noſtrorum exercituum Imperator, nunc totius Reipublicæ vir ſummus, omni verborum contumeliâ laceratur : Secundùm eum, ſic illi anonymo viſum eſt, maledictorum pars maxima in me conjicitur. Vix ſuis integer ſchedulis liber iſte in Conſilio mihi eſt traditus ; ab eo mox conſeſſu qui quæſtionibus tum præfuit, alter mittitur : ſignificatum quoque eſt, expectari à me hanc operam Reipub. navandam, ut huic importuno clamatori os obturarem. Verùm me, tum maximè, & infirma ſimul valetudo, & duorum

duorum funerum luctus domesticus, & defectum jam penitus oculorum lumen diversâ longè sollicitudine urgebat : foris quoque adversarius ille prior, isti longè præferendus, impendebat ; jamjamque se totis viribus incursum indies minitabatur : quo de repente mortuo levatum me parte aliquâ laboris ratus, & valetudine partim desperatâ, partim restitutâ, utcumque confirmatus, ne omnino vel summorum hominum expectationi deesse, vel omnem inter tot mala abjecisse curam existimationis viderer, ut primùm de isto Clamatore anonymo certum aliquid comperiendi facultas data est, hominem aggredior. De te, *More*, dictum hoc volo : quem ego (quamvis tu nunc, quasi insons omnium atque insciens falsò te accusari vocifereris) nefandi illius clamoris vel esse authorem, vel esse pro authore haud injuriâ habendum statuo. Et cur sic statuam nunc audies. Primùm ego, neque hoc leve putaveris, famam communem,

munem, consentientem, constantem
 sum sequutus ; neque eam solum quæ
 populi vox, & ab antiquis Dea credita
 est, & à nobis hodiè vox Dei nuncu-
 patur, sed eam etiam, ut legitimè te-
 cum agi intelligas, quam Jurisperiti ab
 authoribus & probis & benè notis ex-
 ortam, fidem adjicere testimonio do-
 cent. Verè hoc dico & religiosè, me
 toto biennio nullum neque popula-
 rem, neque peregrinum convenisse,
 cum quo de isthoc libello sermones
 mihi fuissent, quin omnes unâ voce te
 ejus Authorem dici consentirent, ne-
 minem præter te alium nominarent.
 Ita universim obtinuit hæc fama, ut
 te possim ipsum hujus rei testem pro-
 ducere. Recita tuum ipse testimoni-
 um.

Testimonium Mori, pag. 10.

Neque verò tacui, si cui fortè subiit
 aliquid ejusmodi suspicari, sed palam
 & exertè respondi reclamans, conque-
 stusq; sum invito supponi mihi foetum
 alienum, siquidem illius auctor libri
 vel

vel ex parte vel in totum existimarer.

Quamvis hoc falsum sit tacuisse te, aut reclamasse quod plurimi testantur, qui te de eo libro & confitentem & gloriantem audierunt, dum hoc tutum tibi, aut lucro aut honori credidisti fore, hinc tamen vides, quàm hæc fuerit concepta altè, nec sine causa proculdubio, hominum opinio, ut ne familiaribus quidem tuis persuadere potueris, quo minùs *reclamantem* te & *conquerentem* atque *invitum* illius libri authorem *vel ex parte vel in totum existimarint*. Quid si ego, qui te nostris partibus inimicissimum esse, & de Republicâ nostrâ pessimè solere loqui loqui intelligerem, hæc plusquam fumâ mixus, hæc hominum non vulgarium communi opinione atque consensu adductus, hoc pro certo sumpsissem, te hunc libellum composuisse? Tu contra quid affers, quamobrem tantæ hominum, etiam amicorum tuorum consensio de inimico nostro facile habere

habere fidem non debuerim? Factum negas. At quotusquisque est reorum, qui multis etiam testibus in judicio convictus atque damnatus, in ipso supplicii loco, ubi etiam poenâ capitali jamjam plectendus est, pernegare crimen suum non soleat; immò secretum quodvis antea actæ vitæ facinus suum proferre in lucem non malit, cujus poenas meritas dare se nunc dicat, quàm de illo crimine confiteri de quo fit condemnatus? Accedit quod istum negat, cum sententiâ jam latâ, cum expeditâ & imminente jam securi, nihil juvat neque prodest negare: Tu propterea, quòd prodest, quòd est cur metuas, quòd manendum tibi in iis provinciis si faterere non esset, idcirco negas. Pacis articulos inter Nos & Foederatas Provincias *Latine conditos* vertisse te dicis. Legito itaque nonum, decimum, & undecimum, quos tu cum vertebas, solùm vertere debuisti.

Articulus pacis nonus.

Quod neutra dictarum Rerump. hostes alterius Reipub. declaratos vel declarandos, in ejus dominia recipiet, neque eorum alicui in prædictis locis vel aliò quocunque, etiam extra sua dominia auxilium, consilium, hospitium concedet, nec istiusmodi hostibus ullum auxilium, consilium, hospitium, favorem, pecunias præstari permittet.

Articulus decimus.

Quòd si alterutra dictarum Rerump. aliquem suum fuisse & esse hostem, & in sua dominia receptum esse, aut ibidem commorari per literas suas publicas alteri significaverit, tunc illa Resp. quæ hujusmodi literas receperit, intra spatium viginti octo dierum tenebitur dicto hosti mandare, ut extra sua dominia exeat. Et si quis prædictorum hostium intra quindecimum diem non exiverit, singuli morte & amissione bonorum multabuntur.

Articulus undecimus.

Quòd nullus hostis publicus Reip.
Angliæ

Angliæ in aliqua oppida, vel alia loca recipietur; neq; Domini Ordines Generales alicui hujusmodi hosti publico in locis prædictis, pecuniis, commeatu, aut alio quocunque modo auxilium, consiliũ, aut favorem dari permittent.

Hæccine audis? quàm diligenter, quàm severè ab utraque Republica tribus continuis articulis cautum, atque provisum sit, nequis alterius hostis ab alterutra vel hospitio vel tecto recipiatur; qui hostis declaratus vel declarandus ab alterutrâ sit, ei ut aquâ & igni ab altera sit interdicendum, ut morte etiam multandus sit, ni intra dies quindecim post denunciatum sibi discessum sarcinas collegerit? Hæccine, inquam, sine metu ac trepidatione audis? qui si hostis esse aut fuisse deprehendêris, nòsque ut viros fortes decet, in sententia persistemus, neque articulos otiosos ad numerum duntaxat composuimus, ubi tua illa stipendia, & sacrarum Historiarum professiones? cui de tota illa ditione intra
paucos

paucos dies decedendum erit ; & relictis Historiis , illa vitæ tuæ fabula nequissima nescio quibus in terris peragenda. Quis enim hostis noster magis publicus est dicendus , quàm is , qui libro famosissimo in vulgus edito totam Angliæ Rempubl. inhumanissimis verborum contumeliis proscindit atque dilaniat ? latrocinii , cædis , perduellionis , impietatis , parricidii , immò novo prorsus vocabulo deicidii demum incusat ; omnes Principes , Populos , Nationes in nos , tanquam in monstra ac pestes generis humani ad arma , quantum in se est , concitat ; & quasi ad commune atque sacrum bellum nobis inferendum hortatur ? Hunc tu confecisse librum nisi pertinaciter negares , nullus nunc locus consistendi iis in locis tibi esset. Cum igitur tibi tam sit omnino periculosum fateri , cum incolumitatis & commodorum tuorum , ac prope salutis tam vehementer interfit librum istum ejurare , cur tua inimici & improbissimi homi-
nis

16 *Joannis Miltoni Angli*

nis negatio contra famam constantem, immò verò quod plus est, contra tot hominum satis perspicacium, & amicorum aliquot tuorum opinionem valere debeat, non video. At enim dicis, non te solum negasse; testem habere *reverendum antistitem Ottonum*, qui clarissimum Duræum admonuerit *te illius libri non esse auctorem, sibi probè notum auctorem longè alium*. Itaque ex ipsis Duræi literis ostendam, neque probè hoc novisse Ottonum, neque testem omnino esse, vel siquid testatur, ex eo reddi te multo quàm antea suspectiorem.

Ex literis Duræi, Haga, April $\frac{14}{24}$

1654.

Quod ad responsum Miltoni ad eum librum, cui titulus Regii sanguinis clamor: Equidem à Ministro quodam Midelburgensi, qui Mori per familiaris est, certior sum factus, Morum non esse illius libri authorem, sed Ministrum quendam Gallicum, quem Morus sub conditione silentiù eidem nominavit.

Et

Et ex aliis alteris Amsterodamo,
April. 19. 1654.

Cum D. Ottono colloquutus sum;
hic quidem acerrimè Regius est, &
Moro perquam intimus; idque mihi
dixit, quod superioribus literis ad te
scripsi, Morum non esse *Clamoris Re-*
gii sanguinis authorem.

Ex quibus hoc in primis nemo non
intelligit, Ottono, ut qui partibus Re-
giis addictissimus, nobis inimicissimus,
Moro à secretis sit, ne si sua quidem
fide quicquam afferat, credendum esse.
Nunc autem cum apertè fateatur Ot-
tonus, quicquid hac de re sciat, abs te
hausisse, tuâ solâ autoritate niti, tu-
um hoc apud se depositum arcanum
esse, non hoc Ottoni testimonium, sed
tua adhuc sola negatio est: immò verò
potiùs tua clara confessio dicenda erit,
illius te libelli vel componendi vel
procurandi cum paucissimis esse con-
scium; si non authorem, at certè soci-
um & administrum; vel tuâ operâ vel
tuo consilio librum illum fuisse edi-
tum.

tum. Quod si ita est, ut est sanè per
tuum testem, ex tuometipsius ore ve-
rissimum, equidem haud metuo,
ne te falsò insimulasse dicar, si vel au-
thorem ipsum affirmaverim te, vel eo-
dem numero habuerim. Quis non jam
planè perspiciat, quàm penitus ex sinu
tuo liber iste prodierit? quàm non de
nihilò constantissima de te ista fama
invaluerit? verùm adhuc clarius hoc
idem statim perspicere cuivis licebit.
Jam enim à fama, quod postmodum ap-
parebit, minimè fallaci, ne vocis invidiæ
contra me utaris, ad justam probati-
onem & compertissimos mihi testes
transeo. Accipe in primis literarum
partem, quæ haud ita multo post Lug-
duno Batavorum sunt datæ, quàm li-
bellus iste clamorosus Hagæ-Comitis
est editus. Missæ sunt hæc literæ ad
amicum quendam meum ab homine
& docto & prudente, & rerum peri-
tissimo, mihi satis noto, & in Hollandia
notissimo: in quibus libelli cujusdam
famosi factâ mentione, hæc statim
verba subjungit.

Litera Leidenſes, Septemb. 27.

ſtilo novo. 1652.


Nec majoris momenti eſt iſte Mori
liber, cui titulus Clamor Regii ſanguinis ad coelum: ſatisque vendibilis fuit,
donec Author illius vitiatâ Salmaſii
uxoris ancillâ, ipſe ſuam exiſtimati-
onem commaculavit. Hæ literæ, eo-
dem puto menſe, integræ ſunt evul-
gatæ, inque actis diurnis apud nos,
quinto quoque die hebdomadæ pro-
dire ſolitis, palam extant; ejuſque
authoritate vel qui miſit eas, vel qui
edidit, fidem facilè ſuam tuentur, me-
am abſolvunt. Hæc habui neque le-
via, neque ullo modo contemnenda,
cur hunc Regii ſanguinis clamorem
opus tuum eſſe crediderim: famam
constantem, non vulgi, ſed amplifi-
morum hominum per biennium to-
tum opinionem atque conſenſum, li-
teras viri intelligentiſſimi atque hone-
ſtiſſimi vicina ex urbe miſſas, quibus
an quid certius in re præſertim longin-
qua de inimico & extraneo homine, &

omni infamiâ jamdudum cooperto,
expectandum fuerit aut requirendum,
haud scio. Age verò, ne tu me tristem
nimis & obstinatum queraris, aliquan-
to laxiùs te habebo, quo deinde for-
tiùs teneam atque constringam: quo-
niam attributum tibi librum elegan-
tulum sic averfariis atque horres, con-
tra hæc omnia quæ afferre hæcenus
potui tam valida, tuam valere singu-
larem & suspectissimam negationem
patiar; remittam tibi hoc totum at-
que largiar, non esse te hujus libelli,
qui Regii sanguinis clamor inscribitur,
authorem; & tamen, quod jam for-
sitam expectas, non sic abibis. Constat
iste liber & coagmentatur procemiis
quibusdam & epilogis, Epistolâ ad
Carolus, alterâ ad Lectorem, clau-
ditur carmine, altero in Salmasium
Eucharistico, altero in me diffamato-
rio: si ullam hujus libri paginam, si
versiculum fortè unicum scripsisse aut
contulisse, si edidisse, aut procurasse,
aut suasse, si denique edendo præfu-
isse,

isse, aut vel operæ tantillum accom-
modasse te reperero, quandoquidem
nemo alius existit, tu mihi solus totius
operis reus, & author, & clamator eris.
Neque verò meam hanc severitatem,
aut vehementem animum esse dixeris;
idem apud omnes fere gentes jure &
æquissimis legibus est comparatum.
Quod ab omnibus receptissimum est,
adducam, jus civile Imperatorium.

Legito Institut. Justiniani, l. 4. de
injuriis, Tit. 4.

Siquis ad infamiam alicujus libel-
lum, aut carmen (aut historiam) scri-
pserit, composuerit, ediderit, dolove
malo fecerit, quo quid eorum fieret,
&c. Adjiciunt aliæ leges; *Etiam si
alterius nomine ediderit, vel sine no-
mine.* Et omnes decernunt eum pro
authore habendum esse atque plecten-
dum. Quæro nunc ex te, non utrùm
Regii sanguinis clamorem, sed an præ-
missam clamori epistolam Carolo di-
catam, ullamve ejus particulam fece-
ris, scripseris, edideris, edendamve cu-
raveris?



raveris? quæro an alteram ad lectorem, quæro denique an illud infame carmen condideris, aut vulgandum curaveris? nihildum ad hæc respondisti; si clamorem ipsum tantummodo abdicasses, omnemque ejus particulam gnaviter ejurasses, salva fide evasisse te putabas, nosque probè ludificasse; Epistolam videlicet ad Carolum filium, aut ad Lectorem, carmen etiam Iambum, Regii sanguinis clamorem non esse. Tu itaque sic breviter habeto, ne tergiversari in posterum queas, aut prævaricari; ne diverticulum ullum, aut latibulum sperare; ut jam sciant omnes quàm non mendax, sed veriloqua, aut saltem non de nihilo ista fama de te increbuerit, tu, inquam, sic habeto: me non famâ solum, sed eo testimonio, quo nullum certius esse potest comperisse, te & libelli totius, cui Regii sanguinis Clamor est titulus, editionem administrasse, & operam typographicam correxisse, & Epistolam illam ad Carolum

lum secundum, Vlacci nomen præferentem, vel solum, vel *cum uno atque altero* composuisse. Id quod tuum ipsum nomen Alexander Morus exemplis aliquot illius epistolæ subscriptus, multis ejus rei testibus oculatis clariùs indicavit, quàm ut negare aut expedire te ullo pacto queas. Si dicis, importunitati quorundam amicorum te hoc dedisse, ut epistolæ nomen tuum apponeres, non aliunde quàm ex ore tuo sic excusanti tibi occurro. Qui solenniter affirmas, & eo præsertim loco paginæ 39. in quo, ut credatur tibi enixè flagitas *tueri te tua, aliena tunc demum forte curaturum, cum excussus propriis fueris.* Te ipso itaque flagitante, credendum non est te nomen tuum illi Epistolæ fuisse subscriptum, tua nisi esset: id quod sequente paginâ penè confiteris, tuamque ipse fraudem detegis & fallaciam, quâ fretus Clamoris authorem te esse toties negas. *Nam quis non misereatur,* inquis, *hallucinationis tue, cum Pra-*

24 *Joannis Miltoni Angli*

fationem Typographo tribuis modo, modo adimis: Clamorem totum in me confers, qui ne particulam quidem ullam ejus extuli. Hoc cui non suboleat? cùm Præfationis seu Epistolæ simul & Clamoris mentionem facis, Clamoris ne ullam quidem particulam conferri in te finis; Præfationis nullam respuis, nullam inficiaris: immò quasi errorem meum videris prope modum ridere, quòd sat s constanter non dixerim tuam esse. Si insciente te & prorsus ignaro factum hoc dicis, ut nomen tuum subscriberetur, primùm credibile non est quenquam esse ausum mittendæ ad Regem Epistolæ cum dedicato libro excusæ, alienum nomen ipso inconsulto subscribere. Complures deinde sunt, qui ex te ipso audierunt, cùm tuam esse illam epistolam vel interrogantibus faterere, vel ultrò ipse prædicares. Verùm tu necne fuerit, non admodum laboro; tunc solus an cum uno aut altero eam composueris; quod & hìc pag. 41. sub-

subindicare ludibundus propè videris. Te istius ego non Epistolæ duntaxat, sed & libelli infamissimi solum propè conscium, te ejusdem editorem aut edendi administrum, te Epistolæ ad Carolum aliquammultis exemplaribus divulgatæ subscriptorem notissimum, te scriptorem etiam confessum, te ergò omnium legum consensu atque sententiâ totius operis auctorem ipsum tuo ore convictum atque constrictum teneo. Hæc quo dicam testimonio tam remotus, & unde mihi tam liquiddò constare potuerint, si quæris, non famâ, inquam, solâ, sed partim testibus religiosissimis qui coràm hæc mihi sanctissimè asseverarunt, partim literis vel ad alios vel ad me scriptis. Literarum verba ipsa expromam, scribentium nomina non edam; propterea quòd in rebus alioqui notissimis necesse non habeo. Hem tibi imprimis ab homine probo, & cui ad hanc rem pervestigandam haud mediocris facultas fuit, literas Hagâ Comitum ad me datas.

Ex

Exploratissimum mihi est, Morum ipsum Clamoris Regii sanguinis exemplar nonnullis aliis imprimendum obtulisse, antequam Vlaccus illud accepisset; ipsum corrigendis operarum erratis præfuisse; ab ipso exemplaria, ut primum quodque absolutum est, compluribus impertita ac dissipata.

Viden' ut hæc dilucida atque distincta sint, ut non dubiis rumoribus collecta, sed datâ operâ ac diligentia hominis iis in locis ac rebus versatissimi, pervestigata & inquisita, certissimis indiciis comprobata atque comperta? Atqui testem, inquires, unum jus omne rejicit: en itaque ex ore duorum testium, quo testimonio neque sacrum, neque civile jus quicquam amplius aut locupletius desiderat, firmatum à me omne verbum, ut dicitur, & corroboratum habebis. Accipe nunc sis quæ vir honestissimus idemque intelligentissimus & certò sibi cognita, & illic testatissima Amsterodamo sic scribit.

Ex

Ex literis Amsterodamo.

Certissimum est omnes ferè per hæc loca Morum pro authore illius libri habuisse, qui *Regii sanguinis clamor* inscribitur : nam & schedas à prælo exceptas ipse correxit, & aliqua exempla subscriptum dedicatoriæ nomen Mori præferebant, cujus & ipse author erat ; dixit enim ipse amico cuidam meo, se illius Epistolæ authorem fuisse : immò nihil certius est, quàm illam sibi Morum vel attribuisse, vel agnovisse pro sua.

Verùm requiris adhuc tertium: non id quidem cogit lex, attamen indulget. Esto ; largissimâ per me lege utere : potest fieri, ut terni opus sint testes : coarctatum tibi à me juris quicquam non dices. Addo jam tertium.

Ex alteris literis Hagæ Comitis.

Dixit mihi Hagæ Comitis vir quidam primarius, habere se Regii sanguinis Clamorem, cum ipsa Mori epistola.

Vides

Vides quàm largiter tibi admetiar : clara enim hæc sunt, quis neget ? tu tamen scito clariora apud me esse, quæ datæ fidei causâ reticeo, quàm quæ nunc palam exhibeo. Quod si adhuc tamen vis cumulum, fortassis accedet. Interea nunc libero ac soluto animo ad reliqua proficiscor ; quandoquidem id quod Deum Opt. Max. precatus sum, adeptum me esse spero, ut nemini videar, viro præsertim bono & intelligenti, incertis rumoribus elatus temerè, accusationem contra te falsam instituisse, nec fictis criminibus innocentem, quod quereris, & immeritum perfudisse, sed tectum atque duplicem veris redarguisse, latentem atque festinantem tenebras in lucem protraxisse : quod quidem & ex ipsa testimonii claritate perspicuum esse reor, & in ipsis plurimorum hominum non conscientis modò, sed & sermonibus, ubi hæc gesta sunt, clarius elucere. Quibus si ego testimonium denuntiare possem, obruerere mihi crede, multitudine tot
testium :

testium : quos tamen aliquando sponte suâ veritati tam illustri, si opus erit, sua nomina palam daturus esse confido : quòd si hanc probationis vim atque evidentiam, quàm ne Judex quidem severissimus repudiasset, tu falsam tamen esse, id quod incredibile est, contendere audebis, erit fortasse cur de tuo queraris atque deplores infortunio ; aut iratum tibi atque infensum agnoscas Deum, qui per aliorum vel errorem vel mendacium assignatì tibi hujus libelli illa alia tua dedecora in Ecclesia diutius non ferenda, latius patefieri, & personam illam ecclesiasticam, quam circumfers impudentissimè, detrahi tibi voluerit ; me cur incuses deinceps aut reprehendas non erit, immo nec unquam fuit, velles modò tua in nos commissa recognoscere ; verùm illa mordicis inficiari nimium tibi expedit, & simul pergis laceffere. Noli igitur, -quod jam iterum moneo , me inculpare, si rursus quæ nolis nunc vicissim audieris. Sed videamus quid sit.

Primum

30 *Joannis Miltoni Angli*

Primùm occurrit mihi, nec opinatò,
 mea pro Pop. Anglicanò Defensio se-
 cunda, typis Vlacci malevoli mendo-
 fissimè ac malitiosissimè excusa; omis-
 sis nonnunquam verbis integris, non
 sine structuræ totius atque sententiæ
 vel depravatione vel interitu. Quod
 ego omnes volo monitos, qui mea
 curant legisse, nequid meum ex offi-
 cina hominis inimici & veteratoris ex-
 ire integrum aut sincerum existiment.
 Huic accessio est, Vlacci itidem mala
 merx, *Alexandri Mori fides publica*.
 Ita ego quos à me longissimè sum-
 movisse ac protelasse sum ratus, eos
 vel invitus sub iisdem pellibus conjun-
 ctissimos mihi reperio. Sic est pro-
 fecto; qui liberrimè riserit hos homi-
 nes, sibi devinxerit. Cavendum sanè
 & procul fugiendum erit cui putave-
 rint isti nasum esse aduncum; ne ali-
 quando satis irriti, iridentis naribus
 duntaxat uncis ipsi sese tanquam uni-
 ones hinc atque inde suspendant. Co-
 gnoscite verò nunc adversarium, si quis
 unquam

unquam fuit, degenerem, iniquum, odiosum. Nam ut primum, nescio quo casu per amicum meum, non id agentem ut ab isto gratiam iniret ullam, intellexit me ad Clamorem Regii sanguinis responsum in se edere, æsturare mens hominis conscia, & omnes in partes versare se coepit. Inter alia trepidantis atque degeneris animi indicia, qui libellum modò famosum tam cupidè, tamq; improbè in alios edidisset, libellum nunc supplicem ad Legatum Fœderatorum Ordinum apud nos commorantem scribit, orans atque obsecrans, uti cum Dom. Protectore quam instantissimè de supprimenda mea Defensione ageret. Cùm responsum tulisset impetrari nequaquam id posse, exire nihilominus in lucem, jamque adnavigare animadverforem in se librum cum spicilegio quodam & collectaneis facinorum suorum, conturbatus, & huc, illuc cursitans, circumspectissimus deinde homo, totus in speculis est; oculos ab litore dimovere vix

vix audet; ubi advenisse librum cognovit, suumque statim indicem sensit, prece nescio an pretio exorat librarium, ut exemplum illius libri ullum ne divenderet, donec ipse responsum suum confecisset; id est, ut commercii fidem violaret, donec iste *fidem publicam* conflasset. Ita bonus ille vir quingenta plus minus exempla rectè & emendatè edita suo arbitratu premit, dum Vlaccus interim jacturam alienam suum ratus compendium, quot sibi videtur mendosa imprimit. Bene agis, Vlacce, ut consuevisti; sed auctarium hoc damni quid sibi vult adjectum? cur appendices vos ipsos adjunxistis mihi, hominum importunissimi? nemone ut possit me velle, quin vos quoque vel ingratissimum onus unà ferre cogatur? Ergo ego, ut videtur, non cæcus, sed cæcias, quos volebam propellere nebulones, attraxi. Tu verò, adeone tibi, More, tuoque sive genio sive ingenio diffusus es, ut victurum te, & in manus hominum perventurum
despe-

desperares, nisi te mihi affeclam quocunque irem, malè conciliatum agglutinares, & emptoribus etiam nolentibus te obtruderēs? verùm expertus jam didici quid sit picem attrectare; & erat hoc, opinor, haud minus Vlacci astutiâ provisum, qui non Typographus solùm, sed arithmeticus, quod jam fateor, vetulus, metuebat ne *Alexandri Mori* neglecta *fides publica* jaceret, seque à foricibus ægrè tueretur, nisi hanc artem Alligationis, verè cauponariam, adhibuisset, & vile ac vitiosum vendibili miscuisset. Age verò, quoniam necesse est cum Defensione pro pop. Anglicano, *Alexandri Mori* fidem publicam coemere, quanquam parva hæc, utcunque nummularum jactura erit, discere ex te avemus, quid sit *Mori fides publica*? utrùm confessionem tuæ fidei publicam nobis exhibes, an quid in symbolum? Hæc enim tua fides publica est, opinor; privata an sit dicant, qui te Spir. Sanctum non agnoscere accusant:

D

Quid

Quid ergo est? tuámne dicamus fidem esse publicam, an fidem publicam esse tuam? Tuam fidem sicut & pudicitiam esse publicam, non est difficile ut credamus. Qui enim alienas uxores & ancillas vis esse publicas, quidni tua omnia, pudorem etiam ac fidem publicam esse velis? An verò hoc est quod dicis, fidem publicam esse tuam? at hoc quí potest fieri? Tunc fidem publicam pro scorto abduxisse te putas, tua ut simul esset & publica? aut captiosus hic titulus est, aut sensu vacuus. Si tua fides hæc est, quemadmodum est publica? si publica est, quemadmodum est tua? Relinquitur ut vel imprudens hoc titulo significasse videare cum Alexandri Mori fides publica sit, adeoque non tua; rursus cum tua sit, ideoque non publica, hanc quam affers fidem repugnantem & implicitam, nec publicam esse nec tuam: Quid ergo? aut dubiam, aut inanem, aut denique nullam. Quòd si contendis hanc fidem omnino esse publicam,

quæ

quæ tua tanta impudentia est, More, ut cum fidem ipse nullam habeas, quam pro te afferas, tot flagitia perpetrare fide publicâ existimes tibi licere? ut nunquam aliàs dici veriùs, quàm de te versiculus iste videatur, quicquid peccat Morus, plectitur fides publica. Hæc tibi una licentia si concedatur, non tu Alexander Morus, sed Alexander ille Phrygius meâ quidem sententiâ nominaberis. Beatum interim te, cui militet fides publica. Contra quem autem? contra meas nempe *calumnias*. Quas tandem illas? an quòd infamis libelli Clamoris Regii authorem te affirmaverim, nunc etiam justâ probatione arguerim? at verbum de isto clamore in tua fide publica nullum. An quòd hortensem te adulterum, domesticum Ponticæ stupratorem enarraverim? at horti percautè tu quidem ac timidè mentionem facis; factâ utrobique flagitia aut non omnino, aut obliquè tantùm & frigidè negas. Quid ergo fidem publicam sollicitare opus

36 *Joannis Miltoni Angli*

erat iis de rebus, quas audacter ipse negare non potes? nihil sanè, nisi quòd circumforanei pharmacopolæ & vanissimi circulatoris hoc solum tibi defuit, ut elogiis ac testimoniis, nescio quo pacto adscitis atque correptis, & ostentatâ fide publicâ te venditares. Tibi igitur si *Scurra* sum, minus commoveor; quandoquidem is, qui ab oraculo sapientissimus, ab tui similibus *Scurra Atticus* est dictus. Cur autem *Scurra* tibi videor, *More*? an quòd nequitias tuas interdum falsè perstrinxerim? nâ tu stultior sis, *More*, & adhuc magis ridendus, si quenquam putas, modò emunctæ naris sit, ad tuos foetores, nisi sale conspersos, posse appropinquare. Sed vide, quàm tibi temperaverim, quàm leniter tecum egerim: Cùm enim in ipsa fronte libri nullo negotio potuerim tibi paria retulisse; & affixo tibi cognomento appositissimo atque meritissimo ita scripsisse, *Contra Alexandrum Morum adulterum & cinadum*, cohibui me; partim

partim tui misertus, partim ut legentium oculis atque auribus nonnihil consulerem, ne subito occurso tantæ fæditatis atque offensione averterentur.

Sed de his plus fatis; ab infantissimo nunc titulo ad librum ipsum veniamus: id quod te, ut video, non delectat; nam rectâ eunti viam obstruis; & ægrotantem Doctorculum nescio quem Crantzius cum lectulo & culcitra, tanquam aggerem aut vallum obdis tibi & transversum extrudis. Qui *ager*, ut ipse ait, & ni fallor ægerimus, id est maledicendi cupidissimus, haud scio an ventilatâ lodice vix se in cubitum erexerit, ut hæc sua febriculosa somnia deliraret. Mox quasi testamento jam facto subjicit, *Scripti propria manu & subsignavi licet ager corpore.* Age jam tu, si vis, animam; nos resignemus; & Lectori imprimis quid legaveris inspiciamus: mutam, opinor, salutem; ne unciolam quidem; quid ergo? plorare: *Lege si potes & luge.* Me verò
D 3 quòd

quòd ignotus minimè expectabam, secundum hæredem quincunce toto maledictorum aspergis. *Lege, inquis, & luge sæculi vicem, in quo maledicentia tantum licet* : Luge potiùs tot insipientes doctorculos, quos nisi maturè caveat hoc sæculum, vereor ne propediem & lugeat & luat. Tu verò tum luxisses, cum inauditâ audaciâ Salmafius homo privatus, extraneus, nullâ injuriâ laceffitus, in universam Anglicanam Remp. atque Senatum foedissimis contumeliis bacchatus est : tum luxisses, cum probrosus ille anonymus Clamorem Regii sanguinis in nos eructavit, nec acerbissimis modò verborum contumeliis ad rabiem usque furit ac sævit, sed nobiscum sic agi oportere, decere, convenire, rationibus & argumentis, ut ipse putat, Christianis defendere conatur. Cognosce nunc, si potes, tuam ipse iniquitatem : cum externi, ad quos nostra nihil pertinent, nobis vel acerbissimè maledicunt, & maledicentiam ipsam defendunt, vis omnes

omnes *legant* : cùm ego & pro meo in patriam officio, & Magistratum jussu meos cives ac populares, me denique ipsum probris omnibus læsum *defendo*, vis omnes *lugeant*. Tum cavere Lectorem jubes, ne me *credat Historicum*. At neque tu Albertus es Crantzius; & hoc tibi edico caveas, ne ego antequam peroravero te citius *Mendacem*, quàm tu me *Fabulatorem* coarguas. *Quis & qualis sit iste Milonius*, inquis, *ignoro*. Non displicet; eque enim tanti est tuum nosse aut non nosse: Ego verò te statim novi & verbum tuum. *Quis sit*, inquis, *ignoro*; *belli ejus satis docent*. Indocilis ergo Crantzius, qui ignorat; temerarius atque injurius, qui ignotum illius lædis, qui per calumniam ac malignitendi præproperam libidinem ex ro de divortiis, loco non citato, verum aut non plenè aut perperam adscribis, Blasphemix falsò insimulas. Tu quisquis es Crantzi, in malam rem abieris, quàm dixisse me *Do-*

40 *Joannis Miltoni Angli*

*etrinam Evangelii & Dom. nostri Jesu Christi de Divortio esse Diabolicam, usquam inveneris. Quòd si dixi fortasse, quam inde conficiunt vulgares interpretes doctrinam, quâ post divortium necessario factum, omne aliud matrimonium interdicunt, esse Diabolicam, id esse Blasphemiam quo tu pacto evincis? nisi si fortè Theologorum dictatis quibusvis contradicere, nunc primùm Blasphemia est credenda. Quod autem affirmas Doctrinam de Divortiis ab omnibus patribus à Theologis veteribus & hodiernis, ab omnibus Academiis & Ecclesiis Britannicis, Hollandicis, Gallicis eodem modo explicari, scito te vehementer hallucinari: & ignorantiam Doctori tibi & præsertim reprehensori turpem prodere: quam si vacat, in eo libro, qui à me *Tetrachordon* est inscriptus, exues. Poteris ibi, si libet, discere, quam ego tueor sententiam, eam & Patrum aliquot, & summorum postea Theologorum Bucer, Fagii, Martyris, Erasmi*

mi fuisse; quorum hic justo tractatu
Phimostomum quendam Doctorem,
sui comparem, eademque ferè blatta-
rantem refellit. Interea non miror la-
borare te tantopere de inhibendis di-
vortiis, cum animadverto etiam domi-
tux haud leve accidere divortium so-
lere; nimirum sensus communis ab
loquacitate tua. Quis enim mentis
compos aut sententiæ suæ sic loquitur?
*In Salmasio vix ipsi inimici aliud re-
quirunt, quam quod fuerit iracundior,
& male conjugatus.* Patere te doceri,
doctorcule, quod pueruli sciant. Non
requirebant illi quod fuit, sed quod
non fuit. Ais me *Eunuchum* dixisse
Salmasium, quod nunquam dixi: duos
tantummodo versus ex Eunuchi Te-
rentiani prologo desumpsi, ut Sceni-
um plorantis exordium, & lamenta-
bile ridiculum risu, ut par erat, excipe-
em. *Nihil minus quam Eunuchum fu-
isse* affirmas: id meâ nihil refert. Tu
amen, quid hac in parte solus tam au-
cter pronuncies, cave. Adeone le-
gum

42 *Joannis Miltoni Angli*

gum nescius ac rudis es, ut ullam rem difficilius probare te posse sine duobus testibus arbitreris? Sed minitaris deinde; *quando prodibit viri summæ posthumus liber, Miltonius sentiet mortuos quoque mordere.* Vos ipsi existimare potestis, qui vivum non peritui, eundem mortuum quam non reformidem.

Eternum latrans exangues terreat umbras.

Si mordacem in me mortuum emis-
eritis, scitote neque melle neque mulso
placatum à me iri. Cognoscetis an &
ego λόγον ἐπιτάφιον commodè possim
scribere. *Eii boni, inquis, quam niger
est Miltonius, si fides Salmasio?* at ip-
sam inferorum fuliginem si secum tra-
hat, me, Deo benè juvante, denigrare
non poterit. Tu Salmasii in me con-
vicia ut lætè nunc refers! quasi pul-
mentum ægroto tibi hoc esset: contra
illa convicia cùm ego me, ut par atque
æquum est, defendam, tunc tuum illud
irrite & querebundum rursus audie-
mus,

mus, *Dege & luge*; & illi *Dii boni* tui tunc rursus fortassè implorabuntur. Sed dic, quæso, Sacrosanctæ Theologiæ Doctor, quos tu deos bonos colis? vereor ne Catechumenus hîc potius, quàm Doctor dicendus sis. Docent sacræ literæ unum esse bonum Deum. Tibi si *Dii boni* sunt, erit fortassis & bona Dea; cujus tu Sacerdos & Mystagogus Corybantem in me nunc agis. Ego quæ in Morum attuli, quanquam tu *falsissima* esse præfidenter affirmas, sciunt illi esse verâ, qui rebus omnibus interfuere, quique nullum Genevæ Crantzium eo tempore cognoverunt. Hoc sanè miretur quispiam si hæc Mori fides publica est, quo pacto, quove nomine tua ista præfata fides huc nobis ex grabatulo in præfationem irrepsit. Iniquitas, certè in me tua fidem de illo quam infercis, hic tuam in dubium vocat, qui me accusas, quòd *innocentissimo Typographo parcere non potuerim*. Ergo Vlacis, qui me sibi prorsus ignotum petulantissimis

44 *Joannis Miltoni Angli*

lantissimis convitiis adscripto nomine
 palam appetivit, tibi *innocentissimus*
 est. Audi ergo iterum, Theologe, cui
 tu sacrae scientiae vix initiatus mihi vi-
 deris, audi quàm te tuosque mores
 Theologia sacra & sapientissimus prae-
 ceptor dedoceat: Qui absolvit impro-
 bum, & qui condemnât justum, abo-
 minationi Jehovæ sunt æquè ambo.
 Verùm haud scio utrum in me ex ig-
 noto factum modò inimicum iniquior,
 an in amicum ipsum ineptior sis Mo-
 rum: cujus prædicatas virtutes tot vī-
 tiis interpunctas, & propè alternas in-
 troducis, ut non ornatum, sed maculis
 tantummodo variatum, non Morum,
 sed morionem dimisisse abs tuis laudi-
 bus videaris. Pictor sanè eximius pri-
 mam laudis lineam cum litura ducis;
semper magnas inimicitias exercuit
cum amulis. Vitium narras, Grantzi,
 in ministro evangelii quamminimè to-
 lerandum; præsertim cùm *iis inimi-*
titis ipse, quod fateris, *nimià loquendi*
libertate, locum sæpe præbuerit. De-
 inde

: est arrogans & Gallicè *Altierus*,
 panhemii judicio & tuo. Hactenus
 eo lapillo; nunc vario: *Fælix in-*
ium, nisi crabrones irritasset. Æmu-
 nimirum suos, non ipse aquila, sed
 muscas olim scarabeus ille vespæ
 ius. *Nullum novit Salmasius nobili-*
em genium, si laboris tolerantior fu-
set: Ignavus igitur Morus; & ta-
 men semper genio satis indulgit. Ad-
 ditque ipse Salmasius *variè lassissè u-*
corem suam: Unde protervus in ma-
 tronas etiam Morus; *præter incon-*
siderationem quoque tali homine in-
dignam: Salmasio itaque iudice,
 quid est Morus nisi morus? Hic au-
 tem fateor satis causæ fuisse, cur *agrum*
 te subscriberes; manifestò enim feбри-
 citas. Qui sic tibi dixisse Salmasium
 ais, *siquid in Pontia peccavit Morus,*
ego sum leno & uxor mea lena. Festivè
 tu quidem in hoc dramate personarum
 numerum auxisti, & uberem ridendi
 ansam, sicui otium esset, porrexisti.
 Verùm siquid hujusmodi Salmasius a-
 mico

46 *Joannis Miltoni Angli*

mico tibi & privatim, siquid incommodius de se vel de uxore familiariter locutus est, id tu, nisi planè delirares, amicitiam saltem reveritus & arcanum domesticum, non tam stolidè hoc in loco effutisses. Sed redis ad laudes, *acutum judicium Mori*; adjuuge *Inconsiderationem* illam tali homine indignam, res duas inter se conjunctissimas. *Fælicitatem in concionando*; & infœlicitatem in scortando: par alterum in Mori laudibus appositissimum. Accedit corollarii loco *trium linguarum peritia*: quæ professorem hunc tandem consummat nobis trilinguem; id est, cum supradictis virtutibus paulò plus quàm triobolarem. Cum voto denique finem facis ineptiendi; ut *Deus Christianorum* (modo enim reliquisse *Deos bonos* tuos videris) *hanc mentem inspiret Potestatibus*, ut hanc *scripturandi licentiam Christianis infamem compescant*. Vos itaque priores compescant, à quibus hæc omnis licentia primò exorta est: mihi mei defendendi

endi jus ac potestatem adversus contumelias vestras, uti spero, non eripiant. Intelliges tum ipse, quàm ego bene omni hoc genere contentionum imperfedeam. Atque tibi jam, ut puto, satisfactum est: idque eò ampliùs feci, quòd Doctorem te Sacrosanctæ Theologiæ cum amplissimo phylacterio agnoscerem; Doctoribus autem mihi sic delector.

Nunc Vlaccum paucis dignemur: nam & Vlaccus responsat, Typographus meus, & necessarius jam factus. Responsa hominis breviter colligam, ut perspiciatis quàm bellè quadrent. Es veterator, inquam, Vlacce. Sum bonus, inquit, *Arithmeticus*. Et tamen queruntur, qui tibi expensum tulerunt, pessimè te numerare. Ego ad probitatis normam te exigo. Hem tibi, inquit, *canonem Logarithmicum*! Sophistica hæc est, Vlacce, non Logistica: perinde quasi idcirco solùm Arithmeticam didicisses, quod in ea Falsi regulam doceri audiveras. Clancularius es, inquam,

48 *Joannis Miltoni Angli*

inquam, & obæratuſ aufugiſti. Tu mihi *Sinum tabulas, & Tangentium & Secantium* crepas. At quibus tecum ratio eſt, expenſi tabulis te urgent: idque ipſum eſt quòd ſinuofum te nimis, & alieni cupidius tangentem, & malè ſecantem queruntur. *Trigonometriam*, inquis, *converſis Sinubus in Logarithmòs artificialem* abſolvi. At artificia interim tua & verſutias Creditòres luunt: Non trigonometriam, ſed tetragonum ſine fraude cum illis te eſſe oportuit; non angulos & obliquitates, ſed ſuum cuique metire ac reddere. De cætero, ad tuam te confeſſionem ipſam rejicio. Londini, Pariſiis, iniqui Librarii, iniquum judicium, iniqui Judices; tu ſolus integer & caſtus: at illi contra te unum omnes cùm audientur, vera eſſe ea quæ de te dixi, nemo non fatebitur. In me autem quàm ſceleſtus fu- riſ, facilè evincam. Primùm ſcripſiſti ad Hartlibium, petens, ut mea, ſiquid haberem, poſſeſ excudere; & ſimul de mea oculorum cala-

cala-

calamitate, effémne omnino orbus luminum, sedulò & quasi dolens quæfivisti : mox proditoriè, cùm intelligeres nihil tibi à me excudendum venire, cæcitatem mihi, quam quasi sollicitè modò & dolenter inquirebas, eam statim sceleratè insultans palàm exprobrasti. Nam Typographus, inquit, sum; *quid ad Typographos tam magne controversiæ, nisi ut operam suam?* Acutum sanè & typographicum ! Non alius quisquam typographis plus hac in parte quàm ego concesserim. Num ergò tu famosissimo libello tuum subscribere professum nomen quasi author esses, debuisti ? & cujus ex libris lucrari cupiebas, neque nunc primum, ut audio, lucratus es, ejus nomen turpissimis contumeliis maculare, cum privilegio scilicet, licere tibi existimasti ? *Bellum*, inquis, *erat* ; & simul miratur tua vastitas, quòd, factâ pace, bacchationes in me privatim tuas & singularem insolentiam impunè tibi esse noluerim.

E

Nescis

Nescis enim, vappa, quid belli ratio, in causa etiam longissime diversa, ab temulenta tua rabie discrepet. An si quis existimationem meam privatus per causam belli famoso libro violaverit, ea mihi injuria devoranda est, ut ne possim, cum visum erit, me justâ & expectatâ defensione vindicare? *Non me puduit, inquis, quanquam ignominiosè accusatum, alteram editionem adornare.* At non omnes tibi similes sunt Vlacce, ut non pudeat fidem, pudorem, omnia lucro postponere; cujus facta cupiditas adeò vilem tibi & abjectum animum ingeneravit, ut tuis ipse typis te ipsum graphice nebulonem depinxisse non erubescas; eodémque tempore mihi maledicere, & meis ex libris quæstum facere. In quo quid cani similis fieri abs te potuit? cujus ego allatrantis capiti, cum os illud vehementer inflixissem, exclamas tu quidem & quæritaris; mox ut esculentum esse comperisti, reversus blandulè, rodis simul & ligurris. Tu verò mea aut non
omni-

omninò attigisse debuisti, aut non cor-
rupisse; nunc inimicus librum meum
non solum excudisti, sed ultione vi-
lissimâ deformatum ac mutilatum &
adversariis hinc inde obsessum expo-
suisti: quorum alterum rapacissimam
lucelli cujusvis aviditatem tuam, alte-
rum & tuam singularem malitiam &
tuarum mercium improbitatem de-
clarat. Hæc tua sunt, Vlace. Nunc
remoto te circumpede Herum tuum
aggredi tandem ab latere aperto libe-
rius licebit. Qui quamvis non modò
intus turpis, & sibi conscius, sed foris
jam penè omnibus manifestus atque
perspicuus sit, tamen cùm in audacia
positam sibi esse spem unicam statue-
rit, absterfo ore, ut in Proverbio sacro
scortum illud, & assumptâ non solum
viri sancti oratione atque personâ, sed
sapientissimi quoque titulo Ecclesia-
stes novus cum malâ cruce, & sacrarum
literarum Professor profanus incedit.
Adcò ut mirentur omnes in quo sum-
ma esse tot vitia reperirentur, in eo

52 *Joannis Miltoni Angli*

illa omnia potuisse ab impudentia tam longè superari.

Ego verò eorum quæ de te scripsi, More, cum *affinxerim* sanè nihil, affirmaverim autem ea quæ & creberrimâ passim famâ, & mihi privatim testibus idoneis essent cognita, utrius hoc nostri *ad sempiternum dedecus* futurum sit, non id tuum, quod tamen tibi arrogas, judicium erit, sed, Dei voluntate, hominum integrorum sententiis dirimetur. Tu interim præfationes mihi (quid enim *tui præfatio* sit nondum assequor) vel *vanissimi* vel *mendacissimi*, quanquam uberrima tibi mendaciorum copia est, mitte *comparare*. Testimonialium ut sis tibi met callidissimus æruscator, præfationum tamen coactorem te mihi nolo. Nam quod ais, quæ de te protuli *ejusmodi* esse, nemo ut sit eorum quibus paulo propius innotuisti, quamvis iniquior esset, quin falsitatis perpetua coarguat, id usque eò veritati planè contrarium est, ut eorum qui te propius norunt, multi

multi nuntiis, non nemo literis questus
mecum sit huic me argumento faci-
norum tuorum tam uberi & copioso
parùm satisfecisse; tantum abesse,
quicquam ut finxerim, ut permultas,
præclaras etiam, tuas res gestas silentio
præterierim: se, si adfuissent, quod
& optabant quoque nonnulli, largiore
me palmarum tuarum accessione &
copia facile fuisse instructuros. Tuum
ergo illud *miserere*, quo tu & operari-
us tuus, par bipedum odiosissimum,
misereri meam vicem, vultis ridiculè
videri, vobis vestrisque vicibus mo-
neo reservetis, ego à me procul ar-
ceo: miserationes improborum cujus-
modi sint, didici. Nam quid est, ob-
secro, quod miserationem hanc ve-
stram inhumanam tandem commo-
verit? quòd *in te nempe hominem*
immeritum grassatus sim. At ô gemi-
na impudentia, & consciorum par cal-
losissimum! vosne ut audeatis vos *im-*
meritos asseverare, nisi fortè vocis am-
biguo colluditis, quorum alter Clamo-

54 *Joannis Miltoni Angli*

rem illum infamem atque infandum edidit, alter excudit, uterque divulgavit? Discant hinc omnes, quæ vos *cum bono Deo* affirmare soleatis, quàm sint pro nihilo habenda. Nec precationem feliciùs, quàm miserationem adscivisti; ut ad *justam nominis tui defensionem* aggredienti *veram & verecundam* suggerat tibi Deus orationem, ab omni mendacio & obscœnitate prorsus abhorrentem: Alterum enim nunquam es præstiturus, ut mendaciis abstineas; alterum iniquissimè precaris, ut cum tua facta obscœnissima sint, orationem suggerat tibi Deus factis abhorrentem: quod contra precari debuisses, ut suggereret tibi Deus non verecundam, sed obscœnam: sic enim tua facta verbis saltem propriis & non mendacibus Deo atque hominibus confessus esses; sic non hypocritam egisses; quod Deo longè gratius fuisset. Nunc non Deus te, sed tua illa Dea audit Cotytto, sive et Laverna, sive utraque est, labra tacitè moventem.

Da

Pro se Defensio. 55

*Da mihi fallere; da justo sanctoq;
videri:*

*Noctem peccatis & stupris objice
nubem.*

Quæris quî sciam quæ tu tecum? dicam. Vocale quiddam, si nescis, omnis, totûsque homo est: non lingua, non vox hominis sola loquitur; vita ipsa, mores, facta, quid quisque velit, tacente sæpius linguâ, clamant atque testantur. Tu itaque hæc tacitè; illa clarè; *Orationem videlicet ab omni mendacio & obscœnitate prorsus abhorrentem, hoc est inquis dissimillimam tuæ.* De hoc utroque figillatim à me tuo ordine respondebitur. A mendaciis exordiris: *nam ut hinc, inquis, ordiar, quid mendacius ipsa fronte libelli tui? quem, nescis quare, Defensionem secundam pro populo Anglicano vocem; re quidem verâ, inquis, tetrerrimam contra me Satyram & venustissimum Panegyricum à te dictum tibi.* Næ tu mendacia jejuna admodum & esuriens, sed inani morfu ca-

56 *Joannis Miltoni Angli*

ptas, si toto libro nihil mendacius ipsâ fronte invenire potes : Quam ego & veracem esse, & per omnia libro consentaneam facile demonstrabo; quid enim appositius, quid accommodatius ad defensionem Populi Anglicani; quàm si ejus vitam & mores turpissimos esse convincam qui probrosissimo libello edito Populum Anglicanum tantâ injuriâ laceffisset? eum te esse confirmo. Quid si digressus aliquoties essem, & in materiâ præsertim tam tritâ & sæpe tristi Lectoris nonnunquam recreare animum aliunde experirer? Tunc adeo pressus & minimè laxus homo es, ut latum unguem ab argumenti cancellis discedere quocumque licere non putes? quæ lex Rhetorum tuorum digressiones istiusmodi reprehendit? Ego si exemplis, quod possem, Oratorum illustrium explicarem quid hac in parte liceat & usitatum sit, efficerem ut appareret statim facili negotio, quàm tu harum rerum rudis atque ignarus sis. Nec
solam

solam Satyram, quod ais, in te scripsi, sed ut perspicerent omnes, libentius me & multo studiosius bonos collaudare, quàm malos vituperare, clarissimorum aliquot nominum laudes qui vel patriam armis & consilio egregie liberassent, vel mihi saltem facta eorum defendenti favissent, (cùm id etiam causam colonestaret) & passim admiscui; & plenius introduxi. Atque adeò ne hoc quidem, quòd serenissimæ Suecorum Reginae grates potius, quàm laudes persolverim, tu unquam ostenderis à Defensione Pop. Anglicani, cui illa impensè existimata est favisse, alienum fuisse. Quid si, quod objectas, me denique laudassem aliquantisper digressus? quis ea tempora, eas persæpe causas incidere non fateatur, ut propriæ laudes etiam sanctissimis modestissimisque viris indecoræ non sint, nec unquam fuerint? hunc etiam locum uberrimum exemplorum illustrare copiâ, si vellem, equidem me omnibus facile probarem tu obmutesceres.

58 *Joannis Miltoni Angli*

sceres. Sed me nusquam laudavi; nec,
quod criminaris, Panegyricum à me
mihimet dictum usquam invenies:
Singularè quidem in me divini numi-
nis beneficium, quòd me ad defen-
dendam libertatis tam fortiter vindi-
catæ causam præter cæteros evocas-
set, & agnovisse fateor, & nunquam
non agnoscere debere: & præclaram
hinc minimèque culpandam, ut ego
quidem arbitror, exordiendi materiam
sumpsisse. Petitus deinde ab illo Cla-
more Regio convitiis omnibus atque
calumniis, & infimorum numero ha-
bitus, non me laudibus, quanquam id
nefas non erat, contra adversarios de-
spectores, sed nudâ ac simplici rerum
mearum narratione contentus, tuebar:
id Populi Anglicani quem defende-
bam, quanti interesset, uti ego me-
am existimationem non planè ab-
jicerem nec obtrectandam quibusvis
& obculcandam relinquerem, præ-
fatus antequam mei facerem mentio-
nem, sedulo ostendi: offensionem de-
nique

nique sicujus fortè hac in re incurris-
 sem, haud negliger sum deprecatus.
 Hac tu si propter invidentiam, & li-
 vorem aut non legere aut meminisse
 non vis, quid est reliqui nisi ut crepes?
 nullum enim in fronte libri mendaci-
 um, nisi abs te per malitiam atque ca-
 lumniam conflatum reperiretur. Quan-
 to mendacior *Alexandri Mori fides*
publica? an te omnia in illo libro ex
 fide publica scripsisse audes dicere? at-
 qui aut hoc tibi necessariò dicendum,
 aut libri illius fronti nulla fides est. Ita
 tu dum in titulo tuo putidus, in meo
 malitiosus es, aut fides publica fron-
 tem per te, aut tua frons fidem per-
 didit. Pergis de mendaciis. *Alterum*
est, inquis, authorem esse me libri, cui
titulus, Clamor sanguinis Regii. Quod
 cum ego verum esse firmissimis testi-
 moniis jam supra demonstraverim,
 teque illius libri certissimum curato-
 rem atque editorem, omnium jure
 gentium & legibus pro Authore ha-
 bendum esse, sequitur ut quæ me
 fal-

60 *Joannis Miltoni Angli*

fallendi spe nixus hoc loco vociferaris, quasi author non esses, tametsi infirma per se, atque inania sunt, nunc fundamento illo fallaci subruto, suâ sponte corruant atque subsidant: simulque ut totum illud mendacium, illa omnis *temeritas, imprudentia, immanitas*, quâ me per summam impudentiam hinc oneras, in teipsum recidat. Exclamantem itaque & frigentem & tuo laqueo impeditû, te hîc prætereo: nugas autem quasdam tuas sine risu non possum; per quas acutiùs & miserabiliùs exclamare te putas. *Nam licet, inquis, ea crimina quæ in me conjicis vera essent, tamen contra jus & fas omne esset, quod nullius in nos auctoritatis, quoddam tribunal excitas, criminationes publicè spargis.* An nescis ergo, hominum ineptissime, idem hoc tribunal esse, eandem sellam atque auctoritatem, jus idem criminandi & judicandi, quod ego vestro primùm Salmasio, mox Clamatori Regio defensione justissima eripui? vestrum ego
nunc

nunc exemplum atque judicium in vos converto, vestro jure utor; vestrum ipsum tribunal, vestra subsellia, quæ in nos parastis, de vestris erepta manibus in vos justissimè statuo. *Deinde, inquis, tametsi libri author illius essem, non tibi tamen integrum fuisset tot scommata nihil ad causam pertinentia huic propinare saculo.* Videte, quæso, æquitatem hominis: Sibi & Salmasio licere vult omnia, calumnias, mendacia, contumelias; nobis vera in illos crimina retorquere, quasi ad causam scilicet minùs pertinentia, non licebit. Sanè qui res, rationesque rerum recto judicio ponderare solent, non dubito quin mecum sentiant, nihil vehementius ad causam pertinere, quàm quali quis vitâ atque moribus sit qui eam acerrimè defendat. Ego causam Regiam, qui vehementissimè defenderit, si aut corruptum esse aut facinorosum arguo, haud levi argumento impugnâsse me causam Regiam satis intelligo: Si mendacem, si
turpem,

62 *Joannis Miltoni Angli*

turpem, si perfidum per omnem vitam criminatorem nostrum esse ostendo, eundem quoque in nos esse eò facilius fidem facio. Tu interim cum duo tibi proposueris; *alterum*, ut ostenderes *nec esse te libri autorem illius, nec id fuisse mihi persuasum*; *alterum*, *falsa esse quæ in te conjecta sunt probra*; nihil horum efficis; sed dissolutus ac fluens, modò huc, modò illuc vagando, tum eadem inculcando, ignarus quàm in propinquo tibi effusè nunc pabulanti latens à tergo atque intactus hostis instet, dum nescire me putas quid sit libelli authorem esse, aut quid tu feceris, in eadem perstas vel futilitate vel fallacia. *Quid commerni? quid peccavi? quando Populum tuum lasi? Cavillaris etiam; quando boves tuos aut equos abegi?* Non tu boves meos abegisti, Cacus pastor ut sis; sed alienas oves abduxisti, tuam deseruisti Phryx novus Alexander, vel etiam Cataphryx Morus. At *sciscitari ex amicis* credo poteram, quos isthic apud nos habes,

nec

nec paucos nec vulgaris nota: Quasi
 verò ego, qui *divinus*, ut ais, *non sum*,
 tuos amicos quinam essent, scirem, qui
 ante hunc Clamorem belluinum abs
 te editum, ne vagiisse quidem adhuc te
 aut infantem natum sciebam. Aut tu
 planè sensu, vel saltem logicâ destitutus
 es, aut ejus rudimenta non sic dedidi-
 cisses, relationes in sensum non incur-
 rere. Itaque & inimicos esse tibi tam
 multos, eosque tuâ non pietate, sed
 turpitudine quæsitos necdum audie-
 ram; neque ut *ludibriis* tam esses *op-
 portunus*, neque ut tu, Veneris nepos,
Funonem sic iratam tibi haberes: quæ
 tibi essent infensa numina æquè igno-
 rabam, & qui essent Crantzio *Dii boni*.
Anni duo sunt, inquis, *ex quo tuum hoc
 drama exornas*. Quanquam hoc per-
 ridiculum est, quod optasses nunquam
 editum, id serò editum queri, & sum
 ego qui elaboratum rectè atque lima-
 tum siquid est, id diu accurasse si dicor,
 non reprehendendum me magis quàm
 Scriptores quosque optimòs putem,
 qui

64 *Joannis Miltoni Angli*

qui tarditatē scribendi imputatam sibi
à sciolis facilè contempserē, tamen &
hoc esse falsissimum ex proœmio su-
perioris libri intelligitur, ubi cur ma-
turius non respondiſſem causam reddi-
di, & errare te vehementer scito; si
operis tam ardui fuissē credis vel ina-
nem clamorem refutare, vel te cuius
obnoxium ludos facere. Nec mihi tot
subcissivis horulis *dicta illa Floralia*,
quæ vocas, quot tibi fu- tivis noctibus
atque dieculis facta illa Fescennina ste-
tere. Et *periisset* sanè, hîc enim tecum
sentio, paradus ille tuus, & ficus &
morus & sycomorus, quibus nequiti-
am tuam, quantum potuit fieri, honestè
adumbratam, quoniam sunt qui rem
oculis non visam, factam credi nolint,
istius defensionis inanitatem ridens, vel
argutè vel contemptim exposui: pe-
riissent, inquam, illi omnes non sanè
flosculi, sed arbusculæ, nisi tu in horto
mœchatus esses: ex hortensi & sub-
urbana cultione tua, non ex urbanitate
meâ amœnitas ista omnis effloruit.

Quod

Quod autem *in frontispicio Satyræ in te meæ* (quæ non magis Satyra est, quàm quæ est Marci Tullii in Vatini-um quemvis oratio) *tanquam propylæum operis illustre collocasse* me ais, *quid Morus Græcè significet*, frustra tu quidem propylæa somnias; non ita eram decori nescius, ut sublime quicquam aut tragicum in historia tua ponerem: Ego tuguriolum illud tuum in horto, tu Palatium illud vetus, in quo hortus ille erat, fortasse cogitabas; & in illa olitoris cellula, haud dubiè Palatinus adulter tibi videbaris. Id ipsum autem Græcè significare te dixi quod etsi lingua nulla esset, reipsâ te esse nunc dico. Illud tamen negaverim, quoties te tuo nomine Morum appello, *invidiam me velle*, quod queris, *ex nomine facere*, & moriam tibi objicere; mihi enim id ferè in mentem non venit: sed Professori Græcæ linguæ Græcum etymon Mori ita perpetuò salire per cerebrum tibi solet, ut nemo salutare te possit

F

More,

More, quin tu ab eo te stultum appellari morosè admodum suspicèris. Hæc sunt & hujusmodi quæ tu paginis paulo minùs viginti, cùm Authorem te non esse Clamoris Regii probare debuisses, nugatus es: in quibus singulis si otari tecum diutiùs & morari vellem, ipse Morus essem. Nunc tandem seridò videris velle agere. *Non rumores, non sermones, sed literas testes dabis, admonitum me fuisse ne in hominem innoxium incurrerem.* Literas ergo inspiciamus, quas in medium affers *amplissimi viri D. Neuportii Fæderati Belgii Legati* ad te scriptas; quas tu, ut videtur, literas non ad probationis vim, quam nullam habent, sed ad ostentationem solùm legendas proposuisti. Is, quod singularem *virii amplissimi* humanitatem declarat, (quid enim is non viri boni, qui tui indignissimi causâ tantopere laboraret?) ad Dom. Thurloium Secretarium adit; tuas literas communicat. Cùm nihil se proficere videret, ad me

duos

duos viros nobiles, amicos meos, cum literis iisdem tuis allegat. Quid illi? Literas illas Mori recitant, rogant, & Legatum Nieuportium idem rogare aiunt, uti literis tuis, quibus authorem Clamoris Regii negares te esse, fidem haberem. Respondi non esse æquum quod postularent; neque tantâ fide Morum, neque id fieri solere, ut contra famam communem & rem aliqui satis compertam negantis de se rei & adversarii solis literis crederetur. Illi, cum aliud è contra nihil quod dicerent haberent, pugnare desinunt. Si hæc non credis, tute percurrere Legati literas, quibus ego nunc testibus in te utor. *Optabat eum non invulgare librum*: verum id mei juris erat & potestatis. *Ne tibi hanc injuriam facerem, ut illud tibi opus imputarem*: At liquere sibi, aut unde sibi liqueret injurium tibi hoc esse quod imputassem, non scribit. Saltem ut *nihil vellem inferere, quod te tangeret*. Quidni verò te tangeret quod ad te pertinet, nisi id

ad te non pertinere demonstrasset :
demonstrare autem non potuisse, ar-
gumento firmissimo est, quòd cùm
Dom. Thurloio Secretario idem de-
nuò persuadere vellet, nihil habuit
quod mitteret, præterquam idem illud
exemplum literarum tuarum; ex quo
& illud faciliè perspicuum est, *rationes*
illas ad me allatas *ob quas optabat*, ne
vellem eum librum evulgare, nihil con-
junctum cum Reipubl. rationibus ha-
buisset. Noli itaque tu literas Legati
corrumpere: nihil illic de *hostili spi-*
ritu, nihil de *importuno tempore*; tan-
tùm *dolere* se scribit *noluisse me rogatu*
suo tantillum moderationis ostendere:
id est, noluisse me suo privatim rogatu
tibi adversario publico rem gratam fa-
cere; opus excusum & jam penè edi-
tum revocare & de integro retexere.
Excusatum me habeat *vir amplis si-*
mus, & præsertim Legatus, si injurias
publicas privatis intercessionibus con-
donare noluerim, nec sanè potuerim;
multo que minùs eas injurias Clamoris
Regii

Pro se Defensio. 69

Regii, quæ neque ad bellum neque ad pacem recens factam ullo modo spectarent. Bellum illud contra Anglos, non contra Rempubl. fuit : bellum vestrum non contra Anglos, sed contra Rempubl. est. An siquis Regiarum partium per bellum Regium quicquam in nos commisit, id per pacem Batavicam à nobis non erit vindicandum ? siquis in Rempubl. nostram contumeliosè quid scripsit, id post pacem cum Batavis factam non erit refellendum ? an per alienum bellum plus Regiis in nos, quàm per nostram pacem nobis in Regios licebit ? At non nos cum Regiis aut eorum Clamatoribus, sed cum iis Provinciis pacem fecimus, à quibus causa Regia longissimè sejuncta est ; eamque pacem in qua de hostibus nostræ Reipubl. non modo non favendis, sed ne tecto quidem recipiendis nominatim exceptum est. At enim hoc *intempestivum & ἀπεργηκον* fuit, quod alienissimo tempore cum omnia hic & ist-

F 3

hic

hic festis ob pacem ignibus collucere,
tu solus geliâ perfunderis. Equidem
non in eo positam amplexari v existima-
bam. Tu laetus homo ista melius :
doleo non satis perpensa à me officii
momenta in te mei. At graviter pec-
catum est : tum enim latis clamori-
bus nostrum vestrum,que cælum conso-
nabat. Quasi verò te ardelione & in-
cendiario benè multato, non multo
lætius illi ignes pacifici & socia es re-
lucere : quasi etiam vestrum nostrum,
que cælum faustis clamoribus non mul-
tò lætius consonet ; cum infastus &
feralis inimicorum clamor compesci-
tur : quod tu itaque alienissimum te n-
pus, id ego opportunissimum fuisse
contendo : nec obstrepuisse me, quod
ais, facis articulis, sed acclamasse &
plausisse. Postremò & me prorsus ig-
noras, & tibimet intra paucos versic-
ulos manifestò mendax deprehende-
ris. Abs te, inquis, quo factum sit
animo non interpreter : Et statim,
quòd depositis armis, animum retineres
arma.

armatum. Mirū nī ex eo bello quæstū feci, aut stipendium aliquod navale, qui factam pacem usque eò molestè tulerim. Dicam igitur quod me dicere neque ul'um obsequium, neque necessitas cogit. Falleris tu quidem magnoperè, si quenquam esse Anglorum putas, qui Fœderatis Provinciis me uno sit amicior, aut voluntate conjunctior; qui præclariùs de Republ. illa sentiat; qui eorum industriam, artes, ingenium, libertatem aut pluris faciat, aut sæpiùs collaudet; qui bellum incoeptum cum iis minùs voluerit, susceptum pacatiùs gesserit, compositum seriò magis triumpharit; qui denique obtreçtatoribus eorum minùs unquam crediderit. Unde tu nullam in me calumniam mendaciorem aut minùs congruentem affingere potuisti. At illum *rerum cardinem aucupatus esse videor, ut prodeuntibus demum articulis pacis obstreperem.* Tu scilicet cardo rerum; in te pacis articuli vertuntur; hunc si attingas, actum de pace est. At quem

hominem? quo numero? civem credo egregium, Senatorem primarium, ornamentum curiæ: immò ne civem quidem, sed inquilinum, alienigenam, & Scoto-Gallum impurissimum, odiosum omnibus atque offensum, Reipubl. hostem, qui siquò expulsus, ejectus, & in rem malam amandatus esset, ne tantillum quidem articulis pacis noceretur; immò satisfaceret potius. Tu itaque desine, si sapias, politicari; & pacis articulos cave dehinc mussites, nequis te ex pacis articulis Regii Clamoribus editorem ad supplicium poscat. Pollicitus sum, inquis, Legato, *nihil indecens exiturum e calamo meo.* Neque fefelli; vel siquid omnino illa in parte commisi, in me solum commisi, dum tuos excutere putores, tua tractare inquinamenta sustinui: & quòd illic etiam præfatus sum, non tam quid me magis decuisset, quàm quid te dignum esset spectabam. Nec tamen indecentius aut acerbius in te ego, quàm olim viri gravissimi in improbum

bum quemque ac perditum & concionibus honestissimo quoque civitatis in loco atque conventu habitis, & scriptis palam editis investiti sunt. Verum ad illud nunc venio quod virum sanctissimum & hujus ætatis longè castissimum offendit Morum; *illoto scilicet sermone utor, verbis nudis & pre-textatis.* Propudium hominis & prostibulum! Tene illota verba reprehendere qui facta turpissima patrare non erubuit? Jam non poeniteret profectò, siquid in hoc genere liberius paulo dixissem; etiamsi aliud inde nihil assequutus essem, nisi ut elicerem ex te dissimulationem hanc improbissimam, teque personatum omnibus vel hinc palam educerem hypocritarum omnium deterrimum. Quod autem tu mihi dictum libro toto ostenderis, quod verbum illotius, quàm hoc ipsum Morus? sed non in verbo neque in re, sed in te vitium omne atque ob-scœnitas tota est. Tu Fauno quovis aut nudo Satyro turpior, bona verba
uti

uti nuda essent tuis moribus effecisti. Tuam uulla umbra, ne ficus ipsa quidē, velare turpitudinem potuit. Qui te dicit, tuāque flagitia, eum necesse est obscœna dicere. Itaque si in tuum opprobrium vel nuda verba exeruissem, facilē me etiam gravissimorum Authorum exemplo defendissem. Qui ita semper exstimarunt, verba nuda atque exerta cum indignatione prolata, non obscœnitatem, sed gravissimæ reprehensionis vehementiſſimū significare. Quis unquam Pisoni Annalium scriptori, qui propter virtutem & pudicos mores Frugi dictus est, vitio vertit, quòd in Annalibus questus est *aduloscētes peni deditos esse*. Quis unquam Sallustium Scriptorem gravissimum reprehendit, quòd etiam in Historia dixit,

Ventre, manu, pene, alea, bonā patriā dilacerari.

Quid Herodotum, Senecam, Suetonium, Plutarchum, Authores omnium gravissimos adducam? quos tu si negas

gas

gas verba etiam plusquam prætextata,
résque satis turpes rebus gravioribus
aliquoties immiscuisse, satis declaras
te iis in Authoribus versatum non esse.
Hoc si omni tempore & loco indecens
est, quoties tu Erasmo doctissimo qui
Roterodami stat æreus, quoties Tho-
mæ Moro nostro, cujus tu nomen tuo
commaculas, quoties denique ipsis
Ecclesiæ patribus antiquis, Alexan-
drino Clementi, Arnobio, Lactantio,
Eusebio, dum obscœna veterum reli-
gionum mysteria vel denudant, vel
derident, indecentiæ & obscœnitatis
dicam scribere debebis? Verùm tu
fortassè, ut sunt ferè hypocritæ, ver-
bis tetrici, rebus obscœni, ne ipsum
quidem Mosen istâ noxâ immunem
abs te dimiseris; cùm alibi sæpiùs,
tum etiam ubi Phineæ hasta, quâ
parte mulierem transfixerit, siqua fi-
des Hebræis, apertè narrat. Ne ipsum
quidem Iobum pudentissimum ac pa-
tientissimum, dum meretricem sibi
uxorem nudato & prisco sermone im-
precatur,

precatur, si ipse alienæ uxori infidiatus
 unquam fuisset. Non te Salomonis
 Euphemismi censorem, non Prophe-
 tarum scripta tuam turpiculi immò
 nonnunquam planè obscœni censu-
 ram effugerint, quoties Masorethis &
 Rabinis, pro eo quod disertè scriptum
 est, suum libet Keri adscribere. Ad
 me quod attinet, fateor malle me cum
 sacris scriptoribus *εὐπρόσφορα*, quàm
 cum futilibus Rabinis *εὐχρηστοῖς* esse.
 Túque frustra Marcum Tullium in-
 clamas; qui si *in aureo* illo quem ci-
 tas, *de Officiis libro*, illud jocandi ge-
 nus elegans, urbanum, ingeniosum, fa-
 cetum arbitratur, quo genere non
 modò Plautus & Atticorum antiqua
 comœdia, sed etiam Philosophorum
 Socraticorum libri referti sunt, id
 quod illic legisse poteras, non ille
 mihi quidem nimis angustos, non ni-
 mis severos decori statuuisse fines vi-
 detur, ut cuiquam difficile sit intra eos
 fines sese continere; nedum ut ego
 ne non continuerim. Noli itaque tu
 mihi

mihî homo inquinatissimus, de honesto, & decoro ineptire; non est tuum, mihî crede; immò tu sic habeto, nihil minùs decere, nihil ab ratione ipsa decori magis abhorrere, quàm te talem, qualis es, lautum sermonem usurpare, aut illotum reprehendere. Sed videris nunc vellè rem omnem in pauca redigere: *Non sum*, inquis, *autor Clamoris*. Non suades. *Res patet, dilucet*, càmque pluribus argumentis *affirmare tam sit ineptum, quàm in clarissimum solem mortale lumen inferre*. Define ampullas; dic tandem aliquid. *Ipsè ego quantum possum reclamo*. Nempe nunc denuò; minacitèr modò & regiè; nunc miserè. *Amici non tacent*. Ex ore tuo. *Ecclesiasta admonent*. Fide tuâ. *Legati confirmant*. Ex literis tuis. Quid hoc omne aliud est, nisi illa initio tua singularis negatio, *Non sum author*? Verùm tu, antequàm ad hunc locum pervenisti, jamdiu intelligis miser quo loco res tuæ sint; quos in laqueos te indueris; quibus

78 *Joannis Miltoni Angli*

quibus à me vinculis obses tenearis :
 nunc quantum voles clama, Te non
 authorem Clamoris esse; cum omni-
 um gentium leges atque jura, Præco-
 nem te mihi pro Clamatore, Procu-
 ratorem pro Authore tradiderint.
 Quid nunc authore fiat, aut ubi terra-
 rum degat, nihil moror : vixerit sanè
 in Gallia, & simul in Hollandia *jucun-*
dum fuerit videre, quod narrat ipse;
quibus ludibriis, quibus periculis Le-
gati nostri eo tempore conflictarentur:
 sit vel Satanicæ minister Synagogæ,
 non laboro; hoc saltem unum bene
 fecit, quod te tam diligentem sibi
 tamque fidelem diaconum, non Evan-
 gelii, sed infamissimi libelli ministrum
 reliquit. Age nunc triumphos de me
 istos, quos ego flebiles tibi efficiam :
 profer in medium, si potes, mea illa
mendacia, meam illam imprudentiam,
temeritatem, audaciam, pertinaciam &
impudentiam, meum illud ingens pia-
 culum quòd te Regii Clamoris affir-
 maverim authorem. Clama quantum
 potes

potes è longinquo ad Populum Anglicanum quem illo antea nefario Clamore edito tam indignè læsisti: nam accedere non audes. Vociferare, inquam, si satis in tuto es; *Quantum te, Popule Anglicane, tua de Miltono fefellit opinio!* Hæc enim ipsa dum clamas, dum plaudis tibi, & tanquam elapso gratularis, nescis me lustra tua, & sylvas anonymas indagasse, nescis in plagis te meis esse: sentit Pop. Anglicanus me non poenitendum vel defensorem juris sui, vel venatorem ferarum suarum. En ego te reluctantem oborto collo, traductum per ora omnium, pestem populi, in Ecclesia verrem, caudâ non minus, quàm obliquo dente maleficum, in conspectum omnium protraho. Téque belluam Pop. Anglicano inspectandam, non Ædilitatis, sed Defensionis meæ gratissimum munus edo. Tu interea, nequid desit ad triumphum, quem de me, ut putas, deluso atque decepto agis, quòd auctorem Clamoris te dixerim, adhibes, ut
folet,

80 *Joannis Miltoni Angli*

solet, jocos. Et *frontem*, inquis, *im-*
merito perfricare diceris, tota enim
jamdudum frons tibi periit. Noli nunc
de me queri; noli *sarcasmos*, & *sannas*
& *scommata*, simulatâ rursus gravitate,
reprehendere: memineris ut hi ludi
à teipso instaurati & introducti nunc
sint; ut reprehensos modò & damna-
tos ipse nunc revoces. Facetus esse
cupis; non succurrit in præsentia: sug-
geram itaque ego tibi jocos quosdam
tuos; & quod triumphum maximè
deceat, militares: quique admoneant
te temporis cujusdam, in quo frons tua
tam validè *perfricta* est, ut tibi tum
multo maluisses totam frontem peri-
isse. Meministi fortasse illius diei, im-
mo verò diei, credo, & horæ & loci
meministi, cum tu Pontiam in domo
Salmasii ultimùm, ut opinor, conve-
nisti: tu illam, ut copulæ renunciaret;
illa te, ut nuptiis diem diceres. Quæ
ubi è contrario pactum stupro conju-
gium dissolvere in animo tibi esse vi-
dit, tum verò tua innuba, non enim
dicam

dicam Tisiphone, impatiens tantæ injuriæ in faciem tibi atque oculos, non sectis unguibus, furens involavit. Tu qui teste Crantzio (præstat enim non sine tua fide publica tantum certamen exordiri) qui teste, inquam, Crantzio *Gallicè Altier*, Latinè feroculus esses, teste Deodato, *terribiles ungues ad tui tutelam haberes*, pro virili tua parte ad foemineum hoc genus pugnæ te comparas. Stat arbitra certaminis Juno Salmasia. Ipse Salmasius in conclavi proximo decumbens pedibus æger, ut prælium commissum audit, risu penè moritur. At heu nefas! imbellis noster Alexander, & Amazoni congressus impar, succumbit. Illa inferiorem nacta, in frontem & supercilia nasumque hominis tum primùm supernè peccat: miris capreolis & Phrygiano opere totum jacentis vultum percurrit: nunquam tibi More lineamenta Ponticæ minùs placuere. Ipse plenâ jam utrâque margine genarum, scriptus & in mento necdum

G

finitus,

82 *Joannis Miltoni Angli*

finitus, ægrè tandem surgis : sed ne poeniteat te, homo ad unguem factus ; non jam Professor, sed tamen Doctor Pontificius : jure enim poteras tanquam in picta tabula scripsisse, *Pontia fecit*. Quid autem ? Doctor ? immò codex jam factus, in quo ultrix Pontia sua adversaria exaravit stilo novo. Sensisti puto Vlacci tabulas Tangentium & Secantium ad radium Cifrarum nescio quot lugubrium in pelle tua excudi. Tu tum *More facie non integrâ* dômum te proripuisti ; fronte quidem exporrectâ, quam vix contrahere jam poteras ; superciliosus tamen & caperatus, quippe derepentè multò literatior ; & quantum potes, abdis te quoque, reconditæ ut posses dici homo literaturæ. Eho noster Ecclesiastes ! ubi es ? quid lates ? expectant te jam nunc, qui *tibi aures è superiore loco dicenti accommodare* solebant. Sed tibi misero nunc Pontia è superiore loco dixit, tuisque auribus ungues accommodavit. Redde nunc tuum vultum nobis,

nobis, Ecclesiastes, antiquum sanè & rugis venerandum; cur apocryphus vis esse? cùm ipsâ Ponticâ Pontifice, canonicus jam maximè sis & rubricatus. Quin etiam hinc Critici, inde antiquarii ad fores te inclamant; tui videndi desiderio ardent. Emanavit, nescio quo pacto, novas quasdam inscriptiones Gruterianas apud te esse; alii Arabicas, alii Copticas aiunt; qui veriùs, Ponticas ex terra Taurica. Omnes uno ore consentiunt pulcherrimas esse oportere, utpote in ære frontis tuæ tam graphicè, Pontiano præsertim onyche, insculptas. Neminus respondet Morus, omnibus negatur, spernit omnium desideria; & delibutus unguentis domi, literas dediscere Pontianas mavult. Hæc habui, More, quoniam te mecum jocandi cupidum animadverti, quò ego tuum de me triumphum velut militari carmine exornatum volebam. Quidni enim pugnas tuas tum maximè commemorarem? quanquam palma quidem

84 *Joannis Miltoni Angli*

erat Ponticæ; illa tibi lemniscos tantummodo reliquit. Etenim quod tuum non est, tibi non attribuo; tametsi tu id toto libro, quasi absurdum meum insectaris, oblitus te procuratione & chirographo tuo fidejussorem mihi factum; oblitus, quod æs alienum tu esse dicis, id nunc legitime non minus tuum esse, quàm cum tu esse dicis. Tu itaque cœcitatem cyclopeam mihi exprobrasti; & quod impudentius est, dum id negas fecisse, iterum facis: Qui nulli tum fuerant oculi, nunc *exemptiles & Lamiarum* sunt. *Narcissus* nunc sum; quia te depingente nolui Cyclops esse; quia tu effigiem mei dissimillimam, *præfixam poematibus* vidisti. Ego verò si impulsu & ambitione Librarii, me imperito Scalptori, propterea quòd in urbe alius eo belli tempore non erat, infabrè scalpendum permisi, id me neglexisse potius eam rem arguebat, cujus tu mihi nimium cultum objicis. Tu itidem is es, qui clarissimum virum,
Con-

Consilii Statûs tum Præsidentem, contumeliis incessisti; de quo iratior, quàm de meipso, quæsi ex te quid aliud esset calumniari perpetuò bonos, quàm esse diabolum. Hinc tu pulchram nactus hypocritandi occasionem ex Crantziana videlicet calumnia, quasi ego *Christi doctrinam de Divortio quemadmodam à Theologis explicari solet*, *diabolicam* dixissem, qui ater modò eras & maledicentissimus, nunc albus repentè factus, & mitis & patiens *agis gratias*, quòd te *communem cœlesti doctrina convivio honestem*. — Hyæna! aut si qua alia est bellua, tam tetrâ fraude noxia atque infamis! tûne cœlestem doctrinam tot tuorum facinorum asylum atque perfugium speras fore? Sed perge quò tendis: si enim Theologorum quasvis explicationes pro cœlesti doctrina amplecteris, toto cœlo, ut te dignum est, erras. Quin & Apostoli gloriosum illud cum bestiis pugnandi martyrium tibi met tribuis nequissime;

86 *Joannis Miltoni Angli*

qui nuper non homo cum bestia, sed ipse bestia cum homine, id est cum foemina, de fide connubiali abs te rupta pugnam tam inhonestam pugnaſti. Reversus deinde ad mores pristinos, solitamque jactantiam, dicendo me provocas. *Neque verò, inquis, mihi tantum derogo, quanquam nihil ar-rogo, ut te commodius aut facilius quam me putem posse dicere.* Concedo equidem, si tibi istum in modum furari licet: hæc enim ipsa verba, quibus copiam tuam venditas, ex oratione Marci Tullii pro Roscio Amerino apertissimè furatus es. Atque hinc puto est, quòd Francofurtanas nundinas librorum tuorum Catalogo tam copioso nobis obtrudas cum editorum tum edendorum: ex quibus aliqui sunt quos videre gestiā; & imprimis illum *de gratia & libero arbitrio*, ad amicam præsertim illam si scriptus est, cujus tu nunc gratiam, rejectā pro arbitrio Pontia, accommodato forsitan argumento ambis: tum illum *de Scri-*
ptura

ptura sacra, quorum Scriptores multa humanitè & imprudenter scripsisse ferunt te affirmare: illam deinde *pro Calvino*, quem tu veluti Prophetam extructo monumento Pharisæus exornas, vitâ & moribus jugulas: nam quæ *prodibunt* opera tua, quæ *premissa retractas*, & *ad umbilicum spectantia moliris*, ea meritò suspicantur omnes esse turpissima. Illam *de piis fraudibus dissertationem* sanè expecto; nam de impiis abs te factis fraudibus abundè audivimus: enimverò *Commentarius ille tuus*, quinã sit in 5^{to} *Evangelium* futurus demiror; nam illa quatuor priora jamdudum factis abnegasti: unde & *Theoremata illa practica* mirè desidero, nam tu in practicis egregius homo sine controversia es; id quod de te tot fabulæ non fabulæ testantur. Ad illa autem *loca novi fæderis*, & *axiomata quibus ex veteri novum fædus illustratur*, Ponticæ quoque notas vellem simul ederes. Et postremò isthuc memineris, te alterum volumen ope-

rum tuorum, quod Genevæ in Bibliotheca publica etiamnum extat, totum omisisse: uti etiam inscriptiones illas, cum frontispicio mirabili, quas quamvis opus Pontianum, in tua tamen membrana tuas esse, adstipulante etiam Justiniano, rectè dixerim: nam Noctes tuas, nescio an Atticas cum Pontiâ, sive dialogum morillum, alii spurium, alii duntaxat embryonem, qui subtilius non inter libros, sed inter liberos tuos numerandum existimant. Sed properabas credo ad alteram instituti operis partem, calumnias meas. Nam mendacia, id nempe unicum, quòd te authorem Clamoris dixerim, partem tui operis longè maximam tandem aliquando confecisse te significas. Cùm autem leve hoc merito cuiquam videri possit, etiamsi falsâ aliquâ persuasione imbutus attribuissem tibi librum istum, alioqui nec improbatum tibi, nec tuâ existimatione indignum, cur unam tantummodo noxam tam verbosè tam iracundè summa

summa cum invidia rei per se levissimæ
sic exaggeres atque exagites, perinde
quasi in se omnes impietates & cri-
mina complecteretur, nisi jam antea
docuisssem, id magis mirandum possit
cuiquam videri. Sed ea nimirum arx
erat unica, in qua spem omnem collo-
caveras; si persuasisse plerisque te au-
thorem Clamoris non esse, méque
mentitum, in altera parte quam de
calumniis vocas, de quibus quod pro
te dicas nihil prorsus habes, sperabas
te facili defensione usurum contra me
scilicet mendacem jam antea comper-
tum, téque omnes vitæ maculas apud
longinquos & ignotos hâc arte gratis
eluiturum. Verùm ego cum præter
spem opinionémq; tuam te authorem
Clamoris tergiversantem licet & re-
clamantem legitimè arguerim, non du-
bito quin ad flagitia quoque tua, &
quas tu calumnias dici mavis, accura-
tius prout res feret exequendas apud
omnes rerum æquos æstimatores fi-
dem integram attulero. Nunc quàm
frigidè,

frigidè, quã invitè, quã planè fontis in
morem vafri ac vetuli has abs te dictas
calumnias tractes, quãmq̃ue infoelici-
ter amoliri abs te coneris, reliquum est
ut ostendam. Primùm cunctabundus,
& incerto pede à prioribus castris in
hæc altera cum multis impedimentis
ægrè & ne vix quidem transis: quippe
à mendacio non ad alterum mendaci-
um, id enim non audes dicere, sed ad
calumnias duntaxat & *rumusculos*.
Itaque ad mendacium illud toties ja-
ctatum, modò dimissum atque præ-
teritum perpetuò recurris, cum præ-
sens arguere, siquod esset, deberes:
& adversarii quod miserum est, quàm
tui securior, in illo errore, quemadmo-
dum credi vis meo, quam in tua nunc
apud te recta conscientia multò plus
repositum tibi spei atque præsidii de-
claras. Atqui non meo, siquod fuit,
mendacio, sed tuâ te veritate, siqua
fuit, munire debuisti. At enim *antho-
ritate propria meras calumnias inten-
to, quas nullo argumento probo, nullo
teste*

teste confirmo. Vis igitur dicam apertius rem ipsam? nam te, ut video, præ ista mollicie frontis non perfriktæ, sed inscriptæ modò, pudet dicere; qui ne stuprum quidem aut adulterium toto responso nominare homo pudentissimus & flos castitatis ausus es, ne *vannissimam fabulam* scilicet & obscœnam, id est tua facta *retexeres*. Dicam ergo, & quia non abnuis, rerum ordinem sequar.

Est Claudia Pelletta quædam, pellicem posthac nominemus licet, nescio an tuam solùm; quæ, cum ancilla in eâdem domo honestissimi viri Genevensis esset, in qua tu hospes eras turpissimus, cum calone & rhedario communis tibi fuit. Eâ mulierculâ, postmodum nuptâ, quod stupri tecum habuerat commercium adulterio continuavit. Cedo *testes*, inquis, & *argumenta*. Nugator! quid tu testes ex me ubi non sunt, quæris, quos ubi erant, fugisti? Genevam revertere, ubi horum criminum jamdiu reus factus es.

es. Dic velle te modò abolendæ calumniæ causâ judicium his de rebus legitimum fieri ; invenies qui tecum libentissimè his de criminibus experiri lege velint ; qui vadari, qui sponsionem facere non recusent. Nec testes deerunt. Aderit imprimis Hortulanus ille qui te vidit, cùm in illud tugurium cum sæmina solus intrares ; vidit, cùm illa Claudia tua clauderet fores ; vidit postea egressum te, amplexantem palàm cum muliere impudica, & usque eò petulantem, ut illum veterem hortorum custodem obscœnum, non ex ficu, ut olim, sed ex moro factum conspexissè se existimaret. Aderunt & alii, quos viri gravissimi, qui tuum nomen detulerunt, testes in promptu habent. Cujus tu testimonii vim veritus cùm dimanasse rem illam sentires quam in occulto patrasse te arbitraberis, ut infamis ille reus Siciliensis, non jam quid responderes ; sed quemadmodum non responderes, cogitare coepisti : & paulò ante ferox, judiciique

que cupidus, (nam de aliis quoque multis rebus & antea & tum etiam defererebaris) demissus repente & consternatus abeundi licentiam (id quod plerique maximè volebant, ne in rem tam fœdam de Pastore suo inquirere cogerentur) quasi jamjam abiturus petisti. Per hanc tu rationem liberatus judicii metu, cùm alibi non haberes quò te reciperes, omni munere cùm Ecclesiæ tùm Scholæ, omnique stipendio privatus, octo circiter vel decem menses in eadem urbe fœdis factis notatus detrectatâ causæ dictione vixisti : quo nullum majus argumentum contra te esse potuit. Nunc posteaquam oblatum tibi certamen defugisti, tuisque commodis carere omnibus, quàm judicium de illa re pati maluisti, posteaquam tuo ipsius judicio temet ipse damnasti, à me homine longinquo testes & argumenta ridiculè sanè quæris. Quinimmò, ut dixi, Genevam revertere, & quando vadimonium illud tam malè obisti, I sodes ad supplicium, quod

94 *Joannis Miltoni Angli*

quod te illic manet adulterio debitum; si pristina illius urbis religiosissimæ disciplina nondum refrixit. Ad illa verò sponsalicia stupra tua quod attinget cum Pontia, quæ te ubique decantatum & digito monstratum infignem hominem illis in Provinciis reddidere, multo minus est cur à me *testes & argumenta* postules. Famam ipsam communem, constantem, & illa centum vel potius mille ora, si vis, in iudiciū voca: hæc totidem sunt testes quibus si in foro sæpe creditum est, cur ego de adversario publico non crederem? cur ego solus quæ in ore omnibus & sermone sunt, adversarius tacerem? sed nec testes hic mihi, nec iusto numero nec literæ defunt; in quibus literis & libidines tuæ & illa perjuria quorum ope elapsus ex iudicio es, cum horrore ac detestatione maxima narrantur. Sunt & muti testes qui etiam sine voce testantur; illa nocturna itinera quæ toties Hagacomitis Leidam cucurristi; illi nocturni & fur-

furtivi congressus cum Pontia; cum qua tu muliere per causam, ut aiunt, impudicitiae divortium fecisti. Si tu eam parùm pudicè versatam interdum cum aliis credidisti, cur alii te continentio-rem noctu cum eadem consuevisse crederent? an expectas dum servulum tuum in te producam, nequitiarum tuarum diu conscium, donec, nondum planè amisso pudore, aufugere abs te in bonam frugem conspectæ ipsis oculis libidines tuæ pudefactum coegerunt? Opus utique non erit servum illum ad quæstionem poscere: Ipse detestatus tanta in Ecclesiastico homine flagitia, latè prædicat. Tu interim ut lectorum, si non aures, at saltem oculos invitare possis, oratiunculam nescio quam infercis hîc putidissimam, Historicorum more, lunulis adnotatam, quasi acutissimam nimirum & lectu dignissimam: non orationem, sed chorum quendam Battologorum introductum abs te aliquis putet; amicorum scilicet tuorum, hortantium

tantum ut *teipsum reverearis* ; ut *ungues tuos*, quos tibi fatentur *non deesse*, ad necessaria magis tempora, Pontianam credo alteram dimicationem, velis potiùs reservare : mecum ne velis *in arenam descendere*. Sed perdunt suam operam amici verbosissimi, sua monita præclara, tot curta adagia, triviorum symbola, oleum nempe tuum Battologiæ professor : illis posthabitis me potius usus es consultore adversario, ut responderes cum tuo magno malo. Non ut *tuum* ego *silentium in conscientiam ne verterem*, sed ut conscientiam tuam suo, quod optat, silentio frui ne sinerem. Nam attendite, quæso, & cognoscite nunc, si unquam aliàs, hypocritam numeris omnibus absolutum. Videt necesse sibi esse aliquid pro se dicere ; se intuetur, quamvis invitus ; videt in turpi præter turpe nihil esse quod possit responderi ; circumspèctat ecquid foris propè se refugii sit, ecquid adminiculi quo inniti possit ; ecquid quo se tegere, sub quo

quo latitare ; ecquos in societatem & communionem scelerum suorum possit attrahere, ecquem ordinem aut genus hominum suis privatis rationibus illigare, ut causam suam quasi communem communi periculo & aliorum existimatione defenderet ; nihil magis idoneum invenire potuit, in quod omne suum dedecus transferret, nihil in quod deonerare spurcitiam suam commodius posset, quàm ipsam Ecclesiam Dei : *Si mea, inquit, propriè tantum res ageretur, imponere fibulam ori meo & obmutescere poteram exemplo Domini mei : sed universus ordo noster, & Ecclesia Dei per meum petitur latus. O scortum & ganearum Antistes ! cujus non ori magis, quàm inguini fibulam impositam oportuit ; quanto tibi præstitisset obmutuisse ; exemplo Domini tui, cui Christus Dominus silentium cum capistro imperavit, quàm Ecclesiam Dei hâc tantâ ignominia affecisse ? Ais universum Ordinem vestrum à me licet obliquè*

H

stigmatè

stigmatē notari. A me ais? dic ubi; recita, si potes, locum; nisi fortè quòd ego in mercenarios, id tu in Ministros Evangelii dictum putas. Erras More; & aliud fortasse multo justius haud ab- simile conquestus esses; non ego vestrum Ordinem obliquè, sed te extra ordinem tua Pontifex & obliquo & directo & transverso stigmatē notavit. Ecclesia, inquis, Dei, cui mea omnia tempora consecravi, per meum petitur latus. Per tuumne latus turpissime? qui tantum abest, ut omnia tua tempora Ecclesiae consecraveris, ut ipsa Ecclesiae tempora, omissio nonnunquam matutino concionandi munere, furtivis libidinibus consecrassē haud semel dicaris. Ne repetam quid etiam temporis famosis libellis Ecclesiastes consecraveris. Per tuumne latus? at nihil omnino est quod graviore cum vulnere Ecclesiam petat, quàm tuum ipsum impurissimum, Ecclesiae tam malè contiguum latus. Hoc si vis intelligi per tuum latus, id est, per tuam
turpi-

turpitudinem, propter tua scelera Ecclesiam opprobriis impiorum peti, maculâ aspergi, infamiam contrahere, hoc cuidem verum esse non diffiteor. Itaque universus ordo tuus, & Ministri præsertim Gallici, qui te optimè norunt, ne tuo illo pestifero latere diutius periclitentur, teipsum quantum possunt, tuique contagionem amovere ab se atque depellere conantur: causam ullam aut rationem tuam communicatam sibi nolunt; ne scelerum tuorum atque dedecorum participes fiant: ejectum te ex suo ordine, & exturbatum, ut meritis es, cupiunt; & illam, quam ais, *fibulam* ori tuo impudicissimo affigere conantur. Macete estote integritate vestra atque constantia, viri Ecclesia digni; prospicite, ut instituistis, Ecclesiæ puritati, existimationi, disciplinæ, exemplo: amovete à lateribus vestris immundum illud & verrinum latus, cujus non solum ictu Ecclesia læditur, sed affricu etiam polluitur. Nolite hanc indignissimam

contumeliam pati, ut is, cum flagiti-
 orum suorum nomine meritis convi-
 ciis atque infamia petitur; non se peti,
 sed quasi is; quia coenum hominis est,
 idcirco murus & munimentum Eccle-
 siæ esset, per suum latus Ecclesiam
 peti dicat. Abigite procul ab Eccle-
 siæ septis concionantem lupum; vo-
 cem illam hircinam tot stupris & adul-
 teriis impuram, populo verba dan-
 tem, imò vendentem, idque è superi-
 ore, quod jactat, loco, ne fiveritis in
 sacro coetu amplius audiri. Profectò
 si Ethnicorum legibus, verbi gratia
 Solonis cautum est, nequis Rhetor
 turpitudine vitæ notatus, civilem con-
 cionem habendi ad populum, ne Atti-
 corum quidem si disertissimus fuisset,
 jus haberet, additæque præclara ratio
 est, plus exemplo nocere turpem,
 quàm oratione quamvis castissimâ at-
 que sanctissimâ prodesse, quo etiam
 nomine Timarchus, vir inter primos
 illius Reipub. accusante Æschine, dam-
 natus est, quanto est indignius scorta-
 torem

torem atque adulterum tanquam Dei
nuntium & ministrum, ad Christianum
Populum sacras habendi conci-
ones jus in Ecclesia perniciosissimum
obtinere. Nolite committere, ut Ma-
gistratus Ethnicus, Deique experts,
religiosior atque sanctior in foro fu-
isse, quàm Christi sacra synodus in
Ecclesia esse videatur. Nolite vereri,
quem iste scrupulum callidus iniecit,
si eum quem approbâstis, cui sanctas
manus imposuistis, cui gregem Dei
commisistis, perspectum nunc adul-
terinum & spurium ejeceritis, nequis
vestrum judicium aut prudentiam de-
sideret; neque enim Paulus hac in
parte, ut nôstis, vidit omnia: illud ve-
remini, si Pastoris in munere talem re-
tinueritis, ne omnes non judicium mo-
dò & prudentiam, sed religionem quo-
que & pietatem & gregis denique cu-
ram in vobis requirant. Hæc ad pa-
stores de te, More; nunc ad gregem
pro me pauca dicam. *Patria*, inquis,
mea greges qui pascuntur inter lilia,
H 3 *nescio*

*nescio quam in invidiam vocas. Uti-
nam ne ista lilia, spinas esse aliquando
sentiant; verum non ego tuæ patriæ
greges in invidiam; sed tuus Clamor
Regius ad societatem sui furoris vo-
care cupiebat. Quem enim non irri-
tassent istiusmodi opprobria? maxi-
mè omnium Galli nostri reformati, non
modò horrendo facto perculsi, sed ejus-
dem injusta infamia pressi, plurimum
alloboraverunt, ut parricidium & par-
ricidas cognoscerent. Hæc & multa
alia acerba quidem & planè hostilia
Clamor iste Gallorum sub nomine
Reformatorum, in nos clamitavit :
ad quæ omnia respondi solum, Gallis
etiam reformatis impositam eandem
olim necessitatem fuisse, ut suum quo-
que Regem hostis numero haberent.
Verum ego incogitantior (quid enim
de me non fatear potius, aut non in-
dictum velim, quod Ecclesias Galliae
Reformatas, quas esse scio nobis omni-
bus charissimas; in invidiam vocare
possit) incogitantior, inquam, fui, qui
isti*

isti insaniſſimo Clamori vocem ullam Eccleſiarum aut fratrum interjectam eſſe credidiſſem. Scimus eos quo ſub regno vivant, quibus in periculis, quibus in anguſtiis evangeliſ cauſa verſentur, & tamen amplum hoc ſibi eſſe, ſi tueri ſua queant. Nos ut vel minimam noſtra cauſa invidiam apud ſuos Reges aut offenſionem ſuſciperent, nunquam petivimus; ut de noſtris factis aut conſiliis ſuum ſenſum declararent, tamenſi fratrum iudicia plurimi ſemper fecimus, tamen ne hoc iis periculum crearet, nunquam poſtulavimus; preces eorum, non ſententias aut ſuffragia prodeſſe nobis cenſuimus, ſuam autem erga Reges fidem ex ſuo in nos odio verborumque acerbitate perſpici aut probari non arbitramur. Multa deinde præteris, *quæ nimis meum in religione animum produunt*; & ſapis: fac & illud quoque prætereas, quòd *te hominem ſacris addictum* Cottytiis, credo, aut Iſiacis, non Evangelicis (niſi addictum ita ut devotum

intelligis) *adversarium*, quod ego mihi honestissimum duco, nactus sum. At enim illi *qui diversum à nobis in religione sentiunt*, sic enim tibi prospiciens, Ecclesiæ prospicere videri velies, *ex ista fabula Ecclesiis nostris insultandi ansam arripiunt, quasi patiantur ipsa qualia vulgò turpia dictu sacrificulis obijciuntur suis* : & meritò quidem, si patiantur, verum spes est, non esse passuras : si us certè unica rerum est, si pati noluerint. Si enim patiantur, quæ tu in me tela levissima coniecisti, ea in te ego acutissima retorqueo. *Satanæ triumphus paratur, scandalum infirmioribus creatur, inimicis gaudium, sociis dolor, fidei damnum.* Hæc vera sunt non me accusante, sed te impunito. Talem esse quendam in Reformata videlicet Ecclesia Ministrum adversarii gaudent : accusat aliquis ? multum, mihi crede, de isto gaudio protinus remittunt : damnatur is incorruptis & integerrimis Ecclesi-

arum

arum suffragiis? Nihil æquè dolent :
nam qui Presbyterum Reformatum
flagitiorum incusat, accusat idem sacer-
dotes omnes & sacrificulos eorundem
facinorum sibi conscios : qui illum ab-
solvit, hos multo faciliùs absolvat ne-
cesse est. Frustra nos quidem opini-
onum quarundam & dogmatum, fru-
stra etiam fidei reformationem glori-
amur, nisi morum sancta censura pari-
ter quòque vigeat. Non doctrinam
tantùm reformatam, sed Doctores
reformatos esse convenit, si ereptam
sacrificulis, ereptam Satana insultandi
ansam cupimus. *Magnum, ais, ho-*
norem habere me Ordinibus Fæderati
Belgii, quos indigere putem notore
me : monitore opinor volebas dicere.
Immò verò tu illis quem honorem
habuisti? quorum existimatio gravis-
sima tam apud te parum potuit, ut e-
orum de te opinionem fallere turpif-
simè malueris, quàm flagitiosam vitæ
tuæ licentiam refrænare; quique ejus-
modi homo cùm sis, arrogare tibi tan-
tum

rum potes, ut existimes tot viros graves atque prudentes te *notare*, etiam è *superiore loco* indigere; tuo *admonitu* posse unquam sapere; ut idcirco os tuum è suggesto importunissimum tantæ gravissimorum hominum frequentia, & præsertim sacrae concioni offerendum sit. Qui denique apud quos tanto te in pretio esse dicis, iis nihil aliud nisi aut minimum iudicium, aut maximam doctorum penuriam relinquis. Minimum profectò ipsi sibi honorem habent, qui abs te Doctore, & Ecclesiaste meliores discedere se posse crediderint. Verùm tu nihilominus buccam inflas: *Quid nunc, inquit, memorem tot illustres ac principes viros, tot proceres, tot Ecclesias, tot Academias, quæ me fovent & ornant, vel optant & exambiant.* Et ego, quid, inquam, nunc memorem tot agyras, tot empiricos, tot seplasiarios, tot circulatores, quos Romæ aut Venetiis iisdem penè verbis suas pyxides & pharmaca vendentes, præteriens

audivi.

audiui. Atqui dum hæc scribo, inquis,
literas accipio quibus ad Ecclesiastæ
ordinarii munus & sacra Theologia
professionem inuitor in urbe nobilif-
sima. Nam hoc certè habes, in quo
 omnes Doctores circumforaneos ve-
 nalitios ambitione superas. Primum
 per amicos tui similes occultam das
 operam, ut quot potes ex locis invi-
 teris: posteaquam id difficile repertum
 est, ex quo jam passim notus es, hoc
 solum (quæ tua animi egestas atque
 mendicitas vera est) miserè contendis,
 & nonnunquam perficis ut omnino
 inviteris, quamvis ea diserta lege &
 pactu interposito, ut omnino ne veni-
 as. Hoc modo invitatum te nuper in
 Galliam, & ni fallor, Montalbanum,
 invitatum & Franekeram, vel Gro-
 ningham intelligo: Harum utram in
 urbem sanè nescio, in alterutram fat-
 scio: de loco enim fateor nondum mihi
 satis liquere, de re satis. Hanc demum
 rationem excogitare coacti sunt homi-
 nes importunitate tuâ fatigati & victi,
 quâ

quâ & abs te simul tanquam à peste
 sibi cav. rent, & tuæ miseræ gloriolæ
 multo cum risu vela panderent; téque
 erraticum sophistam & planum tuif-
 met ventis ludibrium commendarent.
 Sed ne cui fortè vanior quàm menda-
 cior esse videaris, in illud nunc incidi-
 mus usitatissimum tibi & impudentis-
 simum artificium quoddam tuum ma-
 ledicendi simul & maledicentiam vi-
 tuperandi. Quoties enim strenuè con-
 viciando vel ad inopiam vel ad ravim,
 quasi ad incitas redactus es exhausto
 penu, dum novum virus colligis, subito
 bonus & bellus abhorrere te fingis à
 conviciis omnibus: nolle te scilicet
luto ludere, nolle *sordes mihi regeren-*
do manus tuas coinquinare; non pla-
cere tibi de cane latrante victoriam;
 malle te *omittere latrantem caniculam*.
 Quid hæc quæso nisi convicia sunt?
 quæ dum deponere te dicis, totis viri-
 bus intorques; ita caudam atterere &
 simul ringere idem tibi est: idq; ipsum
 agis, dum agere te negas; usque eò
 totus

totus ex mendacio conflatus, ut ne verax quidē utrovis modo sine mendacio esse possis: si enim negas te nunc maledicere, quod tu negas, verba ipsa, te invito farentur; si fateris, tua eadem verba id ipsum, quod fateris, negant. Quid est, si hæc non est *maledicendi ars* illa, quam tu *Dæmonum Rhetoricam* infamis libelli editor *vocare* te ais *solere*. Sic tu nimirum homo sanctus & veriloquus, *Christum didicisti & doces*: id est, dum latrare te negas, mordes. Tibimet tam apertè mendax, in me ut sis religiosior, non expecto: tentas, ut video, omnia, captas omnia; si quem fortè rumusculum, aut susurrum aquilones cum fugitivis famigerantibus ad vos perferunt, aures arrigis: Hinc illud, *non is es*, inquis, *de quo mentiri fama vereatur*; minùs quidem tu hîc subdolus es, quàm soles. Famiam etiam mendacem mihi minitaris; dici nempe *me aliorum ingenia ex moribus meis aestimare, nulli non vitio quod insequor obnoxium*. Ergo ego scortator,
ut

ut fama mentitur, ergo adulter; hæc enim in te crimina infector. Fac sanè periculum famæ; age, infimula, dic, siquid habes, audacter & clare; tempus, locum, nomina simul ede; quod ego in te facio: Dic cum qua Claudia Pelletta, dic cum qua Pontia, dic siquid in horto, siqua in domo, noctu an interdiu, siquod in judicium adductus unquam sim, siquod unquam recusaverim: hæc tibi omnia dicenda sunt, hæc ego in te omnia demonstravi. Invenies profectò me ad injurias meas tuæque crimina persequenda attulisse hanc dicendi libertatem, & anteaetæ vitæ meæ certissimum indicium atque fructum, & agenda posthac firmissimum propositum. Nunquam me libertatis hujus poenitere audies, ut Lucium Crassum poenituisse olim ferunt, quòd Caium Carbonem unquam in judicium vocavisset; cum hac sua severitate præcisam sibi aut circumscriptam in posterum liberius vivendi veniam apud omnes arbitraretur. Is

Caium

Gaium Carbonem civem improbum;
in judicium Senatûs populique Rom.
vocavit: ego te, More, & meo & pop.
Anglicani nomine, quem tu infami
Clamore edito prior laceffisti; illo
Carbone multò nigriorem; judicia
patria detrectantem, sæculorum omni-
um judiciis trado. Quid tui interim
famigeruli de me mustitent aut lo-
quantur, unicè securus. Tu senties
eam esse vitæ meæ & apud me con-
scientiam, & apud bonos existimati-
onem; eam esse & præteritæ fiduciam
& reliquæ spem bonam; ut nihil im-
pedire me aut abstertere possit; quo-
minus flagitia tua, si pergis laceffere,
etiam liberiùs adhuc & diligentius
persequar; & que simul tuasque etiam
famæ quas meditaris corruptelas &
perspexero facilè & risero. Interea,
ne cui dubium sit, quin tu omnia per-
vestigando nihil prorsus in me habeas
quod verum crimen sit; aut si haberes,
quin id cupidissimè statim & malitio-
sissimè diceres modisque omnibus am-
plificares,

plificares, videamus quàm non crimina quæ sint, des crimini; etiam rectè facta quàm odiosè calumniaris. Primum *cur Clamori auctoris anonymi responderim* quæris; & *non tot aliis qui nomen ediderunt suum*. Quis adversario tam aliena & inepta interroganti rationem redderet? ego tamen ut quàm æquanimitè tecum agam videas, reddam. Cur Clamoris auctori responderim, rogas? quia jussus, inquam, publicè ab iis quorum authoritas apud me gravis esse debuit; vix alioqui manum admoturus. Deinde quia nominatim læsus: nam & tu hîc, quamvis id minimè velis ut existimationis aliquam meæ quoque rationem ducam, veniam vel invitus dabis, quam omnes boni dant, scio, libentissimè. At *cur non aliis*, inquis, respondisti? *Clamant & illi, nec minus fortiter*: rursus respondeo, ut prius, quia ad rationes publicas non vocatus; non accedo. Deinde, quia non læsus; nam & hoc, quamvis tu id maximè velles ut impunè tibi quenquam

quenquam lædere liceret, non est leve. Deinde quia ex vestro ipsorum iudicio tantum Salmasio tribuimus (quem Defensorem Regium, quasi solus is esset & instar omnium, nominare soletis) ut post illum posse quenquam alium dicere quod momenti esset non existimaremus. Vis plura? quia liberum erat; quia non vacabat; quia denique homo sum, humana mihi latera sunt, non ferrea, tu licet Alexander ærarius sis. Aliud quiddam opus est, ut mihi videtur, quo tot importunis Clamatoribus ora, melius obturentur. Quàm multa tunc ille Stentor anonymus clamitabat, quæ à Salmasio clamata prius & conclamata erant? quibus ego toties repetitis, quamvis cum miseriam ac tædio sæpius respondissem, tamen quia cum isto vociferatore verboso certare ubique non libuit, *languet tibi scilicet oratio mea, quoties pro populo dico*: tibi, inquam, cui *Gallicâ nive frigidius est*, non esse tautologum. De me si accuratius dixi, non

eò id feci, quo ego minùs populo
 quàm mihi studereim, sed propterea
 quòd tuus Clamor tum quidem no-
 vum aliquid suppeditabat, unde possem
 ab odiosi crambe vestra nonnunquam
 respirare. Quod itaque facete inquis,
non immerito Defensio pro populo se-
cunda dicitur, quoniam id faustum est,
 ex ore præsertim adversarii, omen ac-
 cipio. Tu licet novum quotannis cla-
 morem edideris, rumpas te priùs li-
 cebit, quàm clamorem secundum edi-
 disse dicaris. Alterum meum crimen
 est quòd in Iudes Reginae Suecorum
 serenissimæ per occasionem ab adver-
 sario ipso datam, digressus sum: & in-
 ter alia dixeram (satis modestè quidem
 ut opinor) nequid attribuerem mihi
 quòd Reginam contra Regiam; ut vi-
 debatur, causam, tam mihi faventem
 reperissem, nescire me planè quàm meâ
 forte id evenisset: malebam ad sortem,
 ad sydera, ad fiquis est occultus vel ani-
 morum vel rerum consensus aut mo-
 deramen, quàm ad meum quicquid
 erat,

erat, vel ingenii, vel acuminis, vel copiae referre videri. Hanc tu calumniandi simul & parasitandi materiam nactus, fremere extemplo, quasi indignum hoc esset; & *lutum* illud in visceribus tuis concretum, in ore mox tibi, ut frequentissime solet, fluitare. Age, despue; quid est? *eam*, inquis, *propterea tam impertune laudabas, ut eam ea te componeres lutum.* Tunc Morus es an Momus? an uterque idem est? utro te nomine appellem dubito: quis enim præter Morum aut momum tam sinistrè ac perperam interpretatus hæc esset? quod ullum dictum modestissimum hæc tanta malitia non depravaret atque perverteret? Tum illud simul depromis ex peculio tuo servile & parasiticum; *nesciebat Christina se tibi esse tam familiarem.* Tene scabellum hominis ex tuis loculis & immunditiis Christinæ suggerere quid nesciat, aut quid dicat? atqui sciebat se illa pro sua singulari in literatos benevolentia Salmasio familiarem, cui

116 *Joannis Miltoni Angli*

me tamen arbitrio suo liberrimâq; sententiâ haud semel dicta est prætulisse. Sed *hoc unum*, inquis, *Regina non meruit abs te laudari*. Abs te ergo illaudatissime? concedo libens! quis enim obstare potest, si tibi modò libeat vel invitissimi cujusvis laudes contaminare? experire sanè; persequere modò istud, quod veluti specimen laudationum tuarum egregium hoc loco inseruisti; *quam supra mortalitatis modum inusitata nature vis, & stupendum ingenii lumen evexit*. Perge, inquam, & macte isto ore: ab isto exorsu quantumvis in sublime evoles per me licet: isto enim tenore, si perrexeris, mirificum tu quidem fastigium ac prope nubiferum tam altis substructionibus impositurus videris. Mihi, fateor, non placet sic altè insurgere; unde statim necesse erit, vel ridiculè ruam, vel inter nubes frigescam. At tamen *iis*, inquis, *dotibus insignis es, quæ possunt etiam heroibus animam laxantibus placere*. Esto; sunt & tuæ dotes

lotes & præsertim scripta, quæ he-
oibus placere quiddam aliud laxanti-
us, possint. Et in primis ista tua quæ
equitur sapientissima & ministello te
ligna ad Typographos conciuncula;
quam idcirco prætereo: nam ad ter-
tium jam crimen meum perveni;
quòd dixerim nimirum, uno cum fa-
mulo me peregrè fuisse: crimen grave;
quo ego nòmine hæud uno in loco per-
stringor: id scilicet nefas erat memi-
nisse, ne versificatores vestri, qui ex
egestate nescio quâ emerfisse me per
hanc rerum apud nos conversionem
versificabant, cecinisse falsa reperiren-
tur. Jocum verò hic tuum, quando
hæc tam rara avis est, non possum
prætermittere. Non equidem vobis
*Typographis litem unquam intende-
rim, non certè magis quàm illi servo
qui Miltonum euntem peregrè comi-
tabatur.* O longè & miserè petitum!
quid hac capitis cucurbita facias, ex
qua, ut id maximè labores, nullam salis
micam potis es extundere. Sed qui-

118 *Joannis Miltoni Angli*

etus homo & fugitans litium es; itaque non meo, sed ne tuo quidem servo litem intendis, qui domesticæ turpitudinis tuæ fugitivus, secretiora flagitia & nefarias libidines tuas divulgavit. Quartum est, siquidem id crimen dici meum debet, quod tuum est mendacium, *in eodem scilicet libro, quem scattere, ais, discinctorum nepotum festivitibus, ausum me censuram agere, & graviter concionari de Republ. deque civium officio.* Quis non germanum te nunc dicat Epicureum? cujus neque in moribus honestas, neque in scriptis urbanitas ulla reperiatur. Mirum non est si hoc nomine faciliis omnibus infensior sis, cum quia negantur tibi, tum quia te pungunt: non mirum est, inquam, si tibi tam ulceroso sal omnis inimicus est. Id mirum, Professor cum sis, cur mihi succenseas qui sic diligenter salarium tibi curo. At verò quos tu *jocos è lustris popinæque desumptos* falso ais (nisi desumptos ex lustris idcirco dictis, quod te illic latitantem

tantem

tem extraxerint) eos si cæteri o-
ies non inhonestos aut illiberales,
honestos atque urbanos tuamque
credinem perfricanti sales concessos
n negaverint, tum quidem tua pro-
soris insulsi ignorantia, ut persæpè
is, hinc satis manifesta est, qui id
um convenire dicas, quod Marcus
illius in oratore summum esse sta-
t, ubi de oratione L. Crassi in Cn.
omitium summa cum admiratione
loquitur. Nec enim concio major
quam fuit, nec apud populum gra-
or oratio, quàm I ujus contra colle-
n in censura nuper, neque lepore &
tivistate conditior. Et paulo infra,
uni Crasso contigisse ait, ut non
um venustissimus & urbanissimus,
& omnium gravissimus & severis-
mus & esset & videretur. Quin eti-
Platoni & Socraticis nihil magis
venire aut decuisse visum est, quàm
ous interdum severissimis intermi-
s atque inspersus lepos. Hæc ego
is doctis & intelligentibus quin &

supra & nunc denuò satis probaverim,
non dubito. Te interim non repre-
hendo, qui *mollior*, inquis, *debuìt esse*
transitus à naso ad supercilium: nam
digitorum Ponticæ credo adhuc memi-
nisti, quàm iste transitus abs tuo naso
ad supercilia minimè mollis fuerit.
Fœlicem te quidem, si hoc tum muli-
erculæ persuasisses: sed de oratorum
transitionibus, More, judicium longè
aliud faciendum est. *At leges scribo*,
hoc quintum crimen est, *quibus se*
teneat non populus modo, sed illi etiam
qui me præceptore nihil egent. Quid
tu mihi quo quis egeat, homo levissi-
me & arrogantissime? tène *superiore*
ex loco egent Fœderati Ordines con-
cionatore, me ex inferiore, quod om-
nibus ex æquo civibus licet, nostri non
tam egeant libero hortatore? non est,
More, cur ego me natum in mea patria
tam inutilem existimem, cum te in
aliena tam arrogantem videam; non
est, quam ob rem te mercede concio-
nantem, quàm me gratis monentem
rectiora

rectiora putem posse suadere. Hæc mea quinque sunt peccata mortifera; nam illa septem, opinor, conficere nequisti. Ex quo intelligitur, inania quàm fuerint quæ *condonasse* mihi te dicis, cum sint tam levia; quæ crimineris. Nisi & illud fortè criminofum mihi vis esse, quòd Deum testem invocarem; & certè parùm abest ut istud quoque in criminibus meis numeres. *Hinc illa, inquis, nimium sane sollicita protestatio.* Quænam ista fuit, More? audies vel invitus; nec illam nunc recito, sed iisdem conceptis verbis (neque enim poenitet, & hic etiam peregrinationem meam calumniaris) rursus Deum testem invoco, me illis omnibus in locis, ubi tam multa licent, ab omni flagitio ac probro integrum atque intactum vixisse, illud perpetuò cogitantem, si hominum latere oculos possem, Dei certè non posse. Hæc tibi *nimium sollicita protestatio* est, More: cui non magis sollicitum est, Deum testem invocare, quàm invocatum

eatum pejerare. Quàm multi & quàm multis de rebus te accusent, non ignoras: aude modò, siquid in te integri, siquid incorrupti est, iisdem quibus ego nunc præivi tibi verbis, teipsum defendere. Dic age in hæc verba: Deum testem invoco me ab omnibus illis flagitiis quorum insimulor, integrum atque intactum semper vixisse, me neque Claudiae, neque Pontiae, neque ullius omnino sceminæ stupratorem esse aut adulterum. Non audebis, opinor, tametsi facilè perjurus esse diceris, in hæc verba præeuntem me sequi. Verùm si Dei non audes, hominum saltem fidem implora. Genevam, inquam redi, permitte te illic magistratibus & populo; dic illis ut castum & innocentem hominem, falsò insimulatum, deceat: Viri Genevenses; multorum apud vos & gravissimorum criminum accusor; si ita vixi, si inter vos ita versatus sum, ut hæc per idoneos testes & argumenta probari vobis possint, en sisto me; legitimum

num pati iudicium, quod antea recusavi, nunc non recuso. Hoc multo minus audebis, fat scio: malis tergiversari, ut supra dixi, malis aliunde perfugia & latebras & diverticula veterani scortatoris in modum quærere. Veruntamen *honestam* fuisse illam *orationem* meam fateris; sed *precedenti parum consentientem*. Cuinam precedenti obsecro? vellem recitasses: ego enim aliquot retrò paginis pro certo habeo, ne minimum quidem obscœni vestigium inveniri posse, quia tanto intervallo de te nulla fit mentio. Quòd si quem alium locum intelligis, ubi in tua vitia falsè animadversum est, velim te scire, quicquid tu ex *Platone* detorsisti, neque alienum esse neque inverecundum eodem in libro cum acrimonia & sale (*profligati enim pudoris* verba nusquam illic reperiēs) & turpia insectari, & de *Deo* cogitare. Sanè si oratoris præceptum hoc verum atque honestum est, In eodem vultu convenire & pudorem & acrimoniam, quidni

quidni itidem in eodem ore conveniant? Nullius enim pudentis pudorem minuit vehemens & falsa turpitudinis exprobratio vel etiam irrisio, sed pudorem, in quo prius non erat, impudenti reo nulla res efficacius incutere videtur. Tu vide ut cum pudore & *cogitatione Dei* tua stare perpetua possint mendacia, Ecclesiastes adverte; qui scripsisse me ais *Roma martyrii fuisse candidatum; structas ab Jesuitis vita mea insidias*. Ad quod utrūq; mendacium diluendum opus est nihil aliud, nisi ut quis locū ipsū libri inspiciat: & cur ea de re aliquid omnino scripserim, conjecturā per se assequi nemo facilē non poterit, cui id modò credibile non sit eum *ob flagitia in Italiam profugisse*, qui religionis ibidem confitendæ periculum toties adierit. Nugaris deinde multa; & *macharas & legiones* garris Ponticæ mastigia. Verū hęc satis risimus: nunc luculentam & insignem hominis calumniam quæso attendite; ut cognoscatis

scatis qua fide vel in sacris etiam literis, quas cum summa Ecclesiæ ignominia profitetur, versari soleat; quàm nulla isti falsario Ecclesiastæ religio sit verbum ipsum Dei sacrosanctum corrumpere, si id commodum sibi fore crediderit. Ego ut refellerem eos, qui Grammatistæ aut Critico Magni titulum & cognomen largiri ineptissimè solent, sic scripseram: Is solus magnus est appellandus, qui res magnas aut gerit aut docet, aut dignè scribit. Quis hac verissimâ sententiâ offendatur, nisi Grammatista? Quid hîc noster professor? id est, inquit, qui res magnas docet, *ut Miltonus de divortio*, aut dignè scribit, *ut Miltonus idem pro Populo, bis magnus*. Lepidum sanè interpretamentum, More! & ejusdem planè artificii, quo Evangelii etiam locum illum de divortio non verbo, sed factis interpretatus es. Licet ob scortationem dimittere vel uxorem vel sponsam; Morus cum desponsata sibi Pontia scor-

126 *Joannis Miltoni Angli*

scortatus est; ergo, licet Moro sponsam ob scortationem dimittere. Vos *O tot Principes, tot procères, tot Ecclesia, tot Academiae, quæ hunc hominem fovetis & ornatæ, vel optatis & exhibitis*, evocate nunc certatim hunc vobis, quâ sacrarum, quâ profanarum literarum interpretem tam fidum & religiosum; ut sacras profanare literas apud vos quâ factis, quâ commentis suis possit. Vel si id minime vultis, nam Doctore hunc cõmentitium longè latèque olfecisse jamdiu videmini, date saltem & concedite hoc palpum tumori hominis & gloriolæ: evocate quæso per literas quàm honorificas Ludionem hunc cathedrarium; sed cum hac cautione, si salvi esse vultis, clam interposita, cum hoc urbanissimo interdicto, ut nullo modo accedat. Miros profectò reddet ludos inter tot Cathedras, dum professiones & prælectiones & murmura & plausus & Pontias novas sibi somniat. Sed dimitto nunc hominem, quia me prope

dimittit.

dimittit. Aliò se vertit; imò verò
quò se vertat, non habet. Simulat velle
nunc de vita & moribus suis causam
pro se dicere. Exordiri jam putares
hominem, & velle aliquid præfari;
cùm in ipso statim præfationis vesti-
bulo, elusâ omnium expectatione pe-
rorat. Tam tenue se esse argumentum,
tam turpe etiam dum reperit, vel ipsa
rerum inopia subito exarescit, vel ipsa
foeditate perculsus & quasi syderatus
obmutescit: Vultus, vox, latera de-
ficere videntur; animus tamen vete-
ratorius, & ut dixi antea, indurati u-
troque jamdiu foro veteris & crebri
fontis artes non deficiunt. *Quò me
vertam?* quò te vertas, miselle? quis
unquam nocens reus demissa barba
sordidatus & squalens tam miserabili
procemio deprecatus unquam iudices
est? quò te, si innocens, si insons, si tu-
tus undique tibi esses, quò te, inquam,
nisi ad te verteres? tecum loquerere,
te consuleres, extra te ne quæreres?
Sed heu miserum te! discordia tibi
tecum

tecum gravissima jamdiu est. Nihil tibi invisum magis, quàm tecum habitare, apud te esse; neminem libentiùs, quàm teipsum fugis. Frustrà: tecum enim fugis miser, te sequeris: Quod agitat intus est, intus & flagellum & tortor Argus ille tuus, qui te semper non *Junonis*, quod quereris, *artibus*, sed piaculorum tuorum Oestro agitatum, cinctus mille oculis ac testibus persequitur. Quid nunc agas? nam æstuantem te miserè & pendentem video. An *tuas ipse laudes vesanus decantares*? vesanus profectò sis, si id suscipias; vesanus, si id unquam cogitabas. *Vitamne conscribas & facinora omnia tua*? pervellem equidem; sed vereor ne non *Morus*, sed *Florus* nimium in tuis floralibus, id est, multo brevior quàm par esset, futurus sis. Vereor ne inideas nobis tot lepidas fabellas, qui unam solùm *retexere*; hortensem nimirum illam, tantopere gravatus sis. Sanè qui illas lites *Junonias omnes*, qui illa jurgia

Salma-

Salmafii prætermiseris, qui prælium illud nobile Pontianum mihi tantis rebus parùm idoneo reliqueris, qui denique totam illam Pontiae Sestiada sicco pede præterieris, præteribis opinor silentio Tibaltianam quoque illam, & illius nuper domus calamitatem, ubi tu procax in ancillam, proditor in herum extitisti: nam ancillis, ut videtur, quocunque vadis, nullum abs te refugium est. Tacebitur & vidua illa, quam tu, solatii tum plenus, nunc inops, cùm de marito recens mortuo velle consolari præ te ferebas, ejus pudicitiam tentasse diceris: Nec dices credo quâ domo egredientem te cum scorto intempestâ nocte Amsterodami illa mulier vidit; quæ delinita primùm pollicitationibus tuis, mox decepta, novissimè nomen tuum ad Presbyteros detulit; qui tuum nomen recipere, quod ob priora facinora ejiciendum ex suo ordine & circumscribendum stabant, ne aucto scelere, cùm augeri poena tua non posset, augeretur ordi-

nis infamia, recularunt. Quid ergo :
an quæ fecisses uno cum servo itinera
nocturna illa nempe Haga Leidam
posteris narrares ? ne hoc quidem fat
scio, volēs : verùm illa servu ipse pas-
sim copiosè narrat, & permulta alia
præclare abs te gesta : cætera jam tri-
tissima plurimisque per ea loca testi-
bus confirmata. Age verò ; post du-
bitationem sanè miseram quæ te per-
plexum tamdiu atque suspensum tenu-
it, post tui fugam, quò tandem fugis ?
quò ad extremum te recipis ? *fidei,*
inquis, *publica monumenta consulamus.*
Acta tua credo jã publica, quæ in Bib-
liotheca Genevensium enumerata cen-
tum prope articulis, tuorum scelerum
monumenta posteritati servantur. *A*
Geneva exorsus, inquis, *fabellam ne-*
scio quam poetarum authoritate subni-
xam instituis. Ferax tu quidem sæcu-
lum poetarum dicis, qui tot una in ur-
be, tibi que omnes infestos quæraris ;
nigrum te aliquem oportet esse, ipso
que moro nigriorem, quem tot poetæ
oderint ;

oderint; festivum quoque hominem, qui quorum authoritas testium te jugulavit, eorum nunc poeticam iniquitatem in te causeris. Verum ista te festivitas nihil in hoc tempore adjuvabit. Permulti sunt in illa civitate viri honestissimi, nonnulli Presbyteri, Doctores, Ministri, nescio an Poetæ, qui fabellam tibi hanc in foro agere cupiunt; qui non sua carmina recitare, sed tua crimina pro testimonio dicere parati jampridem sunt. Nemo sic unquam poetam recitantem, ut tu hos omnes contra te testantes & fugisti & fugies. Adeone verò singulari impudentiâ occalvisti ut institutam in te legitimè accusationem testatissimam, cujus vim atque authoritatem cum sustinere non posses, discedendi, & veluti in exilium abeundi licentiam exorâsti, hanc tu quasi *fabellam nescio quam* eludere & uno verbo leviculo sic amoliri abs te posse existimes? At permulti sunt inquis in hoc Belgio, qui me Geneva familiariter usi optime omnium norant

132 *Joannis Miltoni Angli*

quàm non ibi nullo in pretio fuerim.

Audi igitur quæ sint honestissimorum hominum de te judicia primò. Genevæ, deinde in Belgio. Duorum verba ipsa ex literis desumpta, in medium proferam.

Litera Geneva date pridie Id.

Octobr. 1654.

Mirari certè nostrates satis non possunt, ita te interiora ignoti aliàs hominis nosse, tam nativis coloribus depinxisse, ut ne ab illis quidem, quibus familiarissimè usus est, tota hominis histronia vel certius vel felicius potuisset adumbrari: unde hærent meritò & ego cum illis, quâ fronte *ἀναισχυρτος* licet homo & oris improbi, in publicum rursus theatrum prodire sit ausurus. Illud enim summum foelicitatis tuæ hac in parte compendium, quod non vel ficta vel ignota aliàs hominis scelera attuleris, sed quæ omnium & amicissimorum etiam ore decantata,
integri

integri coetus autoritate & assensu, immo plurium adhuc scelerum accessione luculenter possint corroborari.

Et infra. Credas velim vix ullum hîc reperiri amplius, ubi multos annos publico munere, sed cum summo hujus Ecclesiæ dedecore functus est, qui prostituti pudoris homini patrocinium suum vel audeat vel sustineat amplius commodare.

Hæ sunt eorum voces, qui penitissimè te nôrunt : quam turpem tui memoriam Genevæ reliqueris, hæ literæ, aliæque benè multæ si proferrentur, docerent. Nunc in Belgio aliisque locis quâ famâ sis, *quo in pretio* cognosce. Viri probatissimi tibi que noti non literas solum, sed quoniam abs te prius nominatus, idque in tua causa, atque laudatus est, nomen quoque edam! Is est vir gravissimus Joannes Duræus; qui dum Ottoni sola fide nixus interponit se, mecûmque agit, ut innocentem te scilicet missum facerem,

124 *Joannis Miltoni Angli*

non potest non fateri simul quàm longè alia de te cæterorum penè omnium existimatio, aliúsque sermo sit.

Ex Literis Duræi Basilea, Octob. 3.

I 654.

Quod ad Mori vitia improbitatémque attinet, non videtur Ottonus ita de eo sentire: scio tamen alios pessimè de eo loqui, manus ejus in omnes penè, manus omnium in eum esse, pterosque etiam Gallicæ Synodi ministros dare operam ut ei Pastoris munus abrogatur. Neque hîc aliam Basileæ reperio de eo hominum opinionem, quàm quæ in Belgio est eorum qui eum minimè amant.

O pulchrum elogium! quo tu omnium penè mortalium judicio Ismaeli hosti Ecclesiæ, quàm Ministro pacis & Evangelii similior judicaris. Hunc tuæ ubique gentium existimationis testem integerrimum, si potes, rejice. Mihi credulitatem desine objectare:

Nemo

Nemo omnes, neminem omnes fefellerunt, tua tibi verba regero. Hæc cum ita sint, perficiam haud multo negotio, ut intelligas, quàm exiguum tibi in aliis præsidium sit, cum tam exiguum tibi in teipso fuerit. Quod enim potest aliena fides testimonium de te aliis perhibere, cum tua fides perhibere nullum quod juvet aut cui confidas, de temetipso possit tibi? Et videte quæso quàm dissoluto animo, quam abjecto desertor sui & perfuga ad patrocinium alienæ fidei ab se transfugiat. *Neque vero, inquit, tempus teram in eorum sollicita refutatione, quacunque tu garris.* Laudo te læti animi atque jucundi, nihil tu magis sollicitè, quàm sollicitudinem ipsam vitas. Mea modò *nimis sollicita* tibi fuit ad Deum *protestatio*: nunc tuam non minùs *sollicitam* putas tuorum criminum *refutationem*. Atqui ego si duntaxat *garrus*, haud multam sanè sollicitudinem tua refutatio desiderabit. Ignavissimus profectò sis, aut

malè conscius necesse est, cui tam facilis tuimetipfius defensio, tam gravis & sollicita videatur: ineptus planè & ridendus, qui nullum tempus inutilius terere te putes, quàm in eo ipso quod ad rem, siquid vides, & ad causam maximè pertineat. Nam *quid proficiam*, inquis, *si fabulam hanc penitus retexero? statim aliam ordieris*. Sanè quidem difficile id esset nemini: neque de nihilo te urit ista suspicio. Tanta enim tu solus fabularum sylva es, ut ex tuis unius rebus gestis atque nequitiis suppeditare centum triviis atque circulis unde multos in dies rideant satis fabularum unus possis. Atque adeo hujus fabulæ actum jam quartum pereginus: exit Morus; aliam credo vult personam induere. *Ut semel inquit defungamur, quod fuerit Ecclesia Genevensis, quod civitatis illius de me iudicium haec docebunt literæ Testimoniales, alia occasione datæ*. Ita est; ad elogia nunc transit sua; actus quintus incipit: nova planè persona, sed eodem

dem tamen subtus latente Moro, prodit cornicula, sed & ea quoque personata: miris nescio quot repente plumis adscititiis atque coloribus ita indutus, ut Phœnicopterus nescio quis potius, & exornati quiddam monstri simile videatur. Aves Aristophanicas expoliasse hominem diceres; sed malâ ave, nî fallor; cum se non jam fabulam agere, sed apologum Æsopicum in se verum demonstrare nudatus intelliget. Cùm enim hæc plumas nec tuas esse, More, & partim obsoletas, quæque suâ sponte mox defluant, partim falsis coloribus fucatas, partim dolo, malisque artibus surreptas docuero, dubium non est, quin delusus abs te olim grex avium, nunc factus certior qui sis, de repetundis plumis jure tecum sit acturus; & ablato quisque suo, obscœnam sub phœnice upupam non deplumem te modò, sed depygem demum relinquat. Primæ omnium *litera Genevensium Testimoniales* cristam tibi erigunt: quas

quas illi multò mallent, sat scio, aut nunquam tibi datas, qualis postea evasisti, aut abs te nunquam prolatas. Semper ego quidem de Genevensi Civitate, pro eo ac debeo, honesta omnia & sentire so'eo & loqui: religionis cultum purioris, primumque studium, in Republica deinde prudentia, æqualitatem, moderationem, constantiam propè admiror; quâ se tam arctis finibus, inter vicinos hinc inde potentissimos & imminentes, summâ in pace ac libertate per tot jam annos conservat & tuetur: rectiusque in re vix mediocri & melius id agit quod civilis vitæ omnis principium atque finis est, idque populo suo foelicius præstat, quàm summis opibus instructi, summis opinione hominum adjuti consiliis reges maximi servientibus præstant suis. De Genevensibus igitur, quod eorum laudem & estimationem possit imminuere, non est ut quicquam velim aut queam dicere, etiamsi de his literis Testimonialibus

ea dicerem, quæ & ab aliis dicta olim ipsi fatentur, & ad me recentius allata sunt. Sed necesse non est; non dicam igitur qua occasione sint datæ; propterea quòd ipse non hæc, sed *aliâ occasione* datas esse ait. Non quæram, utrùm summa Ecclesiæ Senatúsque voluntas honorarium hoc Moro testimonium sua sponte concesserit, an impudentissima hominis postulatio, cùm accusatus gravissimorum criminum nequisset se defendere, ab iis duntaxat abstulerit qui Ecclesiæ Pastorúmque communi existimationi perperam metuentes, amandare ab se hominem quoquo modo malebant, quàm hæc publico iudicio severiùs perquiri, nec sine offensa fortassis infirmiorum palam agitari. Non dicam, id quod multi tamen dicunt mihi que confirmant, nec conventu frequenti, nec solito conveniendi die datas hæc literas: ne id quidem dicam scribenti adstitisse Morum; unde illud fortasse *tralatitium*, & *ex ambire* ex elegantius.

Mori

Mori selectioribus tam in promptu
erant; & *rupta concionante Moro*
subsellia, gemmaque illa clarissima;
quæ omnia usque eo vel cupiditatem
scribentis vel judicium non grave sig-
nificant, ut non solum nimio laudandi
studio laudes ipsas corrupisse, quod
vitium ab eo qui totius nomine Ec-
clesiæ scripsit, quam maximè abesse
debuit, sed indignissimum ornare dum
studet, non tam vivum decorare, quàm
mortuū & putentem illis odoribus dif-
fertum funerasse videatur. Non dicam
denique illa nomina in conventu sub-
scripta non esse, circum vicos cursasse
Morum, & pastores domi singulos
adortum, quo sibi facilius hasce sub-
scriptiones expugnaret; Propterea
quod erant in conventu qui reclamare,
qui intercedere, qui obsistere non de-
sinebant, qui sese non audiri graviter
conquesti sunt. Nihil horum dicam;
quod nonnulli tamen dicunt, etiam
qui illo tempore Genevæ rebus illis
omnibus interfuere; multi aliis in
locis

locis Deum hominúmque fidem implorantes atque jurati nulla se similitate, sed officii religione commotos, hæc dicere; adeoque illis literis fidem se adjungere non posse; quorum inter primos virum sanctissimum Fredericum Spanhemium, Theologiæ professorem & pastorem reverendum fuisse intelligo: Hoc solum dico, hæc literas, quod idem de literis reverendissimi viri Joannis Deodati est dicendum, ante sexennium datas, multis postea maleficiis ab ipso Moro oblitteratas jampridem esse & antiquatas. Nondum increbuerat Claudia, nondum hortus, & illa, ad Claudiam nescio an cum Claudia, Mori suavissima cohortatio:

— *Poma alba ferebat,*

Qui post nigra tulit Morus: —

Id quod viris proculdubio integerrimis & honestissimis, harum literarum subscriptoribus, quin imposuerit non dubito. At postquam illa cum muliere, primò ancilla, deinde nupta, occultari

cultari diutius consuetudo istius nefaria non potuit, factus iterum reus, cum honestam rationem defendendi sui nullam inveniret, & manifestis in rebus teneretur, fractus jam animo, atque id maximè veritus, si judicium fieret, nequid in se gravius consuleretur, quo ipso die pronuncianda de se sententia Presbyterorum, deinde Magistratum erat, judicium declinat, licentiam abeundi petit. Illi necessitatem hanc rati se hoc modo effugisse, quam impositam sibi minimè volebant, ut Ecclesiæ Ministrum tantorum scelerum damnare, & in homine Ecclesiastico tam triste exemplum statuere cogerentur, libenter assensere. Petit insuper literas impudentissimus homo commendatitias. Id verò postulare ab iudicibus suis reum indignè ferentes, prorsus recusant: ita bonus ille tabellarius permanere sine literis illa in urbe, omni munere exutus, circiter decem menses coactus est: Ete-
 sus credo sacrificans, ut aliquam saltem
 auram

auram commendatitiam impetrare aliquò posset: Donec multi gravissimi viri ne moram quidem ejus illa in urbe ferendam rati, rursus rem adducere in judicium coeperunt. Id autem cum ad novas lites, & ut supra dixi, offensionem infirmorum spectare videretur, consultius tandem visum est, quoquo modo hominem ablegare: rursus itaque dant literas; *non frigidulas*, quod antea dixisse me queritur, sed, quod nunc dico, frigidissimas; non ut commendare cuicumque mortaliū, sed amandare ab se hominem planè viderentur. Hoc si ita non est, More, postulo mihi respondeas, cur superiores illas Genevensium literas, haud uno nomine jam obsolescentes, quæque recentiora facinora tua à me tibi potissimum objecta, ne attingunt quidem; quæ ego vix attigi, ut minùs mihi comperta, *blasphemias* nempe *tuas in Spiritum sanctum*, aliæque opionum monstra uberius commemorant, cur & illas in quibus parùm sibi

de

de te credi à plerisque subscriptores tui queruntur, cur, inquam, illas utraque in medium protuleris, has novissimas de medio removeris? Cedo proximas hasce literas post alteram in te accusationem illam gravissimam ab aliis ægerrimè, ab aliis facilè, sed eodem tui removendi animo ab omnibus concessas. Sapiens opinor, non exhibebis; non delectant te istæ literæ: ex quibus mutatam de te Genevensium opinionem, refrigerata amicissimorum studia manifestò perspicere possimus; eosque his literis non te laudatum, sed ab se, dummodo longissimè remotum, qualvis in terras exportatum cupiisse. Hæc Mori fides publica est; quæ se in Ecclesiam credere, quàm in spiritum Sanctum planius facit. Quæ reliqua à me dicta in eum sunt neque diluit, neque refellit, ne oppugnat quidem. Sed quoniam, Vlacco fidejussore, totum insuper alterum fidei publicæ promittit, in quo *virorum aliquot insignium, Senatusq;*

tusque & Ecclesie Midelburgensis, & Amstelodamensis testimonia dicentur, dum volumen illud, cudendum, puto, in Gallia, excudendum Hagæ Comitum à Vlacco expectamus, aut ne expectamus quidem, visum est de toto hoc genere testimoniorum pauca differere.

Magnum ego ornamentum quidem virtutis testimonium publicum esse fateor; argumentum perinde certum atque firmum longè abest ut existimem; nam ut illud omittam quòd virtutis multo difficilior quàm numerorum spectatio est, hoc fanè constat, privatorum privatos mores, & præsertim vitia ad aures gravissimas, tot alioqui negotiis occupatas, rarissimè perferri. Et testimonium publicum tam qui petunt, quàm qui dant, boni juxta malique ferè sunt; & petunt quidem mali sæpiùs quàm boni, falsâ specie proborum induti. Ut quisque optimus est, ita minimè testimonio eget alieno: neque enim facit quicquam

L

quam

quam vir bonus ut noscatur, seipso contentus. Si commendato est opus, virtutem semper apud se habet commendatricem optimam; si defenso, obrectationibus nimirum & calumniis haud rarò appetitus, eandem circumdat sibi integritatem suam, & invictam rectè factorum conscientiam; quo veluti munimento atque præsidio firmissimo, improborum hominum & impetus vanos excipit, & tela frustratur. Contrà hic noster omnia: non enim virtutem, sed opinionem duntaxat ejus integumentum vitiorum, sibi comparaverat: ut reiectus, ut deprehensus, abscondere diutius improbitatem suam non potest, exors ipse fidei & naufragus ad alienam fidem se confert: quorum oculis antea servierat, eorum nunc manus commendatitias implorat, & singulari quadam atque inaudita hactenus impudentiâ, quorum judicium experiri non audet, eorum postulat testimonium. Propterea quòd meamet ipsius sententia
damnatus

damnatus turpissimè discedo, quòd sententias vestras horreo atque defugio, *litteras* quæso date innocentiaë, pietatis, pudicitiaë apud vos meæ *testimoniales*. Si hæsitatur, si ambigitur, si ab aliis denique reclamatur indignitate rei vehementissimè commotis, quò non demittit se? quò non descendit? circumcursare, ambire, prensare, obtestari, & quò adire non audet, eò amicorum allegationes dimittere. Aguntur fortunæ hominis, agitur caput, existimatio, immò Ecclesiæ totius & sacri ordinis existimatio agitur. Expugnantur multi, partim fatigati, partim inducti, partim veriti nequid istius ignominiaë in publicum redundaret, partim delictis ignoscere, literato parcere, laboranti consulere suæ bonitatis esse arbitrati. Ita tandem victor iste laureatas *litteras* aufert; ita emendicata quovis tempore vel occasione; non jam testimonia de se publica, quæ si fuissent ipse abolevit, sed sua de publico reportata spolia ad coronam venditat;

nec tam laudes videtur suas, quam poenitentiam publicam circumferre. Quem enim non poeniteat præconem sese laudum ejus fuisse, qui ad omnes postea libidines tam turpem sui auctionem fecerit: nunc ejusdem sese mangonem fieri, qui servus omnium nequissimus ministrum se licitanti cuivis Ecclesiæ ex hac laudum catasta vendibiliorē, & sacrarum literarum miseris emptoribus venalem se pretii quantivis professorem proficitur. Nam viderint per Deum immortalem, qui ex istius vel commendatione vel impunitate ignoscentes & bonos haberi se postulant, ne ista bonitas in malum desinat; viderint ne ipsis bonis fraudi sit. Cum necesse sit, serpat latius, serpat ocyus ista contagio pastoris in gregem, Doctoris in scholam; atque in ipsos fortasse bonorum istorum liberos, qui sophistæ huic errabundo & infami in disciplinam traduntur. Viderint ne tot pigmentis illita atque ornata turpitudine, tanta bonarum laudum

laudum jactura atque dispendio dealbata labes, spem faciat & aliis, eamque mentem injiciat, posse se quoque tutissimo hoc exemplo, eandem scholis, eandem Ecclesiis inferre personam, sine suo periculo cum summa etiam commendatione improbissimam. Cogitent, qui celari adversarios nostras maculas putant oportere, non celando sed eluendo maculas purgari: celando apparere multo manifestius, & majorem indies fœditatem contrahere. Postremò viderint, ne Ecclesiastas hujusmodi amovere ab Ecclesia tamdiu negligant, donec ipsa Ecclesia cum Ecclesiastis unà amoveatur. Sanè cùm Apostoli præceptum de Episcopo notissimum sit, eum ab extraneis etiam bonum habere testimonium oportere, quid adversariis lætius aut triumphandum magis potest accidere, quàm cùm legerint atque audierint, qui non levi atque incertâ, sed constante famâ, summæque consentiente, multis testibus, multis in locis flagitiosus atque nefarius

rius compertus sit, eum quasi Ecclesiae
lumen unicum & ornamentum colla-
titiis Presbyterorum laudibus, & mul-
tiplici commendatione publicâ deco-
rari. Quod hostibus nostris gaudium
ne diuturnum sit, provideri non aliâ
ratione potest, nisi siquis poterit ex-
emplo, réque ipsâ demonstrare nul-
lum esse pestibus hujusmodi in Eccle-
sia reformatâ consistendi locum: hæc
testimonia, has laudes tum olim datas,
cùm is, cui dabantur longè alius affe-
ctaret videri, atque esse nunc perspici-
tur, ipsum nunc irritas & nequaquam
suas usurpassè sibi fraude pessimâ; &
amicorum de se elogia suo ipsius vitio
abrogata, non ad vilissimas merces in-
volvendas, quo fato mala scripta solent
ferè perire, sed ad foedissimas flagiti-
orum ipsius sordes integendas, pro in-
volucris abusum esse. Ego certè in
priori illa defensione, & publicè jussus
& privatim læsus, nisi siquam dicendo
peperissem mihi honestam existimati-
onem, eam silendo amittere, & quasi
vacuam

vacuam possessore, occupandam mendaciis & opprimendam relinquere maluissem, & patriæ, & mihi simul, cum una eademque causa esset, communem operam summo studio impendi. Nunc accusatus graviter ab eodem quasi immeritum & innoxium hominem per calumnias & mendacia infamasse, ut impudentiam illius redarguerem, innocentiam tuerer meam, & siquid vel antea jam dixi commodè, vel in posterum quod ex usu sit dicturus sum, si non doctrinæ & ingenii laudem, famam saltem integram, & colendæ veritatis fidem afferre possem, ad contentionem hanc per se minimè gratam, sed necessariam tamen, denuo descendi. Neque verò est, si hæc non essent, cur hujus operæ aut poenitere me, aut pigere quenquam alium, nisi conscius sibi met, debeat. Sanè improbos vituperare, & bonos laudare, quandoquidem hoc præmii nobilissimi, illud poenæ gravissimæ rationem habet, & æquè justum & justitiæ

propè summa est: quin & ad vitam
benè instituendam par ferè momen-
tum utriusque cernimus. Ita denique
cognatæ inter se hæ duæ res sunt, unò-
que & eodem opere absolvuntur, ut
improborum vituperatio, proborum
dici laudatio quodammodo possit.
Verùm ut jus & ratio atque usus utro-
bique par sit, non itidem est par gra-
tia: nam qui alterum vituperat, du-
arum is uno tempore gravissimarum
rerum onus atque invidiam sustinet,
& accusandi alterum, & de se benè
sentiendi. Itaque laudant faciliè nunc
boni, nunc mali dignos juxta atque
indignos; accusare nemo liberè atque
intrepidè, nisi solus integer, vel audet
vel potest. Nos qui adolescentes tot
sub magistris exudare in umbra elo-
quentiam solemus, vimque ejus de-
monstrativam in vituperatione haud
minùs, quàm in laude arbitramur esse
positam, tyrannorum antiqua nomina
fortiter sanè ad pluteum concidimus.
Et Mezentium, si fors ferat, putidis
rursum

rursum antithetis enecamus; aut Agri-
gentinum Phalarim tristrentyme-
matum mugitu, quàm in suo tauro,
exquisitiùs torremus. In xysto ni-
mirum aut in palæstrâ: nam in Re-
publica plerumque tales adoramus
potiùs & colimus, & potentissimos
& maximos & augustissimos appel-
lamus. Atqui oportuit aut non in lu-
dicro primam ferè ætatem umbratiles
consumpsisse, aut aliquando cùm pa-
triæ, cùm Reipublicæ est opus, relictis
rudibus, in solem ac pulverem atque
aciem audere; aliquando veros lacer-
tos contendere, vera arma vibrare,
verum hostem petere. Parte aliâ
Suffenos & Sophistas; aliâ Pharisæ-
os & Simones & Hymenæos & A-
lexandros, veteres quidem illos, mul-
to mucrone insectamur: hodiernos
& in Ecclesia redivivos collatis elo-
giis laudamus, professionibus & sti-
pendiis & cathedris, incomparabiles
videlicet & doctissimos & sanctissimos
viros, ornamus. Ad censuram si fortè
ventum

ventum est, sicui fortè persona & speciosa pellis detrahitur, si turpis introrsum, immò verò si palam atque apertè facinorosus arguitur, sunt qui hunc malint, nesciò quo studio, quòve metu adducti, testimoniis publicè defensum, quàm animadversione debita notatum. Mea ab his fateor, quod aliquoties res ipsa jam docuit, satis longè disjuncta ratio est : ut siquid adolescens in illo otio literarum vel præceptis doctorum vel meis lucubrationibus profeci, id omne ad usum vitæ generisq; humani, siquid tam latè possem, pro infirma parte mea conferrem. Quod si etiam ex privatis nōnunquam inimicitiis delicta publica animadverti & sæpè corrigi solent, & adversariū nunc non modò meum, sed penè omnium communem, hominem netarium, reformatæ religionis & sacri maximè ordinis opprobrium, literatorum labem, juventutis perniciosissimum præceptorem, immundum in sacris Ecclesiasten, impulsus omnibus
causis

causis. justissimâ vituperatione prosequutus sum, eo necne cum fructu, quo oporteat, viderint illi, quorum potissimum interest exemplum in isto edere, me quidem spero (cur enim diffidam?) rem neque Deo ingratam, neque Ecclesiæ insalubrem, neque Reipublicæ inutilem præstitisse.

Joannis

Joannis Miltoni Angli

A D

Alexandri Mori
SUPPLEMENTUM
RESPONSIO.

HAnc ego Defensionem meam
 cum ante duos menses haec-
 nus parassem, ne consumptum
 fortè biennium alterum in se profligando clamitet Morus, tanto cum desiderio Supplementum illud Fidei publicæ contra me promissum expectabam, ut nihil mihi longius videretur. Didiceram enim ex Vlacco perorante, recessisse quidem in Galliam Morum, non tamen quiescere: sed vel diffusum viribus Genevensium attritis, vel quòd manu tam exigua vix satis sibi instructus ad decernendum uno prælio videretur, novum contra me exercitum, & quod mirandum sit,
 Medi-

Medioburgicorum & Amsterodamen-
 sium in Gallia conscribere: Consules
 etiam & Scabinos magna cum manu
 signisque infestis adventare. Serò tan-
 dem erepsere novæ copiæ; sine qui-
 bus prima acies, opinor, labare atque
 dehiscere videbatur. Sed cur tam serò,
 cur ab extemporalis homine tam tardè
 advenerint siquis miratur, erant scilicet
 literæ quædam mortuorum longo situ
 eruendæ; erant quoque subsidia hæc
 consularia tam gravis armaturæ, mirâ
 itinerum ratione *ex Gallia*, teste Vlac-
 co, *transmittenda*: Quid si etiam ibi-
 dem conficienda? quibus cum ipse
 Vlaccus, homo æquissimus, ut habe-
 atur fides non postulet, sed quod æ-
 quum & iustum cuique videbitur, id ut
 iudicetur, sic omnino faciamus. *Suf-*
ficit Vlacco, Supplementi hujus colle-
 ctitii Legato, Lectorum *curiositati*, non
 incredulitati *satisfecisse*: nempe fidei
 publicæ, ex Gallia in Hollandiam, quasi
 postliminio quodam reversæ, fidem de-
 fore uniuscujusque privatam, haud ab

re

re sanè suspicabatur. Primùm hoc velim unicuique in mentem veniat, quod suprà demonstratum est, publica testimonia quâ ambitione ferè comparentur; in re privata quid valeant; quàm sæpe hallucinentur: me deinde non ficta crimina in Morum, non ignota, non obscura, sed vera, sed jam vulgata atque testata, in foro denique & judicio agitata haud semel, atque versata protulisse. Non igitur calumniatores nos, non testes in se, sed suos esse judices intelligat Morus: id jure æquissimo; quoniam ipse in nos prior has partes sibi sumpsit; nos ipse prior judicavit; suam in nos sententiam iniquissimam edidit. Prolatis autem utrinque testimoniis cur secundùm eos meritò pronuntiemus, qui Morum gravissimè accusant, in causa est cùm ipsius comperta in nos audacia atque improbitas singularis, tum ipsius testimonii quamvis *publica*, tamen ambigua fides; quæ consuetis atque tristissimis laudandi formulis prosequitur.

Morum;

Morum, objecta illi crimina ab accusatoribus tam multis non diluit. Quid enim affert vel hoc supplementum, More, quod ad rem pertineat? Accusabant te Genevæ gravissimi viri Theodorus Troncinus pastor & Theologiæ professor, duo alii pastores Mermilliodus & Pittetus multis opinor testibus adductis; accusabant multorum criminum, & commissi præsertim in horto quodam probri turpissimi. Tu hîc contrâ literas producis Deodati senis; qui venire in conventum jamdiu desierat; nec quid ibi gereretur, nisi ex te tuisque fautoribus audire consueverat: Literas deinde Sartorii, ne non falsasse omni ex parte causam tuam viderere; tum Gothofridi Jurisconsulti, ne non satis cavisse; has omnes literas jam ante scriptas, quàm hæc tua flagitia vel ad Ecclesiam delata, vel amicis, ut solet, omnium ultimis, credibilia essent. Quæ igitur à me tibi objiciuntur, horum nihil negant. Fac autem disertis verbis negasse: hæud quaquam

160. *Joannis Miltoni Angli*

quam tamen istorum negatio affirmatione potior tot hominum probissimorum erit, quorum præsertim testium vim ac veritatem cum sustinere non posses, petitâ subito abeundi licentiâ, non absolutus judicio, sed elapsus, evasisti. Literis deinde Genevensium non sine multorum gravi intercessione atque etiam indignatione, ut supra dixi, concessis, tu quasi Rheno amne lustratus, (quo *devectum te in Belgium* ais) & noxâ omni ablutus, utcunque commendatus, mirum non erat si, convocatâ illic fortè Synodo Gallo-Belgicâ, tanquam Mercurius quidam novus Gallo-Belgicus, non tu quidem illuminatus, sed combustus, ut fit, in Synodo, ad tempus latuisti. Eas autem literas cum suprâ dixerim fore, ut in medium nullo modo proferres, ne prioribus hîc positis quanto essent frigidiores perspiceremus, lepidè tu quidem *exemplar earum nancisci te non potuisse* causaris. Quod autem dixi ad tempus, non semper latuisse te, id facile

facile constat, primum quod in illa ipsa Synodo *Trajecti* ad Mosam habita quò primum appulisti rumores quosdam *contra doctrinam* tuam & *conversationem* illis in Regionibus jam esse *sparsos*, & suspiciones haud leves de te passim vel novas haberi, vel veteres recruidisse, neque ita te iis absolutum, quin ad alteram postea Synodum novâ rursus commendatione opus tibi fuerit, declarat, quæ sequitur Ecclesiæ Medioburgensæ ad Campensem Synodum Epistola, declarat etiam illius Epistolæ subscriptor primarius Joannes Longus ejusdem Ecclesiæ pastor, qui tuâ tum quidem larvâ inter alios deceptus, perspectis nunc æmum & exploratis moribus tuis, nunquam te nisi maximæ contumeliæ detestationisquæ causâ dicitur nominare. Immò verba ipsa tua declarant quibus fateris post seditionem Midelburgi ortam, in qua amicus quidam tuus potentissimus dignitate excidit, eos qui post eum rerum potiti

M

sunt,

sunt, in te non *æquè propensâ fuisse voluntate*: id tu eorum ignorantia assignatum vis, quibus tu Theologiae professor celeberrimus *non æquè familiariter innotuisses*; cum ad suspectos jam mores tuos revera sit referendum. Quid enim ad te advenam seditio? qui suffragiis omnium publicè accersitus non studiis partium, sed bonâ famâ ac diligentia in isto munere Theologico tueri existimationem tuam notus æquè omnibus debebas. Hic tamen quereris quòd *ejectum* te dixerim *ab Ecclesia illa*. Ego verò non *ejectum* te dixi, sed tantummodo ablegatum; idque non de ipsa ejiciendi vel ablegandi formula, sed de voluntate eorum abs te jam alienata intellectum volui. In hoc non admodum errasse me testis esse potest vir, ut audio, probatissimus, quem suprâ appellavi, Joannes Longus ejusdem Ecclesiae pastor, qui nunc, inquam, longè secus de te sentit & loquitur, atque primò sentit, cum in tuam commendationem

omnium

omnium nomine subscripsit; Testis est vir spectatissimus Joannes Duræus, qui non unam Ecclesiam Midelburgensem ejecisse te, sed universam penè Synodum Gallo-Belgicam ejectum velle scribit. Frustra igitur Synodi Groudensis actum illud subjungis, quod factis recentioribus irritum fecisti; frustra, inquam, actum illud quod apertissimi te mendacii coarguit: etenim illius Synodi auctoritatem idcirco adhibuisse te ais, ut *sciam omnia ritè & solemniter* in Synedrio Midelburgensi de te *acta*: ipsa Synodus non ritè, non solenniter hæc esse acta, sed *nonnullos defectus in modo agendi* notat. Vellem scire illos defectus cujusmodi fuerint, cur tu Midelburgensium testimonia sine nonnullis defectibus in modo agendi auferre non potueris. Illud interea tenendum memoriâ est, quibus cum *defectibus* Genevensium testimonia adeptus sis: quanto reverà cum dedecore, quanto in speciem cum honore

164 *Joannis Miltoni Angli*

illi te dimiserint. Prorsus, quasi id unum sibi reliquum, necessario decrevissent, laudandum te esse atque tollendum. Verum, ut dixi, laudes illas qualescunque *perspecta postmodum & cognita vitæ tuæ turpitudine antiquavit jamdiu atque delevit: ut ad infamiam potius tuam hæc omnia conducere videantur, qui tam præclaram de te olim hominum opinionem, admissis in te postea tot probris, tam foedè fefelleris. Ventum tandem ad Pontiam est; quam sic à me falsò nominatam contendis. Ego verò auctorem Batavum & notissimum illud de te distichon, quo me facilè defendam, recito:

*Galli ex concubitu gravidam te Pontia
Mori,
Quis benè moratam morigeramque
neget?*

Bontiam, fateor, aliud apud me manuscriptum habet. Sed prima utrobique
litera,

litera, quæ sola variat, ejusdem ferè apud vos potestatis est. Alterum ego nomen ut notius, ut elegantius salvo jure Criticorum præposui. Satis de nomine; nunc rem ipsam considerare mus. Quis tam est reus, quis tam omni genere criminationum oblitus, qui, si solus audiatur, causam suam vel Cassianis judicibus probare non queat? Tu quam attulisti hujus rei narrationem, ejusmodi est, ut nemo sit, modò integer atque attentus accedat, quin te, etiam inauditis accusatoribus tuis, vel planè condemnandum, vel suspitione gravissimâ non absolvendum arbitretur. *Uxorem ais Salmasii graviter tibi infensam, & ob eas rationes quas commemorare non vis, nihil intentatum reliquisse, ut te in nassam infauustissimi matrimonii compingeret.* Primùm illud suspiciosissimum est quod celas; illud nempe arcanum quod tibi tam modesto homini & ministro uxorem amici sic inimicam potuit reddere. Mirum deinde inimicitiae genus narras,

166 *Joannis Miltoni Angli*

quo impulsâ uxor amici tui famulam
 sibi dilectissimam nuptum tibi dare
 cupiebat. Nassa autem illud matrimo-
 nium quî potuit dici? nisi tûte eam
 vel sponsione aliquâ tibi induisses, vel
 escam avidè nimis appetisses, atque
 ita meritò infaustissimum, quod stupro
 auspiciatus esses, matrimonium reddi-
 distes. *Nihil, inquis, intentatum re-*
liqui. Quid ergo inter alia tentaverit
 tu ipse nobis divinandum relinquis;
 immò ipse non taces, ipse effutire non
 erubescis; & illud suprâ dictum à
 Crantzio, paulò infra quasi palmarium
 quiddam pro te ex ore Salmasii repe-
 tis; *Siquid in Pontia peccavit Morus,*
ego sum leno, & uxor mea lena. Hanc
 scilicet pulcherrimam fore defensio-
 nem tibi apud omnes amens credidisti;
 si ostendisses lenone Salmasio, ejusque
 uxore lenâ, te non ignobile stuprum
 fecisse; & non nisi dominis perducto-
 ribus ancillam vitasse. *Hoc vulgo in-*
notuit; tu verò palam vehementissi-
 meq; reluctari. *Euge corculum pu-*
 doris,

doris, deliciæ castitatis ! Tûne reluctari verò ? virginali, ut videtur, verecundiâ homo nafsâ muliebri indutus. Nam piscis, nisi captus, non reluctatur : illa profectò mulier nisi thunnum te perspexisset, nisi facilem, nisi opportunum, nisi obnoxium ancillæ suæ deprehendisset, nunquam tibi istos laqueos ita elimasset, nunquam tibi Vulcanios illos casses tua Juno tam facilè adaptasset; nunquam in virum gravem, Ecclesiastem, doctum, celebrem, qui mariti domum inter amicissimos frequentasset, nunquam nisi in mulierosum & notæ incontinentiæ hominem tale quicquam moliri aut tentare ausa esset. At, inquis, *cum factione quadam se conjunxit, quæ qualis fuerit, aperire tibi nolo.* Ergo hoc etiam non minùs suspitiosum nobis relinquis, quòd tuâ multùm interfuit aperuisse, quæ ista factio, quo in loco te tot Ecclesiarum, tot Synodorum, tot Magistratum testimoniis ac sigillis loriatum hominem & cataphractum tam

acriter oppugnarit. Si ob vitæ sanctimoniam, concionandi assiduitatem, professoriæ facultatis præstantiam te odio habuisset, nihil æquè tibi laudi ac defensionis esse potuit: nunc cum in re omnium potissimum explicanda tectus atque astutus esse malueris, credendum est non factionem, sed benè magnum bonorum virorum numerum, ob impuros mores tuos, vitamque offensam meritò te odisse. Deinde, si Midelburgi, si Amsterodami, ubi tanto in pretio atque honore apud omnes fuisse te prædicas, tam numerosa te factio adorta est, claudicare tua fides publica videtur; eosque demum esse factionem qui te tantopere laudarunt. Sin Hagæ aut Lugduni primùm ista factio in te tam acriter est concitata, nihil profectò obstat quò minùs appareat deseruisse te tandiu & Pastoris & Professoris munus utrobique sacrū, ut Hagæ libellos famosos, ministerium tui Evangelii ministrare; Lugduni Pontiam ancillam, id est

Nassam

Nassam ipse tuam sectarere; tuosque illos, post diurnum sæpe discessum, tot nocturnos ad eam vicina ex urbe reditus, tot cum ea furtivos, inscientibus dominis, congressus vicinitati notissimos, tantum in te odium plurimorum commovisse. Hos tu *admissarios* uxoris Salmasii vocas; & ignominiam defuncti amici tui matronæ, ejusque propinquis non ferendam inuris. Hæc scilicet cum *Ruffino* & factione illâ, *horrenda criminationum tonitrua displo-*
st, & totum insanis clamoribus Bel-
gium implevit. I nunc, & à me conficta hæc esse claudita; dic meas has esse calumnias; quas ego non calumnias, sed criminationes ab universo penè Belgio, te confitente, accepi. Has ego tacerem? his non crederem? próque tua in nos nostramque Rempubl. injuriâ, scelere, audaciâ veras esse non judicarem? quam tu factionem, eam ego probissimorum hominum multitudinem, testimonium, judicium esse non arbitrer? Hoccine divinâ
ani-

animadversione factum non putem, ut dum aliis famosos libellos tam diligenter adornares, famosus ipse passim libellus fieres? Tu verò cum *existimationem* tuam *habere*, ut ais, *ad metas* videres, & *linguis omnium vapulares*, haud insolito audicissimi cujusque consilio, potentiorum studiis fretus, quos affectatis concionibus, & Corinthii æris tinnitu illo tibi fortè conciliaveras, *prior Pontiam in jus vocas*. Contrà Salmasius, non insaniam, ut tu appellas, sed *causam se uxoris destituere non posse* per amicos tibi denuntiat. Quod eum fuisse facturum nisi justam quoque causam credidisset, tibi verisimile esse non debet. Tu, *non sine consilio summorum & sapientissimorum totius Belgii capitum*, quorum nimirum patrocinium vel adulando, vel suppliciter ambiendo ad omnes nequitiarum tuarum eventus tibi comparaveras, *litem in suprema Hollandia curia prosequeris*. Quo in loco potentiam quorundam, ut dixi, non

non innocentiam tuam præsidio tibi
 maximo fuisse, si vel te ipsum audia-
 mus causam hinc tuam quanto potes
 cum artificio & cautione dicentem,
 obscurum non est. *Desperabant* ad-
 versarii fore se illa in curia superiores:
 tuam afflictuos se esse famam non
 desperabant. Quid ita? quia pauco-
 rum vim atque opes in foro dominari,
 cæteros pænè omnes favere sibi vide-
 bant. At verò non tuam, sed suam ipsi
 famam accusatores tui afflixissent, si tu
 æquo judicio superior ipsorum opini-
 one futurus videbaris. *Omnes, inquis,*
omni ope me unum oppugnabant; non
desuisse tamen amicos tibi agnosco:
 paucos igitur & potentes fuisse illos
 necesse est: id quod etiam *miratos &*
conquestos esse inimicos tuos usque eò
 non diffiteris, ut ne noceret tibi ista
 gratia tam aperta ac manifesta veritus,
 haud semel subirasce te simules amicis
 tuis, cùmque iis expostulare, quasi
 parùm prudenter tibi & non satis cau-
 tè favissent. Itaque *suprema capita,*
que

172 *Joannis Miltoni Angli*

quæ tibi suum in hac causa præsidium obtulere, enixè rogasti, siquid valeres gratiâ, ne quid eorum autoritas de victoria innocentia tua delibaret. Illius Judicii exitus qui demum fuerit, non dicis; Adversarii certè, tantum abfuit ut jure aut æquitate victos se esse arbitrentur, ut quos tu reos modò feceras, hi nunc petitores ad Synodum provocarent; & quod obtinere à magnatibus jus suum non poterant, id impetrare per Ecclesiam facillè se posse sperarent. Verùm & in illa Synodo nimis multum valuisse gratiam gratis, ut aiunt, id est nullis omnino meritis tuis datam, etiam ex iis, quæ pergis ipse narrare, satis constat. Adsunt Delegati Lugdunenses; saccum producunt oppletum fœdissimis criminationibus: satis amplum, opinor, si tua omnia flagitia contineret, ut induendo etiam tibi, si egisses fortè poenitentiam, sufficere potuerit. Urgent Delegati, ut prælegerentur omnia, quæ secum sacco illo gerebantur: vel ut latiniùs dixisses,

ses, portabantur in sacco; à te enim puto, gerebantur in sindone. Sed Synodi pars magna *reluctari, famosos esse libellos.* Animadvertite quæso novam ac singularem judicum æquitatem atque prudentiam; qui criminationes cum testimoniis in judicium allatas, neque dum perlectas, tanquam famosos libellos, rejiciendas esse contendunt. Horum vicit sententia: excurrit confestim unus eorum, gratulatus Moro, & *bonum factum, inquit; nihil contra te legetur.* En iterum severos judices! quorum sententia in Mori gratiam sic manifestò lata est, ut unus eorum pati non posset quin ex ipso judicio de sella profiliret, gratulatum reo. Puduit Morum ipsum tam dissolutæ sententiæ: perturbari denuò se simulat, & ægrè ferre, non perlegi illa volumina criminum suorum. Objurgatus itaque bonus ille Judex & acriter ab ipso reo increpitus, redit in coetum; cæterisque facile persuadet, ut mutatâ priorē sententiâ statu-

statueretur, omnia legenda esse. At verò, quæ isti Judices primùm legenda non esse, ad arbitrium deinde Rei, conversis eâdem horâ sententiis, legenda esse decreverant, de iis tandem perfectis quàm non attentè, quàm non severè, quàm denique in reum propensè judicaverint, intellectu difficile non est. Consurgunt iudices; reum frèquentes adeunt; *amplectuntur*; & cui palam modò gratificari, ei nunc apertè gratulari non dubitant. Quanquam ego in hoc toto iudicio non tam Mori, quàm ejus personæ atque ordinis habitam esse rationem crediderim. Synodi præsides ipse Riverius complexus te, *nunquam Æthiops, inquit, ita dealbatus est, quemadmodum hodie tu fuisti.* Tunc verò adeò obesâ nare homo es, ut irrisum te potius, quàm absolutum hoc proverbio non sentias? Riverius cum Æthiopem te lavando & operam & laticem frustra perdidisset, dealbavit. Tu jam salve nobis Æthiops, aut, si mavis, paries

paries dealbate; quandoquidem quo Paulus Ananiam, eodem te Synodi præses titulo decoravit. Nunc ipsum decretum Synodi perpendamus. *Lectis chartis iis quæ allatæ fuerant à Delegatis Lugdunensibus circa litem illam quæ in suprema Hollandiæ curia mutilabatur, nihil in iis repertum est, quod valeret adimenda Ecclesiis libertati, quâ Morum ad sacras conciones habendas cum occasio se dabat, invitare solebant.* Hæc, etiamsi tuâ solâ fide accipiamus, quàm obscura, quàm tepida, quàm ægrè absolvant reum, aut ne absolvant quidem, quis non videt? qui te olim maximis cumulare laudibus solebant, nunc multis criminibus insinulatum; ne uno quidem verbo tenuissimo purum aut infontem pronuntiant. Non commendant te Ecclesiis; libertatem tantummodo iis non adimunt, quâ te, non ad Pastoris assiduum munus, sed cùm occasio se dabat, ad concionandum fortuito invitare solebant. Ista autem occasio si se nunquam

quam daret, id sibi displicere aut detrimenti quicquam inde capturam esse Ecclesiam, haudquaquam ostendunt. Tibi interim pro ara pulpitum est; illa in aula te jactas buccâ notissimâ; & quò turpior domi, eò clamosior in coetu es: quicquid in occulto, quicquid in *sacco* illo peccas, hîc tua cymbala, tua æra concrepare strenuè non desinis; & tuum illud rostrum nusquam impudentius, quàm in rostris offers. *I nunc*, inquis, & *stupra* & *spûrios tibi finge*. Immò, ito tu, inquam, & *stupra* tua si audes vel uno verbo disertè nega: id quod toto hoc libro facere non es ausus. *Consulantur acta publica*; immò consulantur acta privata, acta furtiva, acta nocturna tua, quæ vulgatissima istis regionibus jamdiu innotuere. Unde spurii si non extiterint, non continuò tu castus, sed eò fortassè nequior fuisti. Hactenus quæ tu testimonia attulisti aut malè parta, aut jam exoletâ, id est aliquanto priùs data, quàm patefacta ea fuerint facinora

facinora quæ à me tibi potissimum ob-
jiciuntur, ostendi. Quibus testimoniis
si ab innumeris passim viris bonis quos
nunquam nominatim læseras non est
creditum, id quod ipsi Subscriptores
tui queruntur, de me nostrisque ho-
minibus, quos injuriis maximis ultro
irritasti, si non credamus, non est me-
ritò quod queri quisquam possit. Po-
stremas omnium literas Amsteroda-
mensium Consulum & Rectorum,
nescio cujus operâ, quove pacto com-
paratas, ex Gallia transmittis: neque
ad tempus omni ex parte satis accom-
modatas, & ad rem certè minimè ap-
positas. Ego quæ tu ipse flagitiosa fe-
ceris, coarguo; tu quid magistratus in
te non fecerit hoc testimonio duntaxat
ostendis. Scripsi equidem, & quod
tum palam testatus sum, non pro cer-
tissimo, sed ut nuper audiveram, idque
etiam per literas fide dignas, Magi-
stratum Amsterodamensem tibi pul-
pitum interdixisse. Tu literas fateris
per omnes gentes contra te ab adver-

N

sariis.

saris tuis misistat. Et eos adversarios nunc scribis esse tuos; ego & bonos viros esse eos acceperam, & te adversarium sciebam esse meum. Ex ipsis quæro Magistratibus Amsterodamensium, num istiusmodi quippiam allatum ad se de adversario non tantum suo, sed civitatis etiam suæ, silentio prætermittendum censuissent? Hoc igitur si verum non sit, est quoque levissimum; de quo & ego minimè laborare, & tu minimè exultare debeas. Nunquid est aliud quod testentur tibi hæc literæ? est aliud. Te ex quo tempore apud se in publico manere versatus es, nihil admisisse quod justum prædictis calumniis locum dare potuerit. Quid si antè admiseris, quam ad eos venisti? Nam quibus Consulibus admissa abs te quæque fuerint, cujus in scabinatum pruritiones tuæ inciderint, si ex ratione fastorum non habeo dicere, id non dices, arbitror, ita magni referre. Quid, inquam, si antè admiseris? quod ego
quidem

quidem pro certo habeo. Tum sanè
& hoc quoque testimonium, ancile
tum, haud multò plus ponderis, quàm
alterius cuiusquam habuerit; ut, quod
de iis, quæ auditione tantum acceperat
ab aliis, testificetur. Quod autem ad-
jungitur *te extra culpam notatumve fa-*
isse, id adeò liquidò non ita se habet, ut
etiam reliqua in dubium vocare vide-
atur. Non alium igitur atque te ipsum
tuis Consulibus opponam; qui te cul-
patum, notatum, vexatum, linguis om-
nium toto Belgio vapulasse, haud se-
mel, pluribùsque verbis confessus es.
Commodum itaque interserunt, *ut ad*
nos relatum est. A quibus autem? nam
& ad nos longè alia & à plurimis re-
lata sunt: utrorum qui hæc tam variè
referunt, anteponenda fides sit, ipsi
nostram æquè ac suam existimationem
esse sciunt. At verò non ad se omnia
quàmvis consules, relata esse ut doce-
am, respondeant mihi rogo libellus iste
in nos famosus, à Moro editus, relatus-
ne ad se fuerit? quem libellum edi-
disse

180 *Joannis Miltoni Angli*

disse in nostram Rempubl non mini-
stri erat Evangelici, sed ardeli nis, &
calumniatoris, & nebulonis maledicen-
tissimi. Si negint de hoc libello quic-
quam sibi perlatum, posse & multa
alia etiam improbissima non per erri
ad se de hoc Moro velim existiment.
Sin fateantur allatum sibi esse illius li-
bri editorem fuisse Morum, suum ta-
men illi testimonium tanquam homi-
ni reverendo, probo, incu'pato perhibu-
erint, sciant nos istiusmodi testimo-
nium etiam Consulum & Scabinorum
tanquam levissimum, & nullius planè
authoritatis repudiare. Horum, in-
quis, Rectorum *gravitatem, fidem,*
autoritatem si noffes, sexcentis mille-
norum Miltonorum libellis retundendis
parem agnosceres. Ego ve ò, mi ho-
mo, id nescio an ita facile agnoscerem;
quandoquidem & id nescio, *dict' dicit,*
an *rectoribus*, virtute an censu magistra-
tum illum in civitate sua obtineant.
Neque me latet Consules Prætores,
illustriora longè quàm nunc iunt no-
mina,

mina etiam verrem, reorum omnium
Romæ perditissimum, studiosè defen-
disse, cum provincia tota, vique boni
universi gravissimè accusarent. Hoc
summa fidei tuæ publicæ propug-
naculum, ea tamenque b. sis & firmamen-
tum maximum, quàm nullo tamen
negotio labefactetur & corruat, vires.
Sequitur Ecclesiæ Amsterodamensis
Gallo-Belgiæ testimonium, subscri-
ptore in primis Hottono, Mori intimo,
& quod suprà demonstravimus, Regii
Clamoris conscio: Valde nobis pro-
batum sit necess. est hujusmodi testi-
monium cuius subscrip. ionis princeps
est Hottonus. Sed tamen quid afferat,
vi eamus. *Tantum abesse, ait, ut eorum
criminum eum reum esse sciamus aut
agnoscamus quorum à quodam Millone
Anglo accusatur.* — Huus fidei vis
maxima, ut video, in ignorantæ pro-
fessione posita est. Quid hoc testimo-
nio faciamus? quid hac fide? quæ suâ
se potissimum ignorantia commendat.
Reum esse nescimus, non agnoscimus:

hoc quis præterea toto propemodum Belgio ignorat, quæ illi præcipuè crimina objicio; eorum ipsum in utroque foro, non reum modò diuturnum fuisse, sed plurimorum judicio damnatissimum; nec nisi potentium quorundam studiis, utque sacro potius ordini quàm ipsi consuleretur fuisse absolutum. Tantum abest ut reum esse sciamus, *ut contra potius ab illo aliquoties conciones sacras rogaverimus.* Contenti nempe hoc forensi judicio, ubi gratia plus justo potuit; & suidente præsertim Horrono, quoties ipse respirare & suis parcere lateribus decrevisset. Verùm hoc quid efficit? aut quis est nescius multos in concionibus satis esse placitos, satis suaves ac tinnulos, qui in omni vita reliqua offensionem maximæ fuerint? Etenim qui suis libidinibus explendis dat operam, quid obstat quo minus idem titillandis alienis auribus còmodè servire possit. Quod reliquum est, index potius operis, quàm testimonium dici me-

meretur: quando enim aliud quod dicat non habet, *satis superque testantur* inquit, *de ipso aliarum Ecclesiarum in quibus vixit diutius: quam apud nos publica documenta ad quæ nos iis consentiendo referimus.* Quæ vox detrectantium penè, & libenter hoc negotio expedire se cupientium prorsus videtur; facitque ut non immeritò suspicemur, testimonium hoc, tametsi planè friget, non sine sudore tamen Mori, allaborante etiam Hortono, multis repugnantibus, impetratum ægrè fuisse. Epilogi loco est *Curatorum schola* testimonium. Verùm in schola quid tu declamites, quid recites, aut quemadmodum te geras, neque tanti esse reor ut cognoscere curemus, neque ad hanc causam pertinet. Vitam & mores tuos excutimus: quos cum isti vix attingere, & ad literas superiores malle nos remittere videantur, quod ad eorum testimonium infirmandum satis sit, superiùs quoque dictum putemus. Ad finem aliquan-

184 *Joannis Miltoni Angli*

do pervenimus tuæ Fidei publicæ;
 quæ ex Gallico ferè sermone in Gal-
 lico-latinum *tralatitia* inanissimi libri
 maximam partem occupat. Copias
 jam omnes tuas cum supplemento
 etiam lustravimus : peramplas qui-
 dem eas, sed ad pompam sanè potius,
 quàm ad verum robur comparatas.
 Hæ sunt plumæ tuæ, sub quibus cor-
 niculam latitare te dixi. Hæc vestis
 illa multicolor quâ Morum revera, id
 est morionem te induisti : his tu pha-
 leris ne populum quidem fefelleris :
 túque si sapuisses, aut ullo rerum usu
 præditus fuisses, nullius fore usus tibi
 hæc omnia, quod ad tuam attinet cau-
 sam, faciè intellixisses. Potest fortasse
 quispiam, cujus nomen alioqui nun-
 quam audissemus, tam sui venditandi
 causâ quàm tui, phalerata verba tibi
 dedisse : potest aliorum pudor & bo-
 nitas flagitanti ac sudanti, & agi jam
 tuam existimationem miserè querenti,
 hoc tantulum non denegasse. Potes tu
 per interpretes Hottonos multa con-
 fecisse :

fecisse: & tamen post hæc omnia scito te nihil quod ad rem pertineat in medium protulisse. Quid juverit, quæso, vel in foro testimonia generatim dicta, quid elogia de tuis *dotibus*, quid incertas blandientium amicorum laudes proferre, si ego te certorum criminum accuso? Accusarunt te adulterii Genevæ olim viri graves; tempus, locum, adulteram nominarunt: multorum præterea criminum te detulerunt. Quid si istam faraginem pro testimonio Judicibus tum tuis ostendisses? accepturóne putas fuisse eos, réque absolvendum istis criminibus fuisse continuo judicatuos? immò verò jussissent te, ablatis hisce nugis, appositè respondere; ullámne cum ista focmina rem, rationémve habueris; illo in horto eámne conveneris; illo in tugurio, clausis foribus, solúsne cum sola fueris. Hæc & hujusmodi multa ex te requisissent; ad quæ singula, neque in illo tum judicio, quod te jure absolvere vel suspicione posset (judicium enim
illud

illud petitâ abeundi licentiâ commo-
dum prævertisti) neque in hoc libro,
tot alioqui ineptiis refertissimò, quic-
quam respondes. Facis idem prorsus
in causa quoque Pontiana: quid in foro
transactum sit, quantopere tua gratia
ad præjudicium miserræ mulierculæ
post Salmasii obitum valuerit, suspici-
osè admodum ipse narras. De illis no-
cturnis Hagâ Leidam itineribus, de
illis cum Pontia clandestinis atque no-
cturnis congressibus, quanquam hæc
& multò plura hujusmodi omnibus in
ore sunt, nullum verbum facis. Quid
hæc prorsus alienissima nobis obtru-
dis? immò quid omnino hanc tantam
literarum ac testimoniorum congeri-
em tibi ullo tempore comparasti? an
quod tuæmet ipse conscientiæ satis pro-
batus apud te non eras? an quod de te
nec tibi ipsi, nec spontaneis hominum
sermonibus credere audebas, nisi tot
coactis nominibus ac testimoniis tibi-
met confirmatum hoc esset atque te-
statum, id quod alioqui nunquam cre-
didisses,

didisses, te virum bonum aut tolerabilem posse cuiquam videri? An verò tot criminibus accusatus, cum de te homines ubique pessimè loquerentur, commendationibus totidem sanare illa vulnera posse te existimasti? atqui vides quo sæpitis ex mala valetudine ad inanem medicinam, ex novis maleficiis & rumoribus inde natis ad novas perpetuò commendationes recurris, earum auctoritatem eò semper minorem abs te reddi atque indies levio-rem: ægrotare nimirum existimationem tuam & morbosissimam esse, quæ tot purgationibus, tot medicamentis indigeat commendationum quis est quin suspicetur? Sed fortassè longinquas in urbes quemadmodum prædicas, ad Professiones amplissimas persæpè invitatus, hoc te quasi comitatus iter facturum, instruxisti. Optimè: quæro itaq; an proficisci in animo tibi fuerit ad eos homines qui te ignorassent, an qui satis nossent? si ad illos, vanustus profectò homo necesse est tibi fueris,

fueris qui ab illis invitatum iri te unquam credideris, qui te ignorassent: Si ad hos qui te jam satis norant, quid hoc tanto commendationum instrumento ac sarcinâ ad eos opus erat, quibus jam antea cōmendarissimum te esse ex eo pso, quod invitassent, sciebas. Perspicuum igitur est, nullam ob rem aliam, tantum viarum testimoniorum commendatitiam sic te studiosè congestisse & in promptu semper habuisse, nisi vel ad ostentationem quandam circulatoriam, ad quam arte non factum te præcipuè atque natum existimarim, vel impenditis ignominiae metu, quam ex flagitiis non solum patet actis certissimam tibi expectabas. Ut haberes nimirum speciosum aliquid & publicum & foris partum, quod privatae atque domesticae & erumpenti interdum ex latebris opponeres infamiae; utque Procerum atque Doctorum splendidiis testimoniis in quibus consequendis gratia atque ambitio nunc ferè plurimum possunt, contra populi

populi veras voces te communires. Verum ista te spes ut dixi, & frustrata jam est, & frustrabitur; cum quia tuam obte- ere improbitatem atque nequitiam, neque lux ulla neque tenebrae possunt; tum quia hoc ipsum quicquid est inunimenti, quo te ci cum sepsi i, per se satis infirmum atque rimosum est. Id pl- nius adhuc fiet, si testimo- nia hæc tu, quemadmodum per se singuli consideravimus, ita nunc po- strema primis; prima mediis confera- mus; & doctores proceresque tuos inter se paulisper committamus. Ut intelligi tandem possit, quæ fides illius fidei publicæ, illorum testium sit, ubi aut alii ab aliis tam longè dissentiunt, aut plerique tam mult- vel dissimulant vel nesciunt, quæ suâ sponte alii faten- tur. Illud imprimis exemplo sit, quod in iis literis occurrit quæ Genevensis, esse Ecclesiæ dicuntur. *Nihil unque illi, id est Moro, vel ab insensissimis hostibus merito objici queat, quod juste sit reprehensioni obnoxium.* Ego con-
trà

trâ non quæ hostes objiciunt Moro, sed quæ amici ejus, quæ testes ejus & *justa reprehensioni obnoxia* fatentur, & ipsi in eo reprehendunt ex his iisdem testimoniis depromam. Quid enim Deodatus? *Non provocat quidem Morus, sed terribiles unguet habet ad sui tutelam.* Quos unguet? nam istiusmodi quicquam inter Evangelici ministri arma non reperio; & Eloquentiam nolim à viro docto atque humano, tam truci metaphorâ significari: Reliquum est, ut unguet illos, feritatem atque ferociam hominis interpretemur, quos non ad tutelam sui, sed ad injuriam aliorum, in nos certe nimium expeditos atque acres feræ similior quàm pastori exercuit. *Aperiora* haud paulò sunt quæ Georgius Crantzius, Alberti æmulus, ne ab avunculo fortè suo historicâ fide superetur, & quantò ægrior tantò fortasse veracior ultro nobis largitur. *Ego Mori notitiam habui & Geneva & in Belgio; semper magnas inimicitias*
 ex-

*exerçuit cum amulis, quibus ipse locum
sape præbuit nimia libertate loquendi.*
En hoc teste, contra quàm ab altero
dictum modò est, & *ungues habet &
provocat Morus. Ferox atq; fidens, cra-*
brorum irritator infestissimus: Beel-
seubem prope alterum dicas, nisi
quod ille muscas: Laboris alioqui in-
tolerantior, teste etiam laudatore Sal-
masio; cujus & uxorem variis lacerat,
& alia quædam commiserat inconsider-
atione tali homine indignâ. Hæc ab
amicis ac testibus tuis vis ipsa veritatis
expressit; quæ quamvis favore & stu-
dio dicentium in molliorem partem
flectantur, ejusmodi tamen sunt quæ
ingenium tuum palam omnibus faci-
ant, & hujus testimonii totius fidem
infirmare haud mediocriter atque in-
fringere videantur: cujus altera pars
probum, inoffensum, sanctum, omni
labe ac vitio carentem, altera conten-
tiosum, turbulentum, arrogantem,
garrulum, ignavum, injurium, incon-
sideratum denique & stultum nobis
exhibet

exhibet Morum. Sic fuit tua fides publica, id est, nulla: reverteris nunc iterum ad privatam, quæ nullâ minor est. *At vides interea, inquis, quàm non tralatitio me dignentur affectu, quos tu vis mihi furcas comparare.* Immò tu vide, si potes, irâ atque amentia impeditus, quàm vehementer hallucineris, quàm nihil attentè agas. Non ego hoc *de Batavis*, sed Genevensibus intelligi volebam; nec quid hi statuissent, sed quid tu meruisses. *Verba, inquis, tua recognosce, Orestis æmule.* Recognosco, inquam, O restis æmule! Cujus flagitia si pro meritis excepisset Magistratus, jamdudum adulteria patibulo pendens luisses: nimirum Genevæ, ubi adulterii delatus eras; ad alios magistratus cognitio illius facti pertinere non potuit. Quæ sequuntur porrò & luiturus propediem videris, & hæc non iratus tibi ominor, sed duntaxat jus dico, facile demonstrant, non tum prædixisse me quid sis passurus, sed pronuntiasse quid esses meritus,

tus ; idque (cū de nobis ipse prior
 judicasset) pari jure meo fecisse. I
 nunc non conscientiae integritate, non
 justā defensione, sed scelerum impu-
 nitate quod facis effer te & gloriare.
Huic, inquis, fungo, nuper è terra nato
quem aut quos opposui ? Erras More,
 & me non nosti : mihi lentè crescere,
 & velut occulto ævo satius semper fu-
 it. Tu ille fungus qui ex ephebis modò
 Genevam profectus, Græcarum lite-
 rarum professor subitò emeristi ; &
 tot vitis natu grandioribus Ecclesiasticis,
Jureconsultis, Medicis, illa ingenii
tunc primam efflorescentis gratia, ut
 tu satis fungosè nectas, *palمام* præ-
 ripuisti : mox inter fungos, & olera,
 & armamenta olitoria, fungo recens
 tuberante, non tu quidem Claudi-
 um extinxisti, sed Claudiam supi-
 nasti. Nunc conciliare me jubes mea
dicta, si possum, & *fabulas* cum Ma-
 gistratum *dictis* at *jue* *judicii* abs te
 scilicet emendicatis : Ego verò mea
 dicta cum tuis factis facile concilia-

O

vero ;

vero ; de ipsorum dictis atque judiciis ipsi viderint : nos ut non porticibus, ita nec iisdem judiciis fruimur. Tu tecum si potes temetipsum concilia ; qui totum illud Genevense negotium, & gravissimum in te crimen adulterii, quasi fabulam refutatione prorsus indignam prætermisisti ; hinc alteram fabulam de infenso erga te Magistratum animo, summâ curâ, summoque studio refellere conaris. Cur illam quæ vehementissimè ad te pertinet, tam facile prætermittis, hanc quæ te minimè attingit corrogatis tot testibus tantâ mole refutare contendis ? Sanè si ipse tibi met constare vis videri, nosque tuum institutum & respondendi rationem intuemur, qui fabulas confutatione indignas esse censes, aut illud in te verum crimen, aut hoc de te non verum Magistratus iudicium credamus oportebit. At non omni ex parte vituperandus est *Morus* ; habet suas laudes ; magna vitia magnis virtutibus compensat ; facit quod in homine Ec-

clesi-

clesiastico laudatissimum simul & rarissimum est, ut gratis concionetur. *Nullo, inquit, stipendio autoratus gratuitam Ecclesie operam rogatus praesto:* immò verò fortuitam; ex quo videlicet ampliore mercede propositâ, relicto Pastoris munere, sacrarum Historiarum Professor factus es; id est reverà, ex sacrario in scholam ad stipendium uberius emigrasti: tum si cujus rogatu fortè concionaris, hoc tanquam beneficii loco imputas; cùm assiduum Pastoris ministeriū deserueris, ut hanc subcisivam operam desertæ abs te Ecclesie non sine maximo compendio tuo gratis impertire videaris. Tu verò More, si Ecclesiam Medioburgensem, quæ te, ut ais, tam honorificè invitasset, tanto cum fructu audisset, tam ægrè dimisisset, sine gravissima causa reliquisses, & ad alium gregem, idemque munus Pastoris te contulisses, reprehendendum meritò & levitatis arguendum existimarim. Nunc cùm *Atalidis*, ut ipse ais, *conditionibus*, non

Christianis, & *emolumentum fructu* longè uberiore adductus, non de grege in gregem defultorius tantummodo Pastor transferis, sed illo munere longè potiore posthabito, ex Evangelii ministro mutatus in Professore & Historicum, ex ipsis Ecclesiæ adytis ad pomœria regressus sis, non mercenarii solum, sed defectoris propè numero habendum te esse, si habenda veteris & sanctissimæ disciplinæ ulla ratio est, affirmare non vereor. At concionaris tamen: & strenuè quidem, nunquam *maiorum cum fructu* Attalico, ad Pergamenos putà, non tuum ad gregem; quibus si fortè aures vix satis teretes pruriunt, tu, vitio cantorum planè converso, rogatus nunquam desistis: & velut sacerdos Phrygiæ matris nondum exectus, aut Curetum aliquis, moves libenter tua crotala; non ut vagitum quempiam fabulosum, sed ut rumores flagitiorum tuorum plus nimio veraces fanaticâ vociferatione obruas. Hoc tu septenario strepitu & doctrinâ

Et rinâ fortuitâ, ut quivis olim cyclicus aut sophista, si rogatus recitas, desertum Pastoris munus assiduum explere te putas? At concionator est belus & facundus. Ita, credo, ut est orator; cui proverbialia si demas, & insutos versiculorum centones, orationis ipso filo atque contextu nihil inornatius, nihil incompositius, nihil verbosius atque putidius; nihil ubi venustatem, numerum; atque nervos paulò disertiore homine dignos magis requiras. Unum est in quo graviter titubatum à me esse fateor: Græcarum literarum professorem dixi, quem sacrarum Historiarum dixisse debui: enimverò incredibile mihi prorsus, & portento simile videbatur, Historiarum sacrarum eum esse Professore, qui tot profanarum argumentum ipse atque materies esset. Tu verò mihi rectius, More, non Historiarum, sed Calumniarum Professor deinceps nominaberis. Quod ne quis à me secus atque res ipsa se habet dictum arbitretur, mea ipsa verba abs te

198 *Joannis Miltoni Angli*

prolata in medio ponam; tuam deinde horum interpretationem, quam dico esse Calumniam: ut quàm impudenter & malitiosè agas, quod & suprà idque sæpius demonstravi, & hinc qualem te sacrae etiam literae tortorem proculdubio sentiant, prætereire neminem possit. Restat jam tibi sola Græcarum literarum professio: ergo hoc ego *crimini* tibi do, quòd Græcas literas es professus: ergo ego *Græcas literas, earumque professores eogo in ordinem*. Ergo ego *Græcas literas ad ima subsellia relego*. Quis horum quicquam sequi præter te dixerit? ipsa malitia si operam tibi suam locasset, tale quippiam ex meis verbis ullam in partem torquendo exprimere quî tandem potuisset? tu hoc non solum pro verissimo tibi sumis, verùm etiam ut non nasutum minus conjectorem te, quàm navum esse Calumniatorem intelligamus, *cur Græcas, inquis, literas, earumque professores cogas in ordinem, nisi me fallit animus,*
olfeci

olfeci fucum : Nempè Salmasius cùm esset Græcæ linguæ callentissimus, & hujus ego auctoritatem elevare statuissem, id ut quoquo modo possem, Græcas literas, *ejus*, si diis placet, *regna*, ad ima *subsellia relegavi*. Quis calumniari solertiùs, quàm hariolari te nunc dicat ? Atqui non meus ille fucus, vir sagacissime, sed tuus mucus quem olfecisti, tantummodo erat. Mibi enim cum Salmasio de Græcis non magis literis quàm Calendis contestata lis erat ; non illum literis vel Græcis vel Latinis sed Auctoritatum & rationum ponderibus affligendum atque sternendum esse intelligebam. Hinc tu, propterea quòd omnes cupidè ambages quæris ; nequid ad rem dicere cogaris, ut olim paupertatis ; ita nunc Græcarum literarum in laudes ridiculè sanè transcurris. Quas ego cum neque nesciam, & si quis alius, plurimi faciam nihil profectò ineptius, nihil alienius fingere potuisti, quàm despectas à me esse Græcas

Græcas literas : cùm non tibi illas, sed te illis probro esse dixerim. Sed hæc tua perpetua ferè ratio est ; ubi non fictis criminibus urgeris , ut ne obmutuisse planè videaris , data tibi esse à me crimini quælibet fingis, aut absurda quævis & falsissima de me inferis, eaque in primis quæ dicta nunquam sunt, refutanda arripis : Hîc strepis, hîc tumultuaris, hîc te jactas. Si adulterii te postulo, paupertatem scilicet contemno ; paupertas tibi contra me toto penu loculorum tuorum defendenda est : Si stupri arguo, Græcas literas nimirum vellico ; Græcarum literarum obtrectator oppugnandus tibi sum : Sic tu vera fictis eludere conaris, ut hoc fumo excitato occultare turpem fugam & convictissimi fontis pudorem atque silentium possis. Vide autem, dum Græcas literas tam veteratoriè laudas, ut irascantur tibi Literæ Latinæ; tuumque jecur latinum, ut satis sanum non sit. *Quota pars hæc est, inquis, sputorum & al-*

porum ?

porum ? Næ tu masculum tibi alapum hoc solœcismo meruisti ; nam foemineas esse alapas quas tot sensisti, mirum non est si invitus agnoscas. Verum hæc missa faciamus ; levia sunt, vetera sunt ; alius repentè homo jam factus est Morus ; ad sanitatem jam-jamque est rediturus ; gradum unum atque alterum fecit ; paulò veracior, paulò candidior ab Rhetorica Diaboli (sic enim calumniam suprâ nominat) ad Rhetoricam transit Juliani. *Vicisti*, inquis, *Miltone*. Hanc nempe vocem, ut ille olim (ne non Apostata satis germanus per omnia videaris) veritate victus emisisti. Sed vide, ne sincerum quod est cauponum more, mendacio statim diluas. *Confitentem*, inquis, *habes reum*. Ego verò reum quidem habeo ; confitentem non habeo : nisi si id pro confesso est habendum quicquid tu si entio præteriisti : sic enim & libellum in nos famosum edidisse, & hosti nostro dicasse, & Anglicanam Rempubl. indignissimis modis, meque

meque nominatim illæsus læsisse, totam denique fabulam Genevensem confiteris. Ab hac prævaricatione ad precationem quandam artificiosè compositam te confers; sive ea tuæ fidei publicæ extrema confessio dicenda est; ad quam Deum testem invocas, tremendum fateor & testem & judicem. Multa confiteris, multa ploras, peccata quidem *longè gravissima*, sed quæ ad nos nihil attineant, quia penitus latent, & etiamnam inconfessa nobis sunt. Et ista quidem si in occulto, clausisque foribus, ut peccare antea, ita nunc precari in animum induxisses, laudassem equidem te, deque benignitate & clementia divina bene sperare jussissem: nunc cum in platea media orantem te hîc reperiam, ad homines potius quàm ad Deum concinnatas has esse preces, & quasi ultima jacentis tuæ fidei publicæ suspiria judicari. *Te Deus, te testem invoco, an non videant homines in corde isto quæ tu non vides.* O confessionem
claram

claram atque simplicem ! immò verò
 quid obscurius, quid cautius, quid jure
 consultius composuisse poteras, ut de-
 cem causidicos vel adhibuisse viderere,
 vel pertinuisse ? Nam quid hoc est,
 obsecro ? *un non vident homines in*
corde isto. Quid vident homines in
 corde ? Urinatore hîc opus est Delio.
 Verùm quid quis in corde videat, vi-
 derit. Ego facta palam, audita, visa,
 testata refero : quas nemo meas esse
 calumnias sine maxima calumnia di-
 xerit. *Longè turpior sum,* inquis, *re*
quidem vera quàm illi fingunt ; ob illa
tot abscondita, quorum apud te reus
verè sum. Sic tu nota ignotis, clara
 absconditis delere atque eluere cona-
 ris : occulta, incerta, latentia confiteris,
 ut explorata, certa, manifesta eò impu-
 dentiùs negare possis : ad extremum
 eò descendis, ut confessionem hanc,
 quasi libellum famosum de temetipso
 conscribas, quò faciliùs veram accu-
 sationem aliorum possis evadere. Tu
 hæc atque hujusmodi valere apud
 Deum

Deum cave existimes; apud hominēs
 certē vel mediocriter sagaces, minimē
 valebunt. Quōd si linguis, ut ipse ais,
 atque conviciis omnium jamdiu verbe-
 ratus, resipuisti aliquando revera, & ad
 bonam frugem revertisti, gaudeo. Nos
 te sic veram egisse poenitentiam arbi-
 trabimur; si tuarum in nos injuriarum
 & maledicentiæ famosæ poenituisse
 tandem intelligemus.

F I N I S.

Typographica errata sic corriguntur

Pag. 8. lin. 4. lege neque maledicentiæ. p. 11. l. 18.
 dele loqui. p. 17. l. 1. dele aliis. p. 25. l. 8, lege uni.
 p. 48. l. 14. lege metiri. p. 75. l. 20. hastā sine comate.
 p. 99. l. 4. lege quidem.